

## IMI-TANDAZWANA, NE-NCWADANA, NE-VANGELI

ZOMNYAKA WONKE.

¶ *Maiti imi-Tandazwana ye-Cawa nge-Cawa neyemihla engcwele esakuba ine-Vigil itetwe kwi-Nkonzo yango-Kuhlwa pambi kwe-Cawa nemihla leyo.*

EYOKUQALA I-CAWA YE-ADVENT.

UM-TANDAZWANA.

**T**IXO Somandla, sipé ufefe lokuba siyilahle imisebenzi yobumnyama, sixóbe izixóbo zokukánya, sisabudla obubomi bupélayo, awati ngabo u-Yesu Kristu u-Nyana wako weza kuti ngolulamo olukulu; ukuze siti ngomhla wokugqibela, akupinda enamandla nobuqaqauli bake eze kugweba abahleliyo nabafileyo, sivukele ebomini obungapéliyo, ngaye lowo uhleli elaula ndawonye nawe no-Moya Oyingcwele kaloku nangonapakade. *Amen.*

¶ *Lom-Tandazwana mawuhlal' utetwa neminye ye-Advent imihla ngemihla kude kube yi-Nkonzo yo-Kuhlwa okwandulela imini ye-Kristmas.*

I-NCWADANA. Kwabase-Roma xiii. 8.

**N**INGABI natyala lanto mntwini, lingelilo elokutandana kupéla; kuba omtandayo omnye uzalise umteto. Kuba oku kuti: Uz' ungatexezi, uz'

ungabulali, uz' ungébi, uz' unganqini buxoki, uz' ungakanuki, nokuba kukó wumbi umteto, kuhlanganiselwe kwelilizwi lokuti: Uz' umtande ummelwane wako ngoko uzitanda ngako. Utando alusebenzi bubu kuye ummelwane; ngoko utando kukuzalisekisa umteto. Masikwenze ke oko, silazi nje ixesha eli, ukuba selilihixa lokuba sivuke ebutongweni; kuba ngoko usindiso lukufupi kuti kunokuya saqalayo ukukólwa. Ubusuku buhambile, ukusa ke kusondele. Masiyilahle ngoko imisebenzi yobumnyama, sixóbe ezokukánya. Masihambe ngokuzibekileyo ngokwase-mini; kungabi sezindywaleni nasekunxileni; kungabi sekupimiseni nasebuleletyweni; kungabi sezinkanini nasemoneni. Yambatani ke i-Nkosi u-Yesu Kristu, ize ningatukutezeleli inyama ukuzenza inkunuko zayo.

I-VANGELI. U-Mateyu Ongcwele xxi. 1.

**K**UTE, xa bebesondele e-Yerusalem, befikile e-Betefage, entabeni yemi-Nquma, u-Yesu wesusa abafundi bababini, esiti kubo, Yiyani emzini lo ukangelene nani, kwa oko nofumana i-esile libotshelelewe linetóle; likúluleni nilizise kum. Nokuba kukó ote wateta into kuni, notí, Ayafuneka e-Nkosini; woti ke awatumele kwa oko. Kekaloku oku konke kwenzeké, ukuze kuzaliseke okwatetwayo ngom-profite, esiti, Yitini kwintombi ka-Tsiyon, Yabona, ukumkani wako uza kuwe, enobulali, ekwéle e-esileni, ilitóle ke lento eboshwayo. Baya ke abafundi, benza ngoko wayebamisele ngako u-Yesu; balizisa i-esile netóle, babeka ingubo zabo pezu kwawo, bamhlalisa pezu kwazo. Yati ke inkoliso yabantu yazandlala ingubo zayo endleleni, baye abanye bexúzula amasebe emitini, bewandlala endleleni. Zaye ke izihlwele ezazihamba pambili, nezazilandela zidanduluka, zisiti,

Hosana kuye unyana ka-Davide; makabongwe lo uzayo ese-Gameni le-Nkosi; Hosana enyangweni. Akungena e-Yerusalem, wonke umzi wazamazama, usiti, Ngubanina lo? Bati ke abantu, Lo ngu-Yesu um-profite ongowase-Nazarete yelase-Galili. Wanguena u-Yesu e-tempileni ka-Tixo, wabakupa bonke ababetengisa nababetenga e-tempileni, wazibukuqa i-tafile zabanansi bemali, nezihlalo zabatengisa ngamahobe; wati kubo, Kubaliwe kwatiwa, Indlu yam iyakubizwa ngokuba yindlu yokutandaza; ke nina niyenze umqolomba wezihange.

### EYESIBINI I-CAWA YE-ADVENT.

#### UM-TANDAZWANA.

**N**KOSI encomekayo, owenze ukuba zonke izi-Balo ezingwele zibalelwe ukufunda kwetu; Sipé ukuba sizive, sizifunde, sizigqale, sizamkelele entliziyweni, ukuze sithi ngonyamezelo nangovuselelo lwe-Lizwi lako sihlale siligcina itemba lobomi obungunapakade, osipé lona ngaye u-Msindisi wetu u-Yesu Kristu. *Amen.*

#### I-NCWADANA. Kwabase-Roma xv. 4.

**I**NTO zonke ezabálwayo ngenxa engapambili zabalwa okwetu ukufundiswa, ukuze sithi ngalo unyamezelo novuselelo lwezi-Balo sibe netemba. Wanga ke u-Tixo wonyamezelo novuselelo anganinika ukucinga nto nye pakati kwenu ngokuka-Kristu Yesu; ukuze ngamxélo mnye nimzukise ngamlomo mnye u-Tixo u-Yise we-Nkosi yetu u-Yesu Kristu. Kungoko nditi, Yamkelanani, njengokuba naye u-Kristu wasamkelayo, ukuba kuzukiswe u-Tixo. Kekaloku nditi,

u-Yesu Kristu waba ngumlungiseleli wolwaluko ngenxa yenyanso ka-Tixo, ukuze aqiniseke amadinga ake kobawo; ziti ke i-Ntlanga zimzukise u-Tixo ngenxa yenceba yake, njengokuba kubaliwe kwatiwa, Ngenxa yoko ndiyakubulela kuwe pakati kwe-Ntlanga, ndivume kwi-Gama lako. Kananjalo uti, Yibani nemihlali, zi-Ntlanga, ndawonye nabantu bake. Kananjalo, Yidumiseni i-Nkosi, nonke nina zi-Ntlanga, niyibonge, nonke nina bantu. Kananjalo u-Yesaya uti, Iya kubako ingcambu ka-Isayi, uyakucela oyakulaula i-Ntlanga; ziyakutembela kuye i-Ntlanga. Wanga ke u-Tixo u-Mdali wetemba elo anganizalisa ngalo lonke uvuyo noxolo ekukolweni, ukuze nipupume itemba ngamandla o-Moya Oyingwele.

#### I-VANGELI. U-Luka Ongwele xxi. 25.

**K**UYA kubako imiqondiso elangeni nasenyangeni nasezinkwenkwezini; nasemhlabeni kubeko ukuxinezeleka kwentlanga, zixakeka; lugquma ulwandle namaza. Abantu besifa kukoyika nakulindela izinto ezizayo pezu kwelimiweyo; kuba amandla ezulu ayakuzanyazanyiswa. Bandule ukumbona u-Nyana womntu esiza ngelifu enamandla nobuqaqauli obukulu. Kekaloku, xa ezizinto ziqala ukuhla, yimani, nizipakamise intloko zenu, ngenxa yokuba iyasondela inkululeko yenu. Wateta umzekeliso kubo wati, Wukangeleni umkiwane nemiti yonke; xa iselite yavelisa amagqabi, niyabona nazi ngokwenu ukuba ihlobo selikufupi. Kwa ngokunjalo nani, xa nite nazibona ezizinto zisihla, yazini ukuba bukufupi ubukumkani buka-Tixo. Inene nditi kuni, Asiyikuké sidlule esisizukulwana, zide zihle zonke ezizinto. Liyakudlula izulu nomhlaba; ke wona amazwi am akasayikudhlula.

## EYESITATU I-CAWA YE-ADVENT.

## UM-TANDAZWANA.

**N**KOSI Yesu Kristu, ote ukuqala kwako ukuza watuma isitunywa sako ukuya kukulungiselela indlela; Yenza ukuba izicaka namagosa emfihlelo zako zenjenjalo ukulungisa indlela yako, ngokugulelela intliziyo zabangevayo ebulumkweni bamalungisa, ukuze wakubuya uzakuligweba ilizwe sifunyanwe singabantu abakolekileyo kuwe, ohleli ulaula uno-Yihlo no-Moya Oyingewe, emnye u-Tixo, ngonapakade. *Amen.*

## I-NCWADANA. 1 Kwabase-Korinte iv. 1.

**U**MNTU makasibalele ekutini sizizicaka zika-Kristu, singamagosa emfihlelo zika-Tixo. Kekaloku ke kufuneka emagoseni, ukuba elowo afumaneke etembekile. Kum ke yeyona nto incinane, ukuba ndincinwe nini nangogwebo lwabantu; ke andizincini nam ngokwam. Kuba andinasazela santo ngokwam, andigwetyelwe noko; ondincinayo ke yi-Nkosi. Ngoko ke, maningagwebi nto pambi kwelona xesha, ide ifike i-Nkosi, eyakuti izikanyise nokuzikanyisa izinto ezifihlakeleyo zobumnyama, iwabonakalise namacebo entliziyo; andule ulowo nalowo abe nodumo oluvela ku-Tixo.

## I-VANGELI. U-Mateyu Ongewe xi. 2.

**K**EKALOKU u-Yohane, eyivile esen-tolongweni imisebenzi ka-Kristu, wesusa bababini kuba fundi bake, wati kuye, Wena ungulcwo uzayo na, silinde wumbi kusinina? Wapendula u-Yesu wati kubo, Hambani, niye kumbikela u-Yohane izinto enizivayo nenizibonayo: imfama zibuya zibone, ne-

ziqwala ziyahamba, abaneqenqa bayahlanjululwa, nezitulu ziyeva; abafileyo bayavuswa, namahlwempu ayazishunyayezwa indaba ezilungileyo. Unyweba ote akakubeka kum. Kwati ekumkeni kwabo waqala u-Yesu wati kwizihlwele ngaye u-Yohane, Kanene napuma nisiya kubona nto-nina entlango? Yabe iyingcongolo na izanyazanyiswa ngumoya? Napuma nisiya kubona nto-nina kodwa? Yabe ingumntu ovete ingubo ezitofotofo na? Yabonani, abo bambata ezitofotofo baba sezindlwini zokumkani bona. Napuma nisiya kubona nto-nina kodwa? Yabe ingum-profite na? Ewe, nditi kuni, node wagqitisa kum-profite. Kuba lo ngulowo kubaliweyo ngaye, kwatiwa: Yabona, ndiyasituma isitunywa sam ngapambi kobuso bako, esiya kuyilungisa indlela yako pambi kwako.

## EYESINE I-CAWA YE-ADVENT.

## UM-TANDAZWANA.

**N**KOSI, siyakutandaza, bonakalisa amandla ako, ungene pakati kwetu, usisize ngamandla amakulu; ukuze sixakiwe nje zizono zetu, sikohlilwe nokuhamba indlela esiyimiselweyo, usincede wena kamsinya, usikilule ngobubele bako obukulu; ngenxa yentlaulelo yo-Nyana wako, i-Nkosi yetu, ofanele ukudanyiswa enawe no-Moya Oyingewe, ngonapakade. *Amen.*

## I-NCWADANA. Kwabakwa-Filipu iv. 4.

**V**UYANI e-Nkosini amaxesha onke; ndipinda nditi, Vuyani. Intobeko yenu mayazeke kubantu bonke. I-Nkosi ikufupi. Ningaxaleli nto; maziti ezintweni zonke, ngako ukutandaza nokukunga ndawonye nokubulela, zaziswe kuye u-Tixo

izicelo zenu. Lwaye uxolo luka-Tixo, olugqitisele kúko konke ukuqonda, luyakuzigcina intliziyo nengqondo zenu ku-Kristu Yesu.

I-VANGELI. U-Yohane Ongewele i. 19.

**N**ABU ke ubunqina buka-Yohane, oko ama-Yuda atuma ababingeleli nama-Levi, bepuma e-Yerusalem, ukuze bambuze ngeliti, Wena ungubanina? Wavuma, akakanyela, wavuma, esiti, Andinguye mna u-Kristu. Bambuza besiti, Unto-nina ke? ungu-Eliya na? Wati, Andinguye. Unguye na um-profite lowo? Wati ukupendula, Hayi. Bati ngoko kuye, Ungubanina ke? ukuze sise impendulo kwabo basitumileyo; uti-nina wena ngawe ngokwako? Wati, Mna ndilizwi lodandulukayo entlango, lisiti, Yityenenezeni indlela ye-Nkosi, njengoko watshoyo u-Yesaya um-profite. Baye abo babetunyiwe bengakubo aba-Farisi. Bambuza bati kuye, Ubaptizela nina pofu, ukuba wena akunguye u-Kristu, no-Eliya, nom-profite lowo? Wabapendula u-Yohane esiti, Mna ndibaptiza ngamanzi; kumi ke pakati kwenu eningamaziyo nina; yena ngote, esiza emva kwam, wesuka nje waba pambi kwam, endingafanelekile mna ukuba nditukulule umtya wesihlangu sake. Ezizinto zenziwa e-Betabara pesheya kwe-Yordan, apo u-Yohane wayebaptiza kona.

UMHLA WOKUZALWA KWE-NKOSI YETU U-KRISTU,  
OKUTIWA YI-KRISTMAS.

UM-TANDAZWANA.

**T**XIXO Somandla, osinikeleyo u-Nyana wako okupela kozelweyo, ukuba azitabatele isimo setu, ati ngokwanjengelixesha azalwe yi-Ntombi emsulwa; Yenza ukuba tina, sizelwe ngokutsha, sangeniswa saba nga-

bantwana bako ngofefe, sihlaziywe imihla ngemihla ngo-Moya wako Oyingewele; ngayo lo-Nkosi yetu u-Yesu Kristu, ohleli elaula nawe no-Moya Oyingewele, emnye u-Tixo, ngonapakade. Amen.

I-NCWADANA. Kuma-Hebere i. I.

**U**-TIXO wayetetile nje kudala ngendawo ezininzi nangendlela ezininzi kobawo ngaba-profite, utete ngalemihla yokugqibela kuti ngo-Nyana, awammisayo wayindlalifa yento zonke, awati kwa ngaye wazidala into zonke. Ote, elubengezelo lobuqaqauli bake, emfanekisa kanye ngenqu, ezipete zonke izinto ngalo ilizwi lamandla ake, wesuka akuba eyenzile intlambululo yokusihlambulula ezonweni, wahlala pantsi ngasekunene kobukulu bapezulu, ete waba ngonamandla ngapezu kwe-ngelosi, ngangoko azuze ilifa legama eligqitiseleyo kunelazo. Kuba yiyipina i-ngelosi, awaká wati kuyo, Ungu-Nyana wam wena, ndikuzele Mna namhla? Nokuti, Mna ndiyakuba ngu-Yise kuye, abe ngu-Nyana kum yena? Nangexa lokuti amngenise owamazibulo kwelimiweyo, uti, Maziqubude kuye zonke i-ngelosi zika-Tixo. Okunene ngazo i-ngelosi uti, Ulozenza i-ngelosi zake omoya, nababusi bake ilangatye lomlilo. Kodwa ngaye yena u-Nyana uti, I-trone yako, Tixo, isa epakadeni lasepakadeni; yintonga yobulungisa intonga yobukumani bako; watanda ubulungisa, watiya ubugwenxa; ngenxa yoko, u-Tixo, u-Tixo wako, ukutambise nge-oli yomgcobo ngapezu kwabakowenu. Ati, Ekuqalekeni, wena Nkosi, wawuseka umhlaba, nawo amazulu ayimisebenzi yezandla zako; wona ayakutshabalala, ke wena uhlah uhleli; aye onke njengengubo eyakonakala, nanjengesambato uyakuwasonga, asuke abe ngawambi; ke wena ukwanguwe, nayo iminyaka yako ayiyikupela.

I-VANGELI. U-Yohane Ongcwele i. 1.

**E**KUQALEKENI ubekó u-Lizwi, waye u-Lizwi ekuye u-Tixo, waye u-Lizwi engu-Tixo. Yena lowo ebekó ekuqalekeni ku-Tixo. Into zonke zabakó ngaye; engekó yena akubangakó nanye into ete yabakó. Kuye kwakukó ubomi, baye ubomi obo balukányiselo lwabantu. Ukányiso ke olo lwabonakala ebumnyameni, basuka ubumnyama abaloyisa. Kwabakó umntu otunyiweyo evela ku-Tixo, ogama lalingu-Yohane. Lowo weza kuba lingina ukuze anqine ngalo ukányiso, ukuze bonke bakólwe ngaye. Ubenyelulo ukányiso yena lowo; weza kunqina ngalo ukányiso. Waye yena elukányiso oluyinyaniso, olubakányiselayo abantu bonke, esiza emhlabeni. Ube semhlabeni ke; umhlaba wabakó ngaye; umhlaba awumazanga. Weza kokwake, baza abake abamvuma. Ke bonke abamamkelayo wabanika igunya lokuba babe ngabantwana baka-Tixo, abo ke bakó-lwayo kwigama lake; abangazalwanga ngagazi nangakutanda kwanyama, nangakutanda kwandoda, bazalwa ngu-Tixo. U-Lizwi waba yinyama, wahlala pakati kwetu, sabubona ubuqaqauli bake, ubuqaqauli kanye bowokupéla kwamzeleyo u-Yise, ezele lufefe nayinyaniso.

## UMHLA KA-STEFANO ONGCWELE.

UM-TANDAZWANA.

**S**IPE, Nkosi, ukuba kubo bonke ubunzima esibuvayo ngokunqinela inyaniso yako, siqwalasele ezulwini, sibone ngokólo ubuqaqauli obuyakuveliswa; siti, sizaliswe ngu-Moya Oyingcwele, sifunde ukutanda abatshutshisi betu, sibatandazele, sixelisa u-Stefano Ongcwele, um-Feli wako wokuqala, owatandazela kuwe abamsikayo, Yesu oncomekayo, omi

ngasekunene kuka-Tixo, ukuze usize bonke abaviswa ubuhlungu ngenxa yako; inguwe wedwa osilamlelayo, inguwe wedwa ositetelelayo. *Amen.*

¶ *Apa makutetwe um-Tandazwana wo-Mhla we-Kristmas, imihla yonke kude kufike umhla owandulela owokuqala wom-Nyaka om-Tsha.*

EYE-NCWADANA. Izenzo vii. 55.

**U**-STEFANO ezele ngu-Moya Oyingcwele, waqwalasela ezulwini, wabona ubuqaqauli buka-Tixo, no-Yesu emi ngasekunene kuka-Tixo. Wati, Yabonani, ndiwabona amazulu evulekile, ndimbona u-Nyana womntu emi ngasekunene kuka-Tixo. Bانداندuluka ke ngezwi elikulu, bazivingca indlebe zabo, besuka indulumbane pezu kwake ngamxélo mnye, bamkúpela ngapandle komzi, bangibisela ngamatye. Amanqina azibeka ingubo zawo ezinyaweni zendodana ekutiwa ngu-Saule. Ayemgibisela ngamatye u-Stefano, etandaza, esiti, Nkosi Yesu, wamkele umoya wam. Uguqile ke ngamadolo, wadanduluka ngezwi elikulu, wati, Nkosi, ungabamiseli esisono. Akutsho, walala ubutongo.

I-VANGELI. U-Mateyu Ongcwele xxiii. 34.

**K**ANGELANI, mna ndinitumela aba-profite nezi-lumko nababáli, niyakuti inxenye kubo niyibulale niyibetelele emnqamlezweni, niti inxenye kubo niyityakatye ezindlwini zenu zesikúngu, niyitshutshise kwimizi ngemizi; ukuze linifikele lonke igazi elinobuhlungisa elapalazwayo emhlabeni apa, kutabata egazini lika-Abeli ilungisa, kuse egazini lika-Zekariya unyana ka-Berekiya, enambulala pakati kwendawo engcwele nesibingelelo. Inene nditi kuni, Zonke ezonto ziyakusihlela esisizukulwana. Yerusalem, Yerusalem, wena ubabulalayo aba-profite, ubagibisele ngamatye abo

batunye kuwe, kufuti kangakananina nditande ukubabutela ndawonye abantwana bako, ngohlobo esiti isikukukazi siwabutele ndawonye amatole aso ngapantsi kwamapiko, anavuma! Yabonani indlu yenu ishiywa nani izé. Kuba nditi kuni, Aniyikuba sandibona emveni koku, nide niti, Makabongwe lowo uzayo nge-Gama le-Nkosi.

### UMHLA KA-YOHANE ONGCWELE, UM-VANGELI.

#### UM-TANDAZWANA.

**S**SIYAKUTANDAZA, Nkosi Onetafu, siti, toba imitá yokukanya kwako pezu kwe-Kerike yako, ize iti ikanyiselwe yimfundiso yom-Postile wako u-Yohane Ongcwele, um-Báli we-Vangeli, ihambe ekukanyeni kwenyaniso yako, ize iti ekugqibeleni ifikelele ekukanyeni kobomi obungunapakade; ngaye u-Yesu Kristu i-Nkosi yetu. *Amen.*

#### I-NCWADANA. I Ka-Yohane Ongcwele i. 1.

**O**KO kwakukó kwasekuqalekeni, oko sikuvileyo, oko sikubonileyo ngawetu amehlo, oko sakukangelayo, zakupáta izandla zetu, okwe-Lizwi labo ubomi, (babonakaliswa ubomi, sibubonile, siyabunqinela, siyabuxela kuni, ubomi obo bungunapakade, bona obo bebukuye u-Yise, baza babonakaliswa kuti;) oko ke sikubonileyo, sikuvileyo, siyakuxela kuni, ukuze nani nibe nodlelano nati; lwaye ke udlelano lwetu lunaye u-Yise, lunaye u-Nyana wake u-Yesu Kristu. Ezizinto sinibálela, ukuze uvuyo lwenu luzaliseke. Lilo eli ilizwi esilivileyo kuye, esinityela lona, lokuba u-Tixo ukukukanya, nokuba akukó bumnyama kuye. Ukuba sitsho ukuti sinodlelano

naye, sibe sihamba ebumnyameni, soba siyaxoka, si-ngayenzi inyaniso; ke ukuba sihamba ekukanyeni, njengokuba yena esekukanyeni, sinodlelano omnye nomnye, liti negazi lika-Yesu Kristu lisihlambulule izono zonke. Ukuba siti, Asinasono, siyazilahlekisa, inyaniso ayikó kuti. Ukuba siti sizixele izono zetu, utembekile, ulilungisa lokusixolela izono, asihlambulule kuko konke ukungalungisi. Ukuba siti asonanga, simenza ixoki, ilizwi lake alikó kuti.

#### I-VANGELI. U-Yohane Ongcwele xxi. 19.

**W**ATI u-Yesu ku-Petros, Ndilandele. Ejikile ke u-Petros wabona umfundi obetandwa ngu-Yesu elandela, lowo wayame esifubeni sake esidlweni, wati, Nkosi, ngubanina okunikelayo? U-Petros akumbona lowo, uti ku-Yesu, Nkosi, lo woba yinina? Wati u-Yesu kuye, Ukuba nditi nditande ukuba yena ahlale ndide ndifike, iyinina lonto kuwe? Landela mna wena. Lapuma ngoko elilizwi laya kubazalwana, ukuba lomfundi akayikufa. Waye u-Yesu engatsho ngokuye ukuti, akayikufa; wati, Ukuba nditi nditande ukuba yena ahlale ndide ndifike, iyinina lonto kuwe? Nguye lo umfundi onqinayo ngezizinto, wazibála ezizinto; kanjalo siyazi ukuba ubunqina bake buyinene. Kukó ke nezinye izinto ezininzi awenzayo u-Yesu, ezingati zite zabálwa ngazinye, ndiba umhlaba lo awungezibambi inewadi ezo zingabálwayo.

### UMHLA WENTSANA EZINGCWELE.

#### UM-TANDAZWANA.

**T**XISO Somandla, owati emiloneni yentsana nabá-nyayo wadala amandla, wati mabakudumise ngokufa kwabo; Búbisa yonke inkohlakalo epakati kwetu, usomeleze ngobubele bako, ukuze siti ngo-

bumsulwa, siqinisele ukukólwa kude kube sekufeni, sidumise i-Gama lako elingcwele; ngaye u-Yesu Kristu i-Nkosi yetu. *Amen.*

EYE-NOWADANA. Isityilelo ziv. 1.

**N**DABONA, nantso i-Mvana imi pezu kwentaba ye-Tsiyon, kumi nayo ikulu elinamashumi mane anesine lamawaka, benalo igama lo-Yise libáliwe emabunzini abo. Ndeva izwi lipuma ezulwini, lingati sisandi samanzi amaninzi, lingati sisandi sendudumo enkulu, ndeva nezwi lababeti behadi bebetha ihadi zabo; bevuma ingoma engati intsha pambi kwetroni napambi kwezinto ezipilileyo zozine, nabadala; kwaye kungekó namnye unako ukuyifunda ingoma layo ongenguye wasekulwini elinamashumi mane anesine lamawaka ababetengiwe emhlabeni. Aba ngabo bangadyobekanga ngabafazi, kuba bemsulwa; aba ngabo balandelayo i-Mvana apo isukuba isiya kóna; aba batengwa bapuma ebantwini, balulibo kuye u-Tixo nakuyo i-Mvana; emlonjeni wabo akwafunyanwa nkohliso; kuba bengenasi páko pambi kwetroni ka-Tixo.

I-VANGELI. U-Mateyu Ongcwele ii. 13.

**I**-NGELOSINI ye-Nkosi yabonakala ku-Yosefu epúpeni, isiti, Vuka umtabate umntwana nonina, usabele e-Yiputa, uze ube kóna apo ndide ndikuxelele; kuba u-Herode uhlalel' ukumfuna umntwana lowo ukuba amtshabalalise. Evukile ke yena wantabata umntwana nonina ebusuku, wemka waya e-Yiputa; waba kóna apo wada wafa u-Herode; ukuze kuzaliseke okwatetwayo yi-Nkosi ngom-profite esiti, Ndambiza unyana wam apume e-Yiputa. Kekaloku u-Herode, akubona ukuba izazi zidlale ngaye, waba nomsindo kunene, waza watumela, wababulala bonke abantwana

abase-Betelehem, nakuyo yonke imida yayo, abaminyaka mibini bezelwe, nangapantsi, elungelelanisa nexesha abeliqonde kakuhle kuzo izazi. Kwandula ukuzaliseka okwatetwayo ngu-Yeremiya um-profite, esiti, Kwavakala izwi e-Rama, isikálo nesililo nesijwili esikulu, u-Rahele elilela abantwana bake, engavumi nokututuzeleka, ngokuba bengasekó.

I-AWA ELANDELA UMHLA WE-KRISTMAS.

UM-TANDAZWANA.

**T**IXO Somandla, osinikeleyo u-Nyana wako okupela kozelweyo, ukuba azitabatele isimo setu, ati ngokwanjengelixesha azalwe yi-Ntombi emsulwa; Yenza ukuba tina, sizelwe ngokutsha, sangeniswa saba ngabantwana bako ngofese, silhaziywe imihla ngemihla ngo-Moya wako Oyingcwele; ngayo lo-Nkosi yetu u-Yesu Kristu, ohleli elaula nawe no-Moya Oyingcwele, emnye u-Tixo, ngonapakade. *Amen.*

I-NOWADANA. Kuma-Galati iv. 1.

**N**DITI ke indlalifa ngexesha lonke engumntwana ayahluka nganto kumkonzi, nakuba iyinkosi yento zonke; ipantsi kwabagcini namagosa, kude kufike ixesha elamiswa ngapambili nguyise. Ngokunjalo nati, xenikweni besingabantwana, besikonziselwe pantsi kweziqalelo zomhlaba. Lite ke lakuzaliseka ixesha, u-Tixo wantuma u-Nyana wake, ote wazalwa ngumntu oyinkazana, ezalwe pantsi komteto; ukuze abatenge abakúlule abapantsi komteto, ukuze sikuzuze ukwenziwa onyana. Ngokuba ke ningonyana, u-Tixo wamkúpa u-Moya wo-Nyana wake weza ezintliziyweni zenu edanduluka esiti, Abba, Bawo! Ngoko ke akusengumkonzi, ungunyana;

ukuba ke ungunyana, ukwayindlalifa ka-Tixo ngo-Kristu.

I-VANGELI. U-Mateyu Ongewele i. 18.

**UKUZALWA** kuka-Yesu Kristu kwaye kungo-luhlobo : kwati akuba unina u-Mariya useleganelwe u-Yosefu, bengekahlangani, wafunyanwa emitlango-Moya Oyingewele. Wati ke u-Yosefu indoda yake, engolilungisa, engatandi ukumhlaza ekuhleni, wanga angamala ngasese. Kwati esacinga ezizinto, i-ngelosi ye-Nkosi yabonakala kuye epupeni, isitl, Yosefu, nyana ka-Davide, mus' ukoyika ukumtabatela kuwe u-Mariya umfazi wako, kuba oko kukaulweyo pakati kwake kungo-Moya Oyingewele. Uyakuzala ke unyana, umbize ngegama elingu-Yesu ; kuba yena eyakubasindisa abantu bake ezonweni zabo. Kekaloku oku konke kwenziwa, ukuze kuzaliseke okwate-twayo yi-Nkosi ngom-profite, esitl, Yabonani, intombi iyakumita, izale unyana, abizwe ngegama elingu-Yimanuweli, oko kukuti ngenteto evakalayo, u-Tixo unati. Wati ke u-Yosefu, evukile ebutongweni, wenza ngoko ibimmisile ngako i-ngelosi, wamtabatela kuye umfazi wake ; waza ke akamazi, wada wazala unyana wake wamazibulo ; wambiza ke ngegama elingu-Yesu.

UKW-ALUKA KUKA-KRISTU.

UM-TANDAZWANA.

**TIXO** Somandla, owatanda ukuba aluswe u-Nyana wako, awululamele umteto ngenxa yabantu ; Sipé ulwaluko lwenene lwo-Moya wako, ukuze zonke inkanuko zomhlaba nezenyama zibujiswe ezintliziyweni nasemizimbeni yetu, siti ezintweni zonke silulamele intando yako engewele ; ngaye u-Nyana wako lowo u-Yesu Kristu i-Nkosi yetu. *Amen.*

I-NCWADANA. Kwabase-Roma iv. 8.

**INENYWEBA** indoda eyakuti i-Nkosi ingaké ibalele sono kuyo. Lenyweba ngoko ikó kwabolwaluko na, ikó nakwabangebolwaluko, sinina ? kuba sitl, Ukólo lwabalelwa ebulungiseni ku-Abraham. Lwatiwanina kengoko ukubalelwa kuye ? esekwalukeni ? esekungalukini, sinina ? Engekóna ekwalukeni, esekungalukini. Waza wamkela umqondiso wolwaluko, itywina ke lokuqinisa ubulungisa bokólo abe nalo esekungalukini ; ukuba abe nguyise wabo bonke abakólwayo besekungalukini, ukuze ubulungisa bubalelwe nakubo ; nokuti abe nguyise wabalukileyo, abanganele ukuba ngabalukileyo nje kodwa, abati pezu koko bahambe emkondweni wokólo lobawo u-Abraham, abe nalo esekungalukini. Kuba ukumbeka ngedinga u-Abraham nokuba yinzala yake, lokuba abe yindlalifa yalo ihlabati bekungengamteteto, bekungobulungisa bokólo. Kuba abo basemtetweni, ukuba ngabo bazindla-mafa, ukólo alunto yanto, nedinga lingaba lipútisiwe.

I-VANGELI. U-Luka Ongewele ii. 15.

**KWATI** ke, zakumka kubo i-ngelosi zisiya ezulwini, abalūsi abo bati omnye komnye, Masesihamba sisiya e-Betelehem, siyibone lento ihlileyo, esiyazisiweyo yona yi-Nkosi. Beza ngobunxámo, bamfumana u-Mariya, kwa no-Yosefu, nalo usana lulele emkumbini we-stali. Bati ke bakubona, balibéngenza ilizwi elabe litetwe kubo ngaye lomntwana. Bati bonke abo bevayo, bamangaliswa zezozinto zabe zitetwe kubo ngabalūsi. Waye ke u-Mariya ezigcina zonke ezizinto, eziguquguqula entliziyweni yake. Babuya abalūsi, bemzukisa bemdumisa u-Tixo ngenxa yazo zonke izinto ababezivile nababezibonile, njengoko kwabe kutetiwe kubo. Xeshikweni ke zazizalisekile intsuku



ezisibozo zokuba umntwana aluswe, watiywa igama elingu-YESU, elo wabelitiyiwe yi-ngelosi engekamitwa nokumitwa.

¶ *Lom-Tandazwana, kunye ne-Ncwadana ne-Vangeli, uyakutetwa imihla yonke ide ijike i-Epifani.*

### I-EPIFANI

*oko kukutl,*

UKUBONAKALISWA KUKA-KRISTU KWINTLANGA.

UM-TANDAZWANA.

**T**IXO, owati ngokukokela kwenkwenkwezi wabonakalisa u-Nyana wako ozelweyo emnye kwi-Ntlanga; Yenza ngetaŋa ukuba tina sikwaziyo kaloku nje ngokôlo, siti emva kobubomi sibe nokubona ubuqaqauli bobu-Tixo bako; ngaye u-Yesu Kristu i-Nkosi yetu. *Amen.*

I-NCWADANA. Kwabase-Efeso iii. 1.

**N**GENXA yoko, mna Paulos, mbanjwa ka-Kristu Yesu ngenxa yenu zi-Ntlanga: ukuba ke nibuvile ubugosa bofefe luka-Tixo endabunikelwayo ngokusingisele kuni, okokuba wandazisa imfihlelo leyo ngokotyilelo, njengoko sendibâle kade ngokufutshane, enoti ngoko nakufunda nibe nokukuqiqua okwam ukuyiqonda imfihlelo ka-Kristu, ababengatanga kwezimblizizukulwana bayaziswe onyana babantu, njengoko bayityilelweyo ngoku aba-postile bake abangwele naba-profite bake ngo-Moya; eyokuba i-Ntlanga zizindla-mafa nati, zikwamzimba mnye nati, zingamahlulelana nati ngedinga lake kuye u-Kristu ngazo indaba ezilungileyo, endaba ngumlungiseleli wazo

ngokwesipô sofefe luka-Tixo, endasinikwayo ngokokusebenza kwamandla ake. Mna lo uyena mncinanana kubo bonke abangwele, ndanikwa olubabalo lokuba ndishumayeke pakati kwe-Ntlanga indaba ezilungileyo zobutyebi obungalandekiyo buka-Kristu; ndibakânyisele bonke bayibone into oluyiyo udlelano lwemfihlelo, ebifihliwe kwasemapakadeni ikuye u-Tixo, owazidalayo zonke izinto ngo-Yesu Kristu; ukuze ngoku ozilauli nomagunya abakwezasezulwini indawo babaziswe ngayo i-Kerike ubulumko buka-Tixo obuzintlobo ezininzi, ngokwengqibo yake yasemapakadeni awayenzayo ngo-Kristu Yesu i-Nkosi yetu; esinako sikuye ukungafihlisi kwetu nokungeniswa oku kuye sinetemba, ngokukôlwa kuye.

I-VANGELI. U-Mateyu Ongwele ii. 1.

**K**UTE ke, akuba u-Yesu ezelwe e-Betelehem yase-Yudeya emihleni ka-Herode ukumkani, kwafika e-Yerusalem izazi zivela empumalanga, zisiti, Upina lo uzelweyo, ukumkani wama-Yuda? Kuba sibone inkwenkwezi yake empumalanga, size kuqubuda kuye. Ute ke u-Herode ukumkani, akuya wakatazeka yena, ne-Yerusalem yonke naye. Wahlanganisa ke bonke ababingeleli abakulu nababâli babantu, wababuza ukuba ubeyakuzalelwa pina u-Kristu. Baté ke kuye, E-Betelehem yase-Yudeya, kuba kubâliwe ngumprofite kwatiwa, Nawe, Betelehem, mhlaba wakwa-Yuda, akunguye nakanye omncinanana pakati kwabalauli bakwa-Yuda; kuba kuwe apa kuyakupuma umlauli, yena uyakubalûsa abantu bam ama-Sirayeli. Kwakuba njalo, u-Herode ezibize ngasese izazi ezo, waliqonda kakuhle kuzo ixesha lokubonakala kwenkwenkwezi. Wazituma ke e-Betelehem, wati, Hambani niye nicokise ukubuzisa ngomntwana lowo; xa ke nite namfumana, zenindibikele, ukuze nam

ndiye kuqubuda kuye. Zimvile ke zona ukumkani zahamba; nantso inkwenkwezi leyo zayibonayo empumalanga izandulela, yada yaya kuma pezu kwendawo abe kuyo umntwana lowo. Zati ke, zakuyibona inkwenkwezi, zavuya ngovuyo olukulu kakulu. Zingenile endlwini, zambona umntwana eno-Mariya unina, zawa pantsi, ziqubuda kuye, zati zinqike impahla yazo, zanikela kuye iminikelo, i-golide, nentlaka emhlope, ne-more. Zati, kuba zihlatyelwe ngu-Tixo epupeni ukuba mazingabuyi ziye ku-Herode, zemka ngayimbi indlela ukuya ezweni lakowazo.

## EYOKUQALA I-CAWA EMVA KWE-EPIFANI.

## UM-TANDAZWANA.

**Y**AMKELA, Nkosi, ngetafu imitandazo yabantu bako abazibika kuwe; ubancede ukuba baziqonde ezonto bafanele ukuzenza, bati ngofefe nangingamandla babe nokuzifeza; ngaye u-Yesu Kristu i-Nkosi yetu. *Amen.*

I-NCWADANA. Kwabase-Roma xii. 1.

**N**DIYANIVUSELELA ngoko, bazalwana, ngezibele zika-Tixo, ukuba niyimikele imizimba yenu ibe lidini elipilileyo, elingewele, elikolekileyo ku-Tixo, inkonzo yenu ke leyo yasengqondweni. Kanjalo ningamilisi okwelipakade, manibe kumila kumbi ngokuhlaziyeka kwengqiqo zenu, ukuze nikucikide into okuyiyo ukutanda kuka-Tixo, okulungileyo, okukolekileyo, okufezekileyo. Kuba ngalo ufefe endilupileyo nditi kubo bonke abapakati kwenu, mabangazicingeli ngapezu koko bamelwe kuzicingela ngako;

mabazicingele ingcinga efanelekileyo, njengoko u-Tixo abele ulowo nalowo umlinganiso wokolo. Kuba kwa njengokuba sinamalungu amaninzi mzimbeni mnye, abe ke onke amalungu engenamsebenzi mnye: ngokunjalo tin' aba sibaninzi nje simzimba mnye ku-Kristu, sonke ke ngabanye singamalungu omnye elomnye.

I-VANGELI. U-Luka Ongcwele ii. 41.

**B**AYE ke abazali bake behambela e-Yerusalem iminyaka ngeminyaka emtendelekweni we-pasika. Kute, xa abe minyaka elishumi elinamibini ezelwe, bakubon' ukuba banyuke baya e-Yerusalem ngokwesiko lomtendeleko lowo, bakuba beyigqibile imihla, ekubuyeni kwabo, umntwana u-Yesu wasala e-Yerusalem; babengazi ke u-Yosefu nonina. Babeba ke bona usemkekweni wabahambi, bahamba uhambo lwamini nye, bamana bemfuna pakati kwemizalwana napakati kwabazana nabo. Bati bakuba bengamfumani, babuyela e-Yerusalem, bemfuna. Kwati emva kwemihla emitatu bamfumana e-tempileni, ehleli pakati kwabafundisi, ebapulapula ebuya eba-buza. Basuka bonke ababempulapula bati-nqa yingqondo yake nazimpendulo zake. Bakumbona bakwanqiswa. Unina wati kuye, Mntwanam, yinina ukuba usenje-nje? uyabona, uyihlo nam sibe sikufuna sibuhlungu kakulu. Wati kubo, Benindifunela nto-nina? beningazi na ukuba ndimelwe kukuba ndibe semcimbeni ka-Bawo? Ke bona abayiqondanga into awayiteta kubo. Wehla nabo waya kufika e-Nazarete, wabalulamela. Wamana ukuzigcina ke unina zonke ezondawo entliziyweni yake. Waye u-Yesu ekula nokukula ngobulumko nangobukulu nangokutandwa ngu-Tixo nangabantu.

## EYESIBINI I-CAWA EMVA KWE-EPIFANI.

## UM-TANDAZWANA.

**T**IXO Somandla, Ongunapakade, olaula konke oku-sezulwini nokusemhlabeni; Yiva ngetafu imitandazo yabantu bako, usipé uxolo lwako yonke imihla yobomi betu; ngaye u-Yesu Kristu i-Nkosi yetu. *Amen.*

## I-NCWADANA. Kwabase-Roma xii. 6.

**S**INAZO nje izipó ngezipó ngokofefe esiluplweyo, nokuba sinokuprofita, masiprofite ngokomlinganisó wokólo; nokuba sinobukonzi, masihlale ebukonzeni; nokuba ngofundisayo makahlale emfundisweni; nokuba ngovuselelayo, makahlale ekuvuseleleni; owabayo, makabe engenakumbi; ongamelayo, makóngame enyamekile; owenza inceba, makayenze inceba ecwáyitile. Utando malungabi naluhanahaniso; kutiyeni okungendawo, namatelani kokulungileyo. Niti ngokutanda kwenu abazalwana, yenzelanani ngobubele; ngokubeka ke, elowo maze akwélele ulowo; ngokukútala ke, ningatyafi; ngomoya ke, vutani; i-Nkosi yikonzeni; vuyani ninetemba; nyamezelani nisebandezelweni; zingisani ekutandazeni; yabelani abangcwele beswele; zigcineni nendwendwe. Basikeleleni abanitshutshisayo; sikeleleni, ningaqalekisi. Vuyani nabavuyayo, nilile nabalilayo. Cingelanani nto nye; musan' ukucinga izintó ezipakamileyo, tsalelani kwezitobekileyo.

## I-VANGEL. U-Yohane Ongcwele ii. 1.

**K**UTE ngomhla wesitatu kwabakó umtshato e-Kana yelase-Galili; waye unina ka-Yesu ekóna. Wamenyelwa ke no-Yesu kwa nabafundi bake emtsha-

tweni lowo. Kute ke bakupélelwa yi-wayine, wati unina ka-Yesu kuye, Abana-wayine. Utí u-Yesu kuye, Yinto-nina enam nawe, mfazi, alikafiki ilixalam. Wati unina kwizicaka, Asukuba ekuteta kuni, kwenzeni. Kwakumi ke kóna imipánda yamatye imitandatu, ngokwentlambuhulo yama-Yuda, engena ngaminye i-bate ezimbini nantatu. Wati kuzo u-Yesu, Yizaliseni imipánda ngamanzi. Zayizalisa ke, yada ye-cike. Wati kuzo, Yikáni ngoku, nise kwinjoli. Zesa ke. Kekaloku injoli yakuweva amanzi abenziwe i-wayine (yayingazi ke apo ivela kóna; kodwa izicaka bezisazi ebeziwakile amanzi), yasuka injoli yabiza umyeni, yati kuye, Wonke umntu ubeka kuqala i-wayine emnandi, aze xa bate bakólisile ukusela, andule ukubeka enganeno kwaleyo; wena ke uyigcinile i-wayine emnandi kwada kwangoku. Oku kuqaleka kwemigondiso wakwenza u-Yesu e-Kana yelase-Galili, walubonakalisa uzuko lwake; bakólwa kuye abafundi bake.

## EYESITATU I-CAWA EMVA KWE-EPIFANI.

## UM-TANDAZWANA.

**T**IXO Somandla, Ongunapakade, bukangele ngetafu ubulwelwe betu, uti kuzo zonke ingozi nentswelo zetu, wolule isandla sako sokunene, sisincede, sisikúsele; ngaye u-Yesu Kristu i-Nkosi yetu. *Amen.*

## I-NCWADANA. Kwabase-Roma xii. 16.

**M**USAN' ukutí nizingqondi okwenu. Ningabuyekezi ububi ngobubi nakubani. Kátalelani okuhle emehlweni abantu bonke. Ukuba kunokwezeka okukokwenu nina, hlalani ninoxolo nabantu bonke. Musani ukuzipindezelela, zintanda; yikwéle-

leni ingqumbo ; kuba kubáliwe kwatiwa, Impindezele yeyam, kuya kubuyekeza mna, itsho i-Nkosi. Ngoko, ukuba utshaba lwako lulambile, lupé ludle ; ukuba lunxaniwe, luseze ; kuba ngokwenjenjalo wofumba amalahle omlilo entloko yalo. Ungabi ngoyiswa bububi ; boyise ububi ngokulungileyo.

I-VANGELI. U-Mateyu Ongcwele viii. 1.

**K**EKALOKU akuhla entabeni apo, walandelwa ngabantu abaninzi. Nanko kusiza oneqénqa, waqubuda kuye, esiti, Nkosi, ukuba uyatanda, unako ukundihlambulula. Wasolula isandla u-Yesu, wamcú-kumisa, esiti, Ndiyatanda, hlambuluka. Lahlambuluka kwa oko iqénqa lake. Wati u-Yesu kuye, Lumka ungaxeleli bani ; hamba uye kuzibonisa kumbingeleli, uwunikele umnikelo awamisa wona u-Moses, ube bunqina kubo. Kekaloku akubon'ukuba u-Yesu ungene e-Kapernahum, kweza kuye umteteli-kulu embongoza, esiti, Nkosi, isicaka sam silele ngendlu sinedumbe, situtunjelwa ngokoyikekayo. Wati u-Yesu kuye, Ndoza ndisipilise mna. Wapendula umteteli-kulu wati, Nkosi, andikulingene ukuba ude ungene pantsi kopahla lwam ; teta ilizwi lodwa, sopiliswa isicaka sam. Kuba nam ndingumntu opantsi kwegunya labanye, ndinama-soldati pantsi kwam ; nditi kweli, Yiya, liye ; kweliya, Yiza, lize ; kumkonzi wam, Yenza oku, akwenze. Evile ke u-Yesu wamangaliswa, wati kwabalandelayo, Inene nditi kuni, andifumananga lukólo lungakanana nakwa-Sirayeli. Nditi ke kuni, Baninzi abayakufika bevela empumalanga nasentshonalanga, bahlale pantsi ndawonye no-Abraham, no-Isake, no-Yakobi ebukumkanini bezulu. Kodwa bona abantwana bobukumkani baya kukú-tshelwa ebunnyameni bangapandle ; kón' apo kuya kubakó ukulila nokutshixiza kwamazinyo. Waza

wati u-Yesu kumteteli-kulu, Hamba ke, makwenzeke kuwe ngokokólo lwako. Sapiliswa kwa ngalo elolixa isicaka sake.

EYESINE I-CAWA EMVA KWE-EPIFANI.

UM-TANDAZWANA.

**T**IXO, osaziyo ukuba sipahlwe zingozi ezininzi nezinkulu kangaka, side siti ngenxa yobutataka betu sikóhlwe nokuma ; Sixáse usikúsele, sibe nokupumelela ezingozini nasezihendweni zonke ; ngaye u-Yesu Kristu i-Nkosi yetu. *Amen.*

I-NCWADANA. Kwabase-Roma xiii. 1.

**Y**ONKE imipefumlo mayiwahulamele amagunya awongamileyo. Kuba akukó gunya lingelilo elivela ku-Tixo ; amagunya ke akóyo amiswe ngu-Tixo. Ngoko ke olicásayo igunya, umelene nommiselo ka-Tixo ; abo ke bameleneyo nawo bayakuzamkelela ugwebho. Kuba abapáti aboyikeki kwimisebenzi elungileyo, boyikeka kwemibi. Unga akungeloyiki na igunya ? yenza okulungileyo, wodunyiswa kwa lilo : kuba lingumkonzi ka-Tixo wokulungele wena. Ke ukuba uti wenze okubi, yoyika ; kuba alifumane lipáte ifele, kuba lingumkonzi ka-Tixo, umpindezeli wengqumbo kowenza okubi. Kungoko nditi, kufuneka ukululamela, ningenzi ngenxa yengqumbo yodwa, nisenza ngenxa yesazela naso. Kuba kukwangenxa yoku eninikela i-fafu ; kuba ngababusi baka-Tixo, bezingisa ukusebenza lonto. Ngoko nikani kubo bonke okubafaneleyo ; i-fafu kofanelwe yi-fafu, unikelo kofanelwe lunikelo, ukoyika kofanelwe kukoyikwa, imbeko kofanelwe yimbeko.

I-VANGELI. U-Mateyu Ongwele viii. 23.

**E**NGENILE ke emkômbeni, bamlandela abafundi bake. Kwasuka kwabakô uqwitela olukulu e-lwandle ngokokude umkômba ugutyungelwe ngamaza; waye ke yena elele ubutongo. Beza abafundi bake bamvusa, besiti, Nkosi, sisindise, satshabalala. Wati kubo, Yinina ukuba nibe ngamagwala, nina balukôlo luncinane? Waza wavuka wayikalimela imimoya nolwandle; kwabakô ukuzola okukulu. Bamangaliswa ke abantu abo, besiti, Ngumntu mnina lo, lento alulanyelwa yimimoya nalulwandle? Kute akufika ngapesheya ezweni lama-Gergasi, kwahlangana naye abantu ababini abapétwe zi-demon bepuma emanwabeni, belugcalagcala, kwada kwayinkohla ukuba kudlule umntu ngalondlela. Basuka bakâla, besiti, Yinto-nina enati nawe, Yesu, Nyana ka-Tixo? apa uze kusitumbisa na pambi kwelona xesha? Bekukô ke mgama kubo ugxuba olukulu lwehangu lusidla. Zaye ke i-demon zimbongoza, zisiti, Ukuba uyasikûpa, sivumele siye kungena elugxubeni lwehangu oluya. Wati kuzo, Yiyani. Zapuma ke zaya kungena elugxubeni lwehangu; lwasuka lonke ugxuba lwehangu lwapâpâteka, lwehla eweni, lwagaleleka elwandle; zatshabalala emanzini. Bate abo babelwalûsa basaba, baya ekâya, babika into zonke, kwa nendawo yababepétwe zi-demon. Wasuka wonke umzi wapuma waya kumhlangabeza u-Yesu; bati bakumbona, bam-bongoza ukuba agqite kulomida yabo.

EYESIHLANU I-CAWA EMVA KWE-EPIFANI.

UM-TANDAZWANA.

**N**KOSI, siyakutandaza, yigcine i-Kerike engumzi wako ekukonzeni Wena; baze bati abatembela elufefeni lwako lodwa lwasezulwini, bakûselwe nguwe

ngamaxesha onke: ngaye u-Yesu Kristu i-Nkosi yetu. Amen.

I-NCWADANA. Kwabase-Kolose iii. 12.

**Y**AMBATANI ngoko, njengabanyulwa baka-Tixo, abangewele abatandiweyo, intliziyo enemfesane, ububele, ukutobeka kwentliziyo, ubulali, ukuzeka kade umsindo; ninyamezelana, nixolelana, ukuba ubani uti abe nokusola ngakubani; njengokuba naye u-Kristu wanixolelayo, manenjenjalo nani; ke pezu kwazo zonke ezozinto yambatani utando, intambo ke yogqibelelo; uxolo luka-Tixo malulaule ezintliziyweni zenu, enabizelwa kwakulo mzimbeni mnye; nibe nokubulela. Ilizwi lika-Kristu malihlale ngapakati kwenu ngokobutyebi, nizifundisa niziluleka ngabo bonke ubulumko, ngendumiso nengoma namaculo angawo-Moya, nivuma ngofefe ezintliziyweni zenu kuyo i-Nkosi; nako konke enisukuba nikwenza ngelizwi, nokuba kungomsebenzi, yenzani izinto zonke nge-Gama le-Nkosi u-Yesu, nibulela kuye u-Tixo u-Yise ngaye.

I-VANGELI. U-Mateyu Ongwele xiii. 24.

**U**BUKUMKANI bezulu bufanekiswa nomntu owa-hlwayela imbewu entle entsimini yake. Kute ke xa baleleyo abantu, lwafika utshaba lwake, lwa-hlwayela umdiza pakati kwenqôlowa, lwemka. Ite ke yakudubula, yakuba nenkoko, wand' ukubonakala nomdiza. Bezile ke abakonzi bomnini-ndlu bati kuye, Nkosi, ubungahlwayelanga imbewu entle yinina entsimini yako? pofu iwuzuze pina umdiza? Wati ke kubo, Ngumntu olutshaba owenze lento. Bati ke abakonzi kuye, Uyatanda na ke ukuba siye siwubute? Uté ke, Hai; hleze niti, xa niwubutayo umdiza, ningotule nenqôlowa kunye nawo. Yekani zikûle

ndawonye zombini kude kuvunwe; ngexa ke lokuvuna ndoti kubavuni. Butani kuqala umdiza, niwubo pe ube zitungu utshiswe, kodwa yona inqolowa yihlanganiseleni kuvimba wam.

### EYESITANDATU I-CAWA EMVA KWE-EPIFANI.

#### UM-TANDAZWANA.

**TIXO**, o-Nyana wako oncomekayo wabonakaliwa ukuze atshabalalise imisebenzi ka-Satana asenze sibe ngonyana baka-Tixo, nendla-mafa zobomi bapakade; Sipé ukuti, sinelitemba nje, sizihlambulule njengokuba ehlambulukile yena, ukuze siti, akubuya enamandla nobuqaqauli, senziwe sifane naye ebukumkanini bake obunobuqaqauli obungapeliyo, apo ahlal' ehleli nawe Bawo, nawe Moya Oyingewe, emnye u-Tixo, ngonapakade. *Amen.*

#### I-NCWADANA. I Ka-Yohane Ongewele iii. 1.

**BONANI** utando olungakanana asitande ngalo u-Yise, ukuba sibizwe ngokuba ngabantwana baka-Tixo. Ngenxa yoko umhlaba awusazi tina, ngokuba awumazanga yena. Zintanda, kaloku singabantwana baka-Tixo, akukabonakali ke into esiyakuba yiyo; ke, siyazi ukuba xa ate wabonakala, sofana naye; ngokuba siyakumbona njengoko anjalo. Bonke abanalo elitamba kuye, bazenza nyulu, njengokuba yena enyulu. Bonke abasenzayo isono, benza ngokucasa umteto, sona isono sikukucasa umteto. Niyazi ukuba yena wabonakaliwa ukuze azitwale azisuse izono zetu; kanjalo akukó sono kuye. Bonke abahlala

kuye aboni; bonke abonayo abambonanga, abamazanga nokumazi. Bantwana, makungabikó namnye unilahlekisayo; lowo ubenzayo ubulungisa lilungisa, njengokuba naye elilungisa. Lowo usenzayo isono ungoka-Satana; ngokuba u-Satana wone kwasekuqalekeni. Wabonakaliselwa oku u-Nyana ka-Tixo, ukuze ayicite imisebenzi ka-Satana.

#### I-VANGELI. U-Mateyu Ongewele xxiv. 23.

**NGELOXESHA** ukuba ubani uté kuni, Nanku apa u-Kristu, nokuba uté, Nankuya paya; musan' ukukólwa. Kuba kuyakuvela o-Kristu ababuxoki, naba-profite ababuxoki, benze imiqondiso emikulu nezimanga, ngokokude bati, ukuba bekunokwenzeka, balahlekise nabanyuliweyo. Yabonani, ndinixelele ngenx' engapambili. Ukuba ngoko bati kuni, Nanko entlango; musan' ukupuma niye. Nokuba bati; Nanko emagumbini; musan' ukukólwa. Kuba kwa njengokuba umbane uti upume empumalanga, ubonakale kude kuse entshonalanga, kuya kuba njalo nokufika ko-Nyana womntu. Kuba apo sukuba sikóna isidumbu, ayakuhlanganisana kóna amaxálanga. Kwa oko ke emveni kwembandezelo yalomihla, ilanga liyakwenziwa mnyama, iti nenyanga ifipale, ziti nenkwenkwezi ziwe ezulwini, ati namandla ezulu azanyanyswe. Uyakubonakala ngeloxesha umqondiso wo-Nyana womntu ezulwini; zilile ngeloxesha zonke izizwe zomhlaba, zimbone u-Nyana womntu esiza pezu kwamafu ezulu, enamandla nobuqaqauli obukulu. Azitume i-ngelosi zake zinexilongo elisandi sikulu, zihlanganisele ndawonye abanyulwa bake bapume kumacala omane omoya, kutabata esipélweni sezulu kude kuse kwesinye isipélo salo.

## I-CAWA EKUTIWA YI-SETWAJESIMA,

*okunye*

EYESITATU I-CAWA PAMBI KWE-LENT.

UM-TANDAZWANA.

**N**KOSI, siyakukúnga, yiva ngobubele imitandazo Nyabantu bako; ukuze tina sifanele ukohlwaywa ngenxa yezigqito zetu, sikúlulwe ngetaflu lako, kuze kudunyiswe i-Gama lako; ngaye u-Yesu Kristu u-Msindisi wetu, ohleli elaula nawe no-Moya Oyi-ngewele, emnye u-Tixo, ngonapakade. *Amen.*

I-NCWADANA. I Kwabase-Korinte ix. 24.

**A**NAZI na, ukuba abo babalekayo elugqatsweni, babaleka okunene bonke; kodwa ke mnye owamkelayo umvuzo? Balekani ngokunjalo ke ukuze nizuze. Bonke abantu ke abazamayo bayazeyisa ezintweni zonke. Bona abo okunene benza ukuze bazuze isitsaba esinokonakala; ke tina esingekonakala. Mna kengoko ndenjenjalo ukubaleka, ndingazilazili; ndenjenjalo ukulwa, ndingafani ndibeta umoya; ndisuka ndiwubandezele umzimba wam, ndiwukonzise; hleze nditi, ndakuba ndishumayeke kwabanye, ndibe lilahlwa ngokwam.

I-VANGELI. U-Mateyu Ongwele xx. 1.

**U**BUKUMKANI bezulu bufana nomntu ongumhini-ndlu owapuma kusasa waya kuqesha abasebenzi bokuya esi-diliyeni sake. Akuvumelana nabasebenzi ngemali ekutiwa yi-denariyo ngemini, wabatuma esi-diliyeni sake. Epumē malunga nelixa lesitatu wabona abanye bemi endaweni yembuto bengasebenzi. Wati nakwabo. Hambani nani niye esi-diliyeni, ndonika okusukuba kufanelekile. Bahamba ke baya.

Wabuya wapuma malunga nelixa lesitandatu nelesitoba, wenza kwa ngokunjalo. Epumile ke malunga nelixa leshumi elinanye, wafumana abanye bemi bengasebenzi, wati kubo, Yinina ukuba nime apa imini ipela ningasebenzi? Bati kuye, Akukó bani usiqeshileyo. Wati kubo, Hambani nani niye esi-diliyeni, niyakwamkela okusukuba kufanelekile. Kwakuhlwa uti umnini-sidiliya egoseni lake, Babize abasebenzi ubamkelise, uqala kwabokugqibela ude uye kwabokuqala. Bezile abo babeqeshwe malunga nelixa leshumi elinanye, bamkela elowo i-denariyo. Kekaloku bakuza abokuqala, baba bayakwamkela into engapezulu; nabo bamkela elowo i-denariyo. Beyamkele ke bamrofla umnini-ndlu, besiti, Aba bokugqibela basebenze ilixa lalinye, usuke, wabalinganisa nati tina sitwele ubunzima nobushushu bemini. Wapendula ke yena wati komnye wabo, Wetu, andikoni; ubungavumelananga nam nge-denariyo na? Tabata okwako uhambe; nditanda ukumnika lowo wokugqibela kwa njengoko ndikunike ngako. Akuvumelekile na ukuba ndenze endikutandayo ezintweni zam? Iliso lako likohlakele na, ngokuba ndilungile mna? Ngokukwanjalo abokugqibela bayakuba ngabokuqala, nabokuqala bayakuba ngabokugqibela; kuba baninzi ababiziweyo, ke bambalwa abanyuliweyo.

## I-CAWA EKUTIWA YI-SEZAJESIMA,

*okunye*

EYESIBINI I-CAWA PAMBI KWE-LENT.

UM-TANDAZWANA.

**N**KOSI Tixo, obonayo ukuba asitembi nto siyenzayo tina; Sipé ngetaflu ukuba sikúselwe ngamandla ako ebubini bonke, ngaye u-Yesu Kristu i-Nkosi yetu. *Amen.*

## I-NCWADANA. 2 Kwabase-Korinte xi. 19.

**N**IYABANYAMEZELA kakuhle abaswele ukuqonda, nizingqondi nje nina. Kuba kaloku niyanyamezela, ukuba umntu unenza amakóboka, ukuba umntu uyanidla, ukuba umntu uyanibambisa, ukuba umntu uyazipakamisa, ukuba umntu uyanibeta ebusweni. Nditl ndizihlaza, ngati sasiswele amandla tina; Entweni ke asukuba umntu engoyiki, (nditeta ndinokuswela ukuqonda), andoyiki nam. Bangama-Hebere na? ndinguye nam. Bangama-Sirayeli na? ndinguye nam. Bayinzala ka-Abraham na? ndiyiyo nam. Bangabakonzi baka-Kristu na? (nditeta nje-ngopambene nengqondo), ndingongapezulu mna; ngokubulaleka okugqitiseleyo; ngemivimbo egqit' emgceni; ngokuba sezin-tolongweni ngokugqitiseleyo; ngokuba sekufeni kaninzi. Kuma-Yuda ndazuza kahlanu imivimbo emashumi mane kwapúka mnye; kukatatu ndabetwa ngentswazi; okunye ndaxulutywa ngamatye; ndapúkelwa ngumkómbe katatu; ndenze ubusuku nemini enzulwini; *nditi ndingongapezulu* ngokuhamba okufuti; ngengozi zemilambo; ngengozi zezihange; ngengozi kwabesizwe sakowetu; ngengozi kwi-Ntlanga; ngengozi pakati komzi; ngengozi entlango; ngengozi elwandle; ngengozi pakati kwabazalwana ababuxoki; ngokubulaleka nango-kwapúka; ngokungabi nakulala okufuti; ngokulamba nokunxanwa; ngokuzila ukudla okufuti; ngengqele nobuzé; ndingasazibali zona izinto ezingapandle kwezo, ndingungelwe imihla ngemihla kukuzixálela i-kerike zonke. Ngubanina oké aswel' amandla ndingaswel' amandla nam? ngubanina oké akú-tyekiswe, ndingatshiseki nam? Ukuba ndimelwe kuqáyisa, ndoqáyisa ngezinto zokuswel' amandla kwam. U-Tixo, u-Yise we-Nkosi yetu u-Yesú

Kristu, ongowokubongwa ngonapakade, uyazi ukuba andixoki.

## I-VANGELI. U-Luka Ongewele viii. 4.

**K**EKALOKU kwakuba kuntontelene into eninzi yabantu, bati nabemizi ngemizi bawomela kuye, wati ngomzekeliso, Umhlwayeli wapuma waya kuyihlwayela imbewu yake. Ekuhlwayeleni kwake yawa enye ngasendleleni, yanyatelwa, zati intaka zayidla zayigqiba. Yimbi yawa elulwalweni, yati isahluma, yatsha ngenxa yokuba ibingenakunyakama. Yimbi yawa pakati kwemitana enameva, yasuka imitana enameva yahluma kunye nayo, yayiminxa. Yimbi yawa kuwo wona umhlaba olungileyo, yahluma, yavelisa isiqámo kalikulu. Ute eziteta ezizinto, wadanduluka, esiti, Lowo unendlebe zokuva makeva. Baye ke abafundi bake bembuza besiti, Ungaba uyinto nina lomzekeliso? Uté ke yena, Nikupíwe nina ukuzazi imfihlelo zobukumkani buka-Tixo, ke kwabanye bona kungemizekeliso, ukuze bebona nje bangaboni, besiva nje bangaqondi. Kekaloku umzekeliso nguwo lo: Imbewu le lilizwi lika-Tixo. Abo ke bangasendleleni ngabo bevayo, andule afike u-Satana, alisuse ilizwi entliziyweni yabo, ukuze bangakólwa basindiswe. Abo ke baselulwalweni ngabasakuti bakuliva, balamkele ilizwi ngovuyo; aba ke abanangambu, bona bakólwa umzuzwana, zebati ngexa lokuhendwa balahle. Leyo ke yawayo emitaneni enameva ngabo bati belivile bahambe benamaxála nobutyebi neziyolo zobubomi, baminxwe, baze bangavelisi siqámo. Ke leyo isemhlabeni omhle ngabo bona bati ngentliziyo entle elungileyo, bakuliva ilizwi, balibambe, bavelise iziqámo benomonde.



## I-AWA EKUTIWA YI-KWINKWAJESIMA,

*okunye*

I-AWA EYANDULELA I-LENT.

UM-TANDAZWANA.

**N**KOSI, osifundisileyo ukuba zonke izenzo zetu kungekò lutando ziyinto engeyonto: Tuma u-Moya wako Oyingcwele, ugalele ezintliziyweni zetu esosipò silungileyo sotando, silibande loxolo nobulungisa bonke, abe osukuba engenalo, noko apilileyo, enjengofileyo pambi kwako; Sipé oku ngaye u-Nyana wako emnye u-Yesu Kristu. *Amen.*

I-NCWADANA. 1 Kwabase-Korinte xiii. 1.

**N**NDINGAFANELANA nditeta ngelwimi zabantu neze-ngelosi, utando ke ndingenalo; ndisuke ndaba yixina ehlokomayo necangci elikencezayo. Ndingafanelana ndinako ukuprofita, ndizazi imfihlelo zonke, ndinako konke ukwazi; ndingafanelana ndinalo lonke ukòlo, ngokokude ndisunduze intaba, utando ke ndingenalo, andinto yanto. Ndingafanelana ndisamkelisa ngempahla yam yonke, nokuba ndite umzimba wam ndawunikela ukuba utshiswe, utando ke ndingenalo, akundineedi luto. Utando luzeka kade umsindo, lunobubele; utando alunamona; utando alugwagwisi; alukúkumali; alwenzi okuzintloni; alufuni okukokwalo kodwa; alucapuki; alunanzondo; aluvuyeli kungalungisi; luvuyisana nenyano; lutwala into zonke; lukòlwa zinto zonke; lutemba into zonke; lunyamezela into zonke. Utando aluze lutshitshe; nokuba ke kukuprofita, kuyakubàngiswa; nokuba zilwimi, ziyakupeza; nokuba kukwazi, kuyakupitiswa. Kuba sisazi ngokuyinxenye, siprofite

ngokuyinxenye. Xa kute ke kwafika okuzalisekileyo, kuyakwandula ukupütiswa okuyinxenye. Oko bendingumntwana, benditeta ngokomntwana, bendiqonda ngokomntwana, bendicamanga ngokomntwana; ndite ke ndakuba yindoda, ndazibàngisa izinto zobuntwana. Kuba ngoku sikangela enewadini yokuzibona ngobuzizi, oko ke siyakukangelana ebusweni; ngoku ndazi ngokuyinxenye, oko ke ndiyakwazi kakuhle njengoko ndaziwayo nokwaziwa nam. Kungoku ke kuhlala kuhleli ukòlo, itemba, utando, ezonto zontatu; eyona inkulu ke kuzo apo lutando.

\* I-VANGELI. U-Luka Ongcwele xviii. 31.

**K**EKALOKU u-Yesu wazitabatela abalishumi elinababini, wati kubo, Niyabona, siyenyuka siya e-Yerusalem, zaye zonke izinto ezibáliweyo ngabaprofite ziyakufezeka kuye u-Nyana womntu. Kuba uyakunikelwa kuzo i-Ntlanga, kudlalwe ngaye, apátwe kakubi, atshichelwe; zimtyakatye, zimbulale; ati ngomhla wesitatu abuye avuke. Bona abaqondangento kwezizinto; laye nelilizwi lifihlakele kubo, babengazazi izinto ezitetwayo. Kwaye kekaloku, ekusondeleni kwake e-Yeriko, kuhleli imfama etile ngasendleleni inqiba; ite yakuba kudhula isihlwele, yabuza ukuba ingaba yinto-nina le. Bayixelela ke ukuba kudhula u-Yesu wase-Nazarete. Yabombolozisa isiti, Yesu, Nyana ka-Davide, ndenzele inceba. Baye abo babehamba ngapambili beyikalimela ukuba ititu; kwaba kukóna ke yona yakálayo ngakumbi isiti, Nyana ka-Davide, ndenzele inceba. Wema ke u-Yesu, wati mayiziswe kuye; yakusondela ke wayibuza esiti, Ufuna ukuba ndikwenzele nto-nina? Ité ke yona, Nkosi, ukuba ndibuye ndibone. U-Yesu wati kuyo, Buy' ubone; ukòlo lwako lukusindisile. Kwangoko yabuya yabona, yamlandela imzukisa

u-Tixo ; bati bonke abantu bakukubona oko bamdumisa u-Tixo.

### UMHLA WOKUQALA WE-LENT,

*okunye*

IMINI YOTUTU.

UM-TANDAZWANA.

**T**IXO Somandla Ongunapakade, ongatiyiyo nanye into oyenzileyo, oxolela izono zabo bonke abagukukayo ; Dala pakati kwetu intliziyo ezintsha ezigqobokileyo, size siti, sizililela izono zetu, sibuvuma ubungendawo betu, sizuze kuwe, ongu-Tixo wetafu lonke, ukukululwa nokuxolelwa kanye ; ngaye u-Yesu Kristu i-Nkosi yetu. *Amen.*

¶ *Lom-Tandazwana mawutetwe yonke imihla ye-Lent, emva kom-Tandazwana we-Mini.*

EYE-NCWADANA. U-Yoweli ii. 12.

**B**UYANI nize kum, itsho i-Nkosi, ngentliziyo yonke, nangokuzila, nangenyembezi, nangokulila ; nitalule intliziyo yenu, ingabi zingubo zenu, nibuyele e-Nkosini, u-Tixo wenu ; kuba yena unofefe nemfesane, ezeka kade umsindo, enenceba enkulu, ezohlwaya ngenxa yobubi. Ngubanina owaziyo, mhlaumbi wobuya azohlwaye, ashiye intsikelelo emva kwake, umnikelo wokudla notululwayo e-Nkosini u-Tixo wenu. Vutelani ixilongo e-Tsiyon, ngewalisani inzilo, memani ingqungqutela ; hlanganisani abantu, ngewalisani ibandla, butani abadala, hlanganisani intsap nabanyayo ; makapume umyeni engontsini yake, umtshakazi esililini sake. Ababingeleli, abakonzi be-Nkosi, mabalile pakati kwentendelezo nesibingelelo, bati, Yiba nenceba, Nkosi, ebantwini bako, ungalini-

keli ilifa lako ekungeikivweni, ukuba intlanga zihlekise ngabo ; yinina ukuba kutlwe ezizweni, Upina u-Tixo wabo ?

I-VANGELI. U-Mateyu Ongewele vi. 16.

**X**A sukuba ke nizilile ukudla, maningabi njengabahanahanisi bona bamatshekileyo ; kuba benza bubu ubuso babo, ukuze babonakale ebantwini ukuba bazilile. Inene nditi kuni, Bawufincile umvuzo wabo. Ke wena, wakuzila, yitambise intloko yako, ubuhlambe ubuso bako ; ukuze ungalonakali ebantwini ukuba uyazila, ubonakale ku-Yihlo osemfihlekweni ; aze u-Yihlo obona emfihlekweni akubuyisele ekuhleni. Ningaziqwebeli ubutyebi emhlabeni, apo konakalisa inundu nomhlwa, nalapo amasela agqobozayo ebé ; ziqwebeleni ke ubutyebi ezulwini, apo kungonakalisi nundu namhlwa, nalapo amasela angagqoboziyo ebé ; kuba apo bukona ubutyebi benu, yoba lapo nentliziyo yenu.

EYOKUQALA I-CAWA YE-LENT.

UM-TANDAZWANA.

**N**KOSI, owati ngenxa yetu wazila ukudla intsuku zamashumi mane ; Sipé amandla okuba siti ngokuzila siyoyise imizimba yetu, ilulekwe ngu-Moya wako, size sikulandele ngobulungisa nangobungwele, ukuze kudunyiswe Wena, ohleli ulaula no-Yise no-Moya Oyingewele, emnye u-Tixo, ngonapakade. *Amen.*

I-NCWADANA. 2 Kwabase-Korinte vi. 1.

**S**ISEBENZISANA naye nje, siyaniyala ukuba ningafumani nilwamkele ufefe luka-Tixo ; (kuba uti, Ndakuva ngexesha elamkekileyo, ndakusiza

ngomhla wosindiso ; yabonani, lingoku ixesha elamkelekileyo ; yabonani, ungoku umhla wosindiso ; singaxakanisi mntu nganto, ukuze ubukonzi betu bungabi nakubekwa bala ; sisuka siti ezintweni zonke siziqondakalise ngokwabakonzi baka-Tixo, ngokunya-mezela okukulu, sisezimbandezelweni, sisezingxakekweni, sisezingxinanweni, sinemivimbo, sisezin-tolongweni, sisezipitipitini, sibulaleka, singalali, sinokuzila ukudla, sinobunyulu, sinokwazi, sinokuzeka kade umsindo, sinobubele, sino-Moya Oyingewe, sinotando olungahanahansiyo, sinelizwi lenyaniso, sinamandla ka-Tixo, sinezixobo zobulungisa zasekunene nasekohlo, sikuzuko nakwintswela-mbeko, sikudumo olubi nakudumo oluhle ; ngati singabalahlekisi, kanti singabenyaniso ; ngati singabangaziwayo, kanti singabaziwayo ; ngati singabafileyo, nanku sisidla ubomi ; ngati singababetwayo, singabulawa noko ; ngati sibuhlungu, kanti singabahlala bevuya ; ngati singamahlwempu, kanti singabatyebisa abaninzi ke ; ngati singabangenanto, kanti singabahlala benento zonke.

#### I-VANGELI. U-Mateyu Ongewele iv. 1.

**WAZA** u-Yesu wenyuswa wesiwa entlango ngu-Moya, ukuba ahendwe ngu-Satana. Ute akuba ezile ukudla imini ezimashumi mane nobusuku obumashumi mane, ekupeleni kwazo walamba. Efikile umhendi kuye, wati, Ukuba ungu-Nyana ka-Tixo, yitsho lamaty ebe zizonka. Wapendula ke yena wati, Kubaliwe kwatiwa, Akapili ngasonka sodwa umntu, upila ngamazwi onke apuma emlonyeni ka-Tixo. Aze u-Satana amtabate amse kuwo umzi ongewele, ammise elucocoyini lwe-tempile. Ati ke kuye, Ukuba ungu-Nyana ka-Tixo, zipose ezantsi ; kuba kubaliwe kwatiwa, Uyakuziwisela i-ngelosi zake

umteto ngawe, zikufukule ngezandla, hleze ubeteke ngonyawo lwako etyeni. Wati u-Yesu kuye, Kubaliwe kanjalo kwatiwa, Uz' ungayihendi i-Nkosi u-Tixo wako. Ubuya u-Satana amtabate amse entabeni epakame kakulu, ambonise zonke izikumkani zomhlaba nozuko lwazo, ati kuye, Zonke ezizinto ndokunika, ukuba ute wawa pantsi, waqubuda kum. Aze ati u-Yesu kuye, Suk' umke, Satana ; kuba kubaliwe kwatiwa, Yi-Nkosi u-Tixo wako oyakuqubuda kuyo, ukonze yona yodwa. Andule ke u-Satana uku-myeka ; nanko kufika i-ngelosi zamkonza.

#### EYESIBINI I-CAWA YE-LENT.

##### UM-TANDAZWANA.

**TIXO** Somandla, obonayo ukuba tina ngokwetu asinamandla okuzigcina ; Silondoloze umzimba nompefumlo, size sisinde emashweni onke anokuhlela umzimba, sigcinwe ezingcinganeni zonke ezinokwenzakalisa umpefumlo ; ngaye u-Yesu Kristu i-Nkosi yetu. *Amen.*

##### I-NCWADANA. 1 Kwabase-Tesalonika iv. 1.

**SIYANICELA**, bazalwana, siniyale sise-Nkosini u-Yesu, ukuba niti, njengokuba nakwamkelayo kuti okokuba nimelwe kukuti-nina ukuhamba noku-mkolisa u-Tixo, nikule kuko ngakumbi. Kuba niyazi ukuba zabe ziziyalo zinina, esaniyala ngazo nge-Nkosi u-Yesu. Kuba oku kukutanda kuka-Tixo, ukungwaliswa kwenu, ukuba nikumke kuwo umbulo ; ukuba elowo kuni akwazi ukuzipata ngobungwalisa nembeke, agatabateki yinkanuko, njenge-Ntlanga ezingamaziyo u-Tixo ; ukuba kungabiko ugqitisayo amlumkise umzalwana wake emcimbini ; ngenx' enokuba

i-Nkosi ngumpindezeli wazo zonke ezizinto, njengoko sasinixelele ngokucacileyo, saniqononondisa. Kuba u-Tixo akasibizelanga ekuncóleni, usibizele ebungwawaliseni. Ngako oko ke lowo udelayo akadeli mntu, udela u-Tixo owasinikayo nokusinika u-Moya wake Oyingewele.

I-VANGELI. U-Mateyu Ongewele xv. 21.

**E**PUMILE kóna apo u-Yesu wasinga kumacala ase-Tire ne-Tsidon. Kwati-tú um-Kananekazi evela kulomida, ekála esití, Ndenzele inceba, Nkosi, nyana ka-Davide, intombi yam ipétwe yi-demon kakubi. Akampendula ke nalinye ilizwi. Beza abafundi bake bamcela besití, Mndulule, ngokuba usilandela ekála. Wapendula ke yena watí, Nditunywe kwizimvu ezilahlekileyo zendlu ka-Sirayeli zodwa. Weza ke waqubuda kuye, esití, Nkosi, ndisize. Upendule ke watí, Asinto intle ukusitabata isonka sabantwana, sipóswe ezinjaneni. Watí ke yena, Ewe, Nkosi; kuba nenjana zidla kwimvutuluka eziwe e-tafileni yabaninizo. Waza ke wapendula u-Yesu watí kuye, Mfazi, lukulu ukólo lwako; makwenzeke kuwe njengokutanda kwako. Yapiliswa intombi yake kwa ngelolixa.

EYESITATU I-CAWA YE-LENT.

UM-TANDAZWANA.

**S**IYAKUTANDAZA, Tixo Somandla, ukuba unyamekele ukulangazelela kwentliziyo zezicaka zako, uyolule ingalo yako enamandla, isikúsele kuzo zonke intshaba; ngaye u-Yesu Kristu i-Nkosi yetu. Amen.

I-NCWADANA. Kwabase-Efeso v. 1.

**Y**IBANI ngabaxelisa u-Tixo, ngokwabantwana abazintanda; nihambe elutandweni, kwa njengokuba naye u-Kristu wasitandayo, wazinikela ngenxa yetu ukuba abe ngumnikelo nedini kuye u-Tixo, ukuba abe livumba elimnandi. Ke umbulo, nako konke ukuncóla, nokubawa makungaké kukankanywe pakati kwenu, njengoko kubafaneleyo abangevele, kwa namanyala, nenteto yobuyata, nobuncoko obubi, izinto ezo ezingafanelekileyo; makube kokukóna nine-mibulelo. Kuba oku nikwazi, ukuba wonke umenzi wombulo, nomntu oncóleleyo, nolibawa onto nye yena nomkonzi wezitixo, akanalifa ebukumkanini buka-Kristu no-Tixo. Makungabikó namnye unikhohlisayo ngamazwi angengawo; kuba iza ngenxa yezozinto ingqumbo ka-Tixo pezu kwabangevayo. Ngoko ningabi ngamahlulelana nabo. Kuba nina naye nifudula nibumnyama, ke ngoku nikukukánya nise-Nkosini nje; hambani ke ngokwabantwana bokukánya; (kuba sona isiqámo so-Moya sikuko konke ukulunga nobulungisa nenyanyiso;) nicikida ukuba yinto-nina ekólekileyo kakuhle kwi-Nkosi. Kanjalo ningabi nalo udlelano ngemisebenzi engeyonto yobumnyama; makube kukóna niyohlwayayo; kuba izinto ezenziwa ngabo emfihlekweni kulihlazo noku-ziteta. Ke zonke izinto zakohlwaywa ziyabonakaliswa kuko ukukánya; kuba konke okubonakaliswayo kukukánya. Kungoko atí, Vuka wena uleleyo, uvuke kwabafileyo, akukányisele u-Kristu.

I-VANGELI. U-Luka Ongewele xi. 14.

**U**-YESU wayekúpa i-demon, yaye ke isidenge. Kwati ke, yakupuma i-demon, sateta isidenge, bamangaliswa abantu. Kodwa abatle kubo batí, Uzikúpa i-demon ngo-Bezebule inkosi ye-demon. Baye

ke bambi bemlinga, befuna kuye umqondiso opuma ezulwini. Kekaloku yena ezazi izicamango zabo, wati kubo, Bonke ubukumkani obahlulelene bodwa, buyapanza; nendlu eyahlulelene nendlu, iyawa. Ukuba ke no-Satana wahlulelene yedwa, boti-nina ukuma ubukumkani bake? ngokuba niti ndizikupa i-demon ngo-Belezebule. Ke ukuba mna ndizikupa i-demon ngo-Belezebule, bazikupa ngabanina onyana benu? bayakuba ngabagwebi benu bona ngenxa yoko. Ke ukuba ndizikupa i-demon ngomnwe ka-Tixo, ngoko bunifikele kanti ubukumkani buka-Tixo. Xa liti igoŕa lixobe tu, lilinde ibotwe lalo, impahla yalo ihlala inqabile; kodwa xa lite elinamandla kunalo lalifikela laluyisa, lilihluta sonke isirweqe salo elabe litemba sona, liwabe amaxoba alo. Lowo ungengakum ucasene nam; nalowo ungandibutisiyo uyacitacita. Xa umoya oncólileyo ute wapuma emntwini, ucanda ezindaweni ezingenamanzi, ufuna ukupumla; uze wakuba ungakufumani, usuke uti, Ndiyakubuyela endlwini yam endapuma kuyo. Uti wakufika uyifumane itshayelwe ivatisiwe. Wandul' ukuya kutabata abanye omoya abasixénxe abangendawo kunawo, bangene ke bahlale kóna, lize ikamva lalomntu libe libi kunesiqalo. Kekaloku kwati, ekuziteleni kwake ezizinto, umfazi wasebantwini apo walipakamisa izwi, wati kuye, Sinetamsanqa isizalo esakubambayo, namabele owayanyayo. Uté ke yena, Yiti kanye banetamsanqa abo balivayo ilizwi lika-Tixo baligcine.

### EYESINE I-CAWA YE-LENT.

#### UM-TANDAZWANA.

**T**XIXO Somandla, yenza ukuba tina sifanele uko-hlwaywa ngenxa yezenzo zetu ezikohlakeleyo siti ngotutuzelo lofefe lwako sikúlulwe ngobubele bako

obukulu; ngaye u-Yesu Kristu i-Nkosi no-Msindisi wetu. Amen.

#### I-NCWADANA. Kwabase-Galati iv. 21.

**N**DIXELELENI, nina nitandayo ukuba pantsi komteto, aniwuvi na umteto? Kuba kubáliwe kwatiwa, u-Abraham waye nonyana ababini; omnye engewekóbokazana, omnye engowomfazi okúlulekileyo. Waye okunene lowo wekóbokazana ezelwe ngokwenyama, kodwa lowo womfazi okúlulekileyo wayezelwe ngalo idinga. Eziyintsonkota zona ezozinto; kuba aba bayiyo iminqopiso emibini; omnye uvela entabeni ye-Sinayi, uzalela ebukóbokeni, ongu-Hagare wona lowo. Kuba kunje, u-Hagare yi-Sinayi intaba ekwelama-Arabi, elungelelene ne-Yerusalem yakaloku-nje, esebukóbokeni ke nabantwana bayo. Ke yona epezulu i-Yerusalem ikúlulekile, engumá wetu sonke leyo. Kuba kubáliwe kwatiwa, Yiba nemihlali, ludlolo lungazaliyo; gqabuka umemelele, wena ungenanimba; ngokuba baninzi abantwana besishiywa ngapezu kwabonendoda. Tina ke, bazalwana, singabantwana bedinga njengo-Isake. Kusuke, kwa njengokuba wayesiti oko owazalwa ngokwenyama amtshutshise owazalwa ngoko-Moya, kwaba njalo nakaloku. Siti-nina ke isi-Bálo? Siti, Likúpele pandle ikóbokazana nonyana walo; kuba nonyana wekóbokazana akasayikulidla ilifa kunye nonyana wokúlulekileyo. Ngoko, bazalwana, asingabantwana bekóbokazana tina, singabowokúlulekileyo.

#### I-VANGELI. U-Yohane Ongcwele vi. 1.

**U**-YESU waya pesheya kolwandle lwase-Galili, olulwandle lwase-Tiberiyasi. Walandelwa ke ngabantu abaninzi, ngokuba bebona imiqondiso

yake abeyenza kwababesifa. Kekaloku u-Yesu wenyukela entabeni, wahlala pantsi kóna nabafundi bake. Yaye ke ikufupi i-pasika, umtendeleko wama-Yuda. Ewapakamisile ngoko u-Yesu amehlo ake, ebonē abantu abaninzi besiza kuye, wati ku-Filipu, Sozitenga pina izonka, ukuze badle aba? (Ubesitsho ke emlinga; kuba ubeyazi yena into abezakuyenza.) U-Filipu wampendula wati, Izonka zedenariyo ezimakulu mabini azibanele, ukuze elowo atabate intwana. Omnye kubafundi bake, u-Andreya, umzalwana ka-Simon Petros, wati kuye, Kukó inkwenkwana apa enezonka ezihlanu ze-fasi nentlanzi ezimbini; kodwa ke ziyintonina ezo kwabangakanana? Uté ke u-Yesu, Bahlaliseni pantsi abantu. Kwaye kukó utyani obuninzi kulondawo. Ahlala pantsi ngoko amadoda engati ngamawaka amahlanu inani lawo. Wazitabata ke izonka u-Yesu, wati akubulela, wababela abafundi, bati ke abafundi babela abo babehleli pantsi, kwa kwanjalo nakwintlanzi ngangokutanda kwabo. Bakuhluta ke, uti kubafundi bake, Butani amaqékeza aseleyo, ukuze kungalahleki nto. Babuta ngoko, bazalisa izitya zalishumi elinazibini ngamaqékeza abesele kubo ababedlile ezonkeni ezihlanu ze-fasi. Ngoko abantu aba, bakuwubona umqondiso awawenzayo u-Yesu, bati, Inyaniso lo nguye um-Profite lowo uzayo emhlabeni.

## EYESIHLANU I-CAWA YE-LENT.

### UM-TANDAZWANA.

**S**SIYAKUTANDAZA, Tixo Somandla, ukuba ubakangele abantu bako; baze bahlale belaulwa begcinwe umzimba nompefumlo ngobubele bako obukulu; ngaye u-Yesu Kristu i-Nkosi yetu. *Amen.*

### I-NCWADANA. Kuma-Hebere ix. 11.

**E**FIKILE nje u-Kristu engu-Mbingeleli Omkulu wazo izinto ezilungileyo ezizakubakó, ute ngeyona nkulu igqibeleleyo in-tente, engenakwenziwa ngazandla, oko kukuti, engeyiyo yokukudalwa, wangenena kwaba kanye kweyona ngcwele, kungengalo igazi le-bokwe nelamatóle, kungegazi elililake, efumanise inkululeko engunapakade. Kuba, ukuba igazi lenkomo ne-bókwe notutu lwetokazi olufefa abazinqambi, lungcwalisela ekuhlambululeni inyama; lobeka pina ukugqitisela lona igazi lika-Kristu, owazinikela ngo-Moya ongunapakade, engenasipáko, kuye u-Tixo, ukusihlambulula isazela senu emisebenzini efileyo, ukuze nikonze u-Tixo opilileyo? Nangenxa yoko ke ungu-Mteteleli womnqopiso omtsha, ukuze bati abo babiziweyo balamkele idinga lefifa elingunapakade, ngako ukufa okuhlaulela izigqito ezibe zipantsi kwawo umnqopiso wokuqala.

### I-VANGELI. U-Yohane Ongcwele viii. 46.

**W**ATI u-Yesu, Ngubanina kuni ondohlwayayo ngenxa yesono? Ukuba ke nditeta inyaniso, kunganina ukuba ningakólwa ndim? Lowo ungoka-Tixo uyaweve amazwi ka-Tixo; ngenxa yoko aniveva nina, ngokuba ningengabaka-Tixo. Apendula ngoko ama-Yuda, ati kuye, Asilungisi na tina ukuti ungum-Samariya wena, nokuti une-demon? Wapendula u-Yesu wati, Andina-demon mna; ndibeka u-Bawo; nina ke nindihlaza. Mna ke andifuni luzuko lwam; ukó lowo ufunayo, ugwebayo. Inene, inene nditi kuni, Ukuba umntu ute waligcina ilizwi lam, akasayikuze abone kufa napakade. Ati ngoko ama-Yuda kuye, Kukaloku nje siyazi ukuba une-demon; u-Abraham wafa, nabo aba-profite bafa, ube wena usiti, Ukuba umntu ute waligcina ilizwi lam, aka-

sayikuze eve kufa napakade. Wena ungaba umkulu yinina kunobawo wetu u-Abraham, yena wafayo? naba-profite bafa; uzenza banina wena? Wapendula u-Yesu wati, Ukuba mna nditi ndizizukise, uzuko lwam alungebi nto; ngu-Bawo ondizukisayo, eniti nina ngu-Tixo wenu. Kanti ke animazanga: mna ke ndiyamazi; ukuba ndite andimazi, ndoba lixoki njengani; ndiyamazi, ndiligcinile nelizwi lake. U-Abraham uyihlo wagcobela ukuwubona umhla wam; wawubona, wavuya. Ati ngoko ama-Yuda kuye, Ungekabi naminyaka imashumi mahlanu nje, umbonile na u-Abraham? Wati kuwo u-Yesu, Inene, inene nditi kuni, Ungekabikó u-Abraham, ndikó mna. Ngoko acóla amatye, ukuze amgibisele; wazimela ke u-Yesu, wapuma e-tempileni.

### I-CAWA EYANDULELA I-PASIKA.

#### UM-TANDAZWANA.

**TIXO** Somandla Ongunapakade, owati ngokubanda tanda kwako abantu watuma u-Nyana wako u-Msindisi wetu u-Yesu Kristu ukuba azitabatele ubuntu betu, eve ukufa emnqamlezweni, ukuze abantu bonke bawufuze umlinganiso wolulamo lwake olukulu; Yenza ngetafu ukuba nati silufuze unyamezelo lwake olo, size sibe ngabahlulelana naye eluvukweni lwake; ngaye u-Yesu Kristu lowo, i-Nkosi yetu. *Amen.*

#### I-NCWADANA. Kwabakwa-Filipu ii. 5.

**YIBANI** nalengcinga kuni waye nayo kuye u-Yesu Kristu; yena wati, esebumeni buka-Tixo, akati ukulingana kwake oku no-Tixo kukupanga; usuke wazihlaba, etabate ubume besicaka, enziwe wafana

nabantu; wati ngemo efunyenwe enjengomntu, wazitoba, waba ngolulamileyo wada wesa ekufeni, ukufa ke kwasemnqamlezweni. Kungoko ate u-Tixo wampakamisa kakulu, wampá igama elingapezu kwawo onke amagama; ukuze ngegama lika-Yesu kuguqe amadolo onke, ezinto zasezulwini, nezasemhlabeni, nezangapantsi komhlaba: iti yonke imilomo ixele ukuba u-Yesu Kristu uyi-Nkosi, ukuze kuzukiswe u-Tixo u-Yise.

#### I-VANGELI. U-Mateyu Ongcwele xxvii. 1.

**KUTE** ke kwakusa babunga bonke ababingeleli abakulu namadoda amakulu ohlanga ngaye u-Yesu, ukuba bambulale. Bati bakumbopa, bamrola, bamnikela ku-Pontiyus Pilato i-fuluneli. Waza u-Yudas, lowo wamngcatshayo, ebone ukuba ugwetyiwe, wazohlwaya, wabuyisela kwa kubabingeleli abakulu namadoda amakulu lomaqósha e-silvere amashumi matatu, esiti, Ndonile, kuba ndinikele igazi elingenatyala. Bati ke bona, Iyinto-nina kuti lonto? zibonele wena. Wawapósa pantsi e-tempileni apo lomaqósha e-silvere, wemka waya wazixóma. Kekaloku ababingeleli abakulu bawatabata lomaqósha e-silvere, bati, Akuvumelekile ukuwagalela emkómbeni weminikelo, ngokokuba elinani legazi. Babunga ke, batenga ngawo umhlaba wombumbi, ukuze ube yindawo yokuncwabela abasenzini. Kungoko wabizwayo lomhlaba ngokuba ngumhlaba wegazi, kwada kwanamhla-nje. Kwazaliseka ke okwatetwayo ngo-Yeremiya um-profite, esiti, Bawatabata lomaqósha e-silvere amashumi matatu, inani lalowo wamiselwa inani, abammisela inani onyana baka-Sirayeli, bawafolela umhlaba wombumbi, njengoko yandiyalelayo i-Nkosi. Wema ke u-Yesu pambi kwe-fuluneli, yambuza i-fuluneli, isiti, Unguye na ukumkani wama-Yuda? Wati ke u-Yesu kuye,

Nawe utsho. Kekaloku ekumangalelweni kwake ngababingeleli abakulu namadoda amakulu akapendulanga nto. Aze ati u-Pilato kuye, Akuziva na ukuba zininzi kwazo indawo abazinqinayo ngawe? Akapendula zwi noko lilinye, yada yamangaliswa kakulu i-fuluneli leyo. Kekaloku imitendeleko nge- mitendeleko i-fuluneli ibiqele ukubakululela abantu umbanjwa abe mnye, lowo bebesiti bamfune. Baye ke ngeloxesha benombanjwa odumileyo, ekutiwa ngu-Barabas. Bakubon' ukuba ngoko bahlanganisene, wati kubo u-Pilato, Nitanda ukuba ndinikululele wupina? u-Barabas, u-Yesu ekutiwa ngu-Kristu, kusinina? Kuba ebesazi ukuba bamnikela ngomona. Kwati ehleli esihlalweni sokugweba, umfazi wake watumela kuye, esiti, Uz' ungabi nakuti-ni kulomntu ulilungisa; kuba namhla-nje ndive izinto ezininzi ezinzima epupeni ngenxa yake. Kodwa ababingeleli abakulu namadoda amakulu babeyisele abantu ekutini bacele u-Barabas, bambulale u-Yesu. Yapendula ke i-fuluneli, yati kubo, Nguwupina kwaba bobabini enitanda ukuba ndinikululele yena? Bati ke bona, Ngu-Barabas. Wati u-Pilato kubo, Ndime-nze nto-nina ke u-Yesu ekutiwa ngu-Kristu? Bati kuye bonke, Makabetelelwe emnqamlezweni. Yati ke i-fuluneli, Kuba enze bubu bunina? Kwaba kukona ke bancamisayo ukunqangaza, besiti, Makabetelelwe emnqamlezweni. Ute ke u-Pilato, akubona ukuba akancedi luto, ebona ukuba sisuke sangakumbi isipitipiti, watabata amanzi, wahlamba izandla pambi kwabantu esiti, Andinatyala egazini lalomntu ulilungisa; ziboneleni nina. Bapendula bonke abantu bati, Igazi lake malibe pezu kwetu napezu kwabantwana betu. Waza wabakululela u-Barabas; wati ke, emtyakatyile u-Yesu, wamnikela ukuba abetelelwe emnqamlezweni. Aza ama-soldati e-fuluneli amtabata u-Yesu, amsa endlwini ye-fuluneli, alihlanganisela

pezu kwake ibuto lawo lipela. Amhluba, amnxiba ingubo ebomvu. Aluka isitsaba ngameva, amti-jize ngaso entloko; abeka nengcongolo esandleni sake sokunene, awa ngamadolo pambi kwake, adlala ngaye, esiti, A, Kumkani wama-Yuda! Amtshicela, ayitabata ingcongolo, ambeta entloko. Ati, akuba edlale ngaye, amhluba ingubo leyo, amambatisa kwa ezake ingubo; amrôla aya kumbetelela emnqamlezweni. Ate ke nxa apumayo afumana umntu wase-Kirene, ogama lingu-Simon, anyanzela lowo ukuba awutwale umnqamlezo wake. Ati akufika endaweni ekutiwa yi-Gologota, oko kukuti, yindawo yokakayi, amnika i-viniga ipitikezwe nenyongo ukuba asele; wati akuyiva akavuma ukuyisela. Ati ke, akumbetelela emnqamlezweni, abelana ngengubo zake, esenza amaqashiso; ukuze kuzaliseke okwatetwa ngumprofite, esiti, Babelana ngengubo zam, benza amaqashiso ngesambato sam. Ahlala pantsi, amlinda kona apo. Babeka ngapezu kwentloko yake ityala lake libaliwe, kwatiwa; LO NGU-YESU UKU-MKANI WAMA-YUDA. Kwaza kwabetelelwa naye emnqamlezweni izihange ezibini, esinye ngasekunene, nesinye ngasekohlo. Bamnyelisa ke bona abadlulayo, behlunguzela intloko zabo, besitsho ukuti, Wena ucita i-tempile, uyake ngentsuku ezintatu, zisindise; ukuba ungu-Nyana ka-Tixo, yihla emnqamlezweni. Ngokukwanjalo ke nababingeleli abakulu bedlala ngaye, benabo ababali namadoda amakulu, bati, Abanye wabasindisa, yena ngokwake akanakuzisindisa. Uku-ba ungu-Kumkani ka-Sirayeli, makehle kaloku nje emnqamlezweni, sokolwa nguye. Watembela ku-Tixo, makamhlangule kaloku-nje, ukuba uyamtanda; kuba wati, Ndingu-Nyana ka-Tixo. Zaye ke nezihange, ezibe zibetelelwe emnqamlezweni naye, zimngcikiva kwa ngokunjalo. Kute ke, kutabatele kwilixa lesitandatu kwada kwesa kwilixa lesitoba,



kwehla ubumnyama pezu kwawo wonke umhlaba. Kekaloku malunga nelixa lesitoba, wadanduluka u-Yesu ngezwi elikulu esitl, *Eli, Eli, lama sabaktani?* oko kukutl, Tixo wam, Tixo wam, undishiye nganina? Inxenye yabebemi kóna, yakuva, yatl, Lomntu ubiza u-Eliya. Wesuka wagidima kwa oko omnye kubo, watabata imfunxa, wayizalisa nge-viniga, wayifaka engcongolweni, wamseza. Baté ke bona abanye, Káuyeke, sibone ukuba u-Eliya uza kumsindisa na. Ute ke u-Yesu, epinde wadanduluka ngezwi elikulu, wawukúpa umoya wake. Lati ikúselo lengewele lafazuka kubini, litabatele pezulu lada lesa pantsi; umhlaba wanyikima, namawa acandeka, namancwába avuleka, yati nemizimba emininzi yabangewele ababele yavuka; bapuma emanwábeni emveni kokuvuka kwake, banga kuwo umzi ongewele, babonakala kubaninzi. Kekaloku umteteli-kulu, nabo babelinda u-Yesu naye, bakubona ukunyikima oko nezonto zenzekileyo, boyika kakulu, besitl, Inyaniso, lo ebe ngu-Nyana ka-Tixo.

### UMVULO OWANDULELA I-PASIKA.

EYE-NCWADANA. U-Yesaya lxiii. 1.

**N**KGUBANINA lo uza evela kwa-Edom, evela e-Bozra, zibomvu ingubo zake? osambato sika-zimlayo, enyatela ebuminzini bamandla ake? Ndim, mna uteta ngokobulungisa, mna umkulu ukusindisa. Yinina ukuba sibe bomvu isambato sako, nengubo zako zibe njengezoxovula esixovulelweni se-wayine? Isixovulelo ndisixovule ndedwa; ezizweni akubangakó bani unam; ndazixovula ndinomsindo, ndazinyatela ndishushu; igazi lazo lacapazela ingubo zam, ndasidyoba sonke isambato sam. Kuba umhla wempindezelo ubusentliziweni yam, nomnyaka woku-

kúlula kwam ufikile. Ndabéka, akwabikó mncedi; ndamangaliswa kukuba kungabikó mxási; yandisindisela ke ingalo yam, nobushushu bam baba ngumxási wam. Ndazigqusha izizwe ndinomsindo, ndazinxilisa ndinobushushu, ndapalaza emhlabeni igazi lazo. Ndiyakukankanya izibele ze-Nkosi, indumiso ze-Nkosi, ngokufanele konke ukusipáta kwe-Nkosi, nokulunga kwayo okukulu kwindlu ka-Sirayeli, eyayipáta ngako ngokwemfesane yayo, nangobuninzi bezibele zayo. Yatl, Inene bangabantu bam, abantwana abangayikuxoka; waba ngumsindisi wabo ke. Ekubandezelekeni kwabo konke wabandezeleka naye, ne-ngelosi yobuso bake yabasindisa; ekubandleni kwake nasekubasizeni kwake wayebakúlula, wabafunqula, wabatwala yonke imihla yakudala. Ke bona bawupikisa bawudanisa umoya wake oyingewele; waza waguquka waba lutshaba kubo, walwa nabo. Baza abantu bake bakúmbula imihla yakulala ka-Moses, batl, Upina lowo wabanyusa elwandle udawonye nomalúsi womhlambi wake? Upina lowo wawubeka pakati kwake umoya wobungewele bake? Wayihambisa ngasekunene kuka-Moses ingalo yake edumileyo? wawacanda amanzi pambi kwabo, ukuze azenzele igama elingunapakade? Wabahambisa ezinzulwini njengehashe entlango, abakúbeka? Njengenkomo ezihla ziye entilini, umoya we-Nkosi wabapumza; wenje njalo ukubakokela abantu bako, ukuze uzenzele i-Gama elidumileyo. Béka usezulwini, ubone usendaweni yobungewele bako neyobuqaqauli bako; bupina ubukwéle bako nezenzo zako ezikulu? ukuvuta kombilini wako nezibele zako zibambekile kum. Kuba ungu-Bawo wena, nakuba u-Abraham engasazi, no-Sirayeli engazani nati; wena, Nkosi, ungu-Bawo, u-Mkúlulu wetu kwasepakadeni li-Gama lako. Nkosi, yinina ukuba usenze silahlekane nendlela zako, uyenze lukuni intliziyo yetu, size singakoyiki? Buya

ngenxa yezicaka zako, izizwe zelifa lako. Abantu bako abangowele badla ilifa umzuzwana omncinane; ababandezeli betu bayigqusha ingewele yako; sisuke saba njengabo ungabalaulanga kwasepakadeni, alabizwa i-Gama lako pezu kwabo.

I-VANGELI. U-Marko Ongewele xiv. 1.

**K**EKALOKU bekuzakubakò umtendeleko wepasika nezonka ezingenagwele emva kwentsuku ezimbini: baye ke ababingeleli abakulu nababáli befuna ukuba bangati-nina ukumbamba ngenkohliso, bambulale. Babesitl ke, Makungabi kóna ngomtendeleko, hleze kubekò isipitipiti sabantu. Kute ese-Betani endlwini ka-Simon owaye neqénqa, ehleli esidla, kweza umfazi enehlala linamafuta e-nadusi exabiso likulu, waliqékeza ke ihlala elo, wamgalela ngawo entloko. Kwaye ke kukò abacapukayo pakati kwabo, besitl, Kwenzelwe nina okukucitwa kwamafuta? Kuba lamafuta bekungatengiswayo ngawo ngenani elingapezu kwe-denariyo ezimakulu matatu, kupiwe amahlwempu; basuka bamfořela. Uté ke u-Yesu, Myekeni; nimkatazela nina? usebenze umsebenzi omhle kum; kuba amahlwempu lawo nihleli ninawo, nize nxa sukuba nitanda nibe nako ukuwenzela okulungileyo; ke mna anihleli ninam. Yena ukwenzile oko abenako, upänge weza wawutambisela ukuncwatywa umzimba wam. Inene nditl kuni, Apo zite zavaaliswa kóna ezindaba zilungileyo kuwo wonke umhlaba, iyakuxelwa nayo lento ayenzileyo yena, ibe sisikumbuzo ngaye. U-Yudas Sikariyoti, omnye kwabeshumi elinababini, wesuka waya kubabingeleli abakulu, ukuba amnikele kubo. Bati ke bona bakuva bavuya; bambeka ngedinga lokumnika imali. Wayefuna ukuba angati-nina ukumnikela ngexesha elimlungelayo. Kekaloku

ngowokuqala umhla wezonka ezingenagwele, xa beku-bingelelwa imvana ye-pasika, bati kuye abafundi bake, Unga singaya kulungisa pina, ukuze uyidle i-pasika? Wesusa babini kubafundi bake, watl kubo, Hambani niye kuwo umzi, nohlangana nomntu etwele umpánda wamanzi, mlandeleni; apo ate wangenena kóna, niti kumnini-ndlu, Utl u-Mfundisi, I-pina indlu yabahambi, apo ndingayidlela kóna i-pasika nabafundi bam? Yena wonibonisa igumbi elipezulu elikulu landlelwe lalungiswa; silungiseleleni apo. Bapuma abafundi bake abo baya kungena kuwo umzi, bafumana kunjengoko wayebaxelele, bayilungisa i-pasika. Utl kwakuhlwa eze nabalishumi elinababini. Bakubon'ukuba bahleli, besidla, watl u-Yesu, Inene nditl kuni, omnye kuni apa uyakundinikela, lowo ke udla nam. Baqala ke ukuba buhlungu, nokutl kuye ngabanye, Ingaba ndim yinina? nomnye watl, Ingaba ndim yinina? Upendule ke watl kubo, Ngomnye kwabeshumi elinababini, lowo ke uti nxu nam esityeni. U-Nyana womntu uyemka okunene, njengoko kubálwe ngaye; yehá ke lomntu, u-Nyana womntu anikelwa nguye, ngekumlungele ukuba ebengazalwanga lomntu. Kute, besidla, u-Yesu watabata isonka, wasikelela, waqékeza, wabanika, watl, Tabatani nidle, ngumzimba wam lo. Wayitabata nendebe, wabulela, wabanika; basela kuyo bonke. Watl kubo, Ligazi lam eli lomnqopiso omtsha elipalalele abaninzi. Inene nditl kuni, Andisayikubuya ndisele kwisiqámo som-diliya, kude kube yilomini ndisisela sisitsha ebukumkanini buka-Tixo. Bakuba bevimile indumiso, bapuma baya entabeni yemi-Nquma. Watl kubo u-Yesu, Nonke niyakukúbeka kum ngobubusuku; ngokuba kubáliwe kwatlwá, Ndiyakubeta umalúsi, zicítacítwe izimvu. Ke emveni kokuvuka kwam, ndiyakunandulela ndiye e-Galili. Watl ke u-Petros kuye, Nokuba bayakukú-

beke bonke, mna nakanye. Wati u-Yesu kuye, Inene nditi kuwe, namhla-nje, ngobubusuku, ingekaliki kabini inkuku, uyakundikanye katatu. Kwaba kukona wateta wancamisa, esiti, Ndingafanelana ndimelwe kukufa nawe, andingeki ndikukanye. Batsho ke bonke. Bafika kumhlatyana ogama liyi-Getsemane. Wati kubafundi baka, Hlalani pantsi apa logama nditandazayo. Atabate naye u-Petros no-Yakobi no-Yohane. Waqala ukukatazeka nokudandateka kakulu. Wati kubo, Umpefumlo wam ubuhlungu kakulu ngokokude ube sekufeni; hlalani apa nilinde. Ehambele pambili umganyana, wawa emhlabeni, watandazela ukuba kunokwenzeka lidlule kuye ilixa elo. Wayesiti, Abba, Bawo, zonke izinto zinokwenzeka kuwe; yigqitise kum lendebe; noko ke makungabi kokutandwa ndim, makube kokutandwa nguwe. Alike, abafumane belele; ati ku-Petros, Simon, ulele na? ubungenakulinda noko lilinye na ilixa? Lindani, nitandaze, ukuze ningangeni ekuhendweni: umoya okunene unentumekelelo, ke wona umzimba utambile. Wabuya wemka, watandaza eteta kwa lona elozwi. Ute, akubuya, wabafumana bebuye balala; kuba amehlo abo ayenzima butongo; baye bengazi into abangampendula yona. Alike okwesitatu, ati kubo, Lalani ngoku nipumle; kwanele yabonani u-Nyana womntu uyanikelwa ezandleni zaboni. Vukani, sihambe; yabonani, lowo undinikelayo usondele. Kwa oko, esateta, kufika u-Yudas owaye ngoweshumi elinababini, enesihlwele esikulu, sinamarele nentonga, sisuka kubo ababingeleli abakulu nakubabali nakuwo amadoda amakulu. Kekaloku lowo umnikelayo wayebanike umqondiso, esiti, Lowo ndite ndamanga, nguye; mbambeni, nimtote nimqabisile. Efikile, uye kuye kwa oko, wati, Mfundisi, Mfundisi; wamanga. Bamsa ke izandla, bambamba. Ute ke omnye wabo bebemi

kona watola irele, wamxabela umkonzi wombingeleli omkulu, wamnqumla indlebe. Wapendula u-Yesu wati kubo, Nipumele ukuza kubamba mna na ninamarele nentonga nje, nanga nipumele isihange? Bendikuni imihla ngemihla e-tempileni ndifundisa, anandibamba; kodwa kunje ukuze zizaliseke izi-Balo. Bamshiya bonke, babaleka. Wayelandelwa yindodana etile, eyambete i-linen entle emzimbeni; ayibambe ke amadodana. Ite yayilahla i-linen entle leyo, yabaleka kubo izé. Bamfolela u-Yesu kumbingeleli omkulu, babutelana kuye bonke ababingeleli abakulu namadoda amakulu nababali. Waza u-Petros wamlandela, ebekele kude, wada waya ngapakati entendelezweni yendlu yombingeleli omkulu; waye ehleli pantsi ndawonye nama-dindala esota emlilweni. Baye ke ababingeleli abakulu, nayo intlanganiso yamatyala ipélele, befuna ubunqina ngaye u-Yesu bokuze bambulalise; bengabufumani. Kuba babe baninzi ababunqina ubuxoki ngaye, baye ubunqina babo bungayelelani. Basuka abatile banqina ubuxoki ngaye, besiti, Tina samva yena esiti, Mna ndiyakuyicita le-tempile yenziweyo ngezandla, ndize ngentsuku ezintatu ndaké enye engenziwe ngazandla. Baye bungayelelani kwa ngokunjalo nobabo ubunqina. Wesuka umbingeleli omkulu wema pakati, wambuza u-Yesu, esiti, Akupenduli nento le na? banqina ntonina aba ngawe? Wahlala ke yena wati-tu, akapendula nento. Wabuya umbingeleli omkulu wambuza wati kuye, Unguye na u-Kristu, u-Nyana w-Odumisekayo? Ute ke u-Yesu, Ndinguye; niyakumbona nokumbona u-Nyana womntu ehleli ngasekunene kwamandla, esiza namafu ezulu. Asuke ke umbingeleli omkulu azifazule ingubo zake, ati, Sisawafunela-nina amanqina? Nikuvile ukunyelisa; kunjani kuni nina? Bamgweba ke bonke ukuba unetyala lokuba afe. Yaqala inxenye ukumtshicela, nokumgqubutela ubuso,

nokumntlita, nokuti kuye, Profita; aye amadindala emtywaraza. Kuti ke, u-Petros esentendelezweni ngezantsi, kuze omnye umkonzazana wombingeleli omkulu, ambone u-Petros esota, ondele kuye, ati, Nawe ubunaye u-Yesu wase-Nazarete. Wakányela ke esiti, Andiyazi, andiyiqondi kanye into oyite-tayo wena. Wapuma waya pandle kwengapambili intendezezo. Yalila ke inkuku. Umkonzazana ubuye wambona, waqala ukuti kwabo babemi kóna, Lo ngowakubo. Wapinda ke wakányela. Kute kwakuba mzuzwana, babuya abo babemi kóna, bati ku-Petros, Inyaniso ungowakubo; kuba ungowase-Galili, noku-teta kwako kuyafana nokwabo. Waqala ke ukushwabula nokufunga, esiti, Andimazi lomntu nimtayo. Yalila okwesibini inkuku. Walikúmbula ke u-Petros ilizwi abelitetile u-Yesu kuye, lokuti, Ingekalili inkuku kabini, uyakundikányela katatu. Wati akucinga, walila.

### OLWESIBINI OLWANDULELA I-PASIKA.

#### EYE-NCWADANA. U-Yesaya l. 5.

**I**NKOSI u-Tixo indivule indlebe; ke mna andenza wam kubabeti, nezidlele zam kubadlatuli bendevu, andibusitelisanga ubuso bam ekuhlazweni nasekutshicelweni. Ke i-Nkosi u-Tixo iyakundinceda; ngenxa yoko andihlazekanga; ngenxa yoko ndabenza ubuso bam banjengeliteye, ndazi ukuba andiyikudana. Usondele ondigwebelayo; ngubanina oyakubambana nam? masime ndaweni nye; ngubanina ummangaleli wam? makafike kum. Uyabona, i-Nkosi u-Tixo iyakundinceda; ngubanina yena oyakundigweba? yabona, bonke bepéla bayakonakala nje ngengubo, amanundu ayakubadla. Ngubanina kuni

oyoyika i-Nkosi? opulapula izwi lesicaka sayo? ohamba ebumnyameni kungabi mhlope kuye, makate-mbele egameni le-Nkosi, ayame ku-Tixo wake. Yabonani nonke nina nipemba umlilo, nizingqonge ngezikuni, hambani elangatyeni lomlilo wenu nasezinkunini enizivutisileyo. Ke esandleni sam nantsi into eniyakuyizuza, niyakulala pantsi ninembuleleko.

#### I-VANGELI. U-Marko Ongcwele xv. 1.

**B**ATI, kwa oko kwakusa, ababingeleli abakulu benza ibúnga ndawonye namadoda amakulu nababáli nentlanganiso yamatyala ipélele; bambopa u-Yesu, bemka naye, bamnikela ku-Pilato. U-Pilato wambuza esiti, Unguye na u-Kumkani wama-Yuda? Wapendula ke yena wati kuye, Nawe utsho. Baye ke ababingeleli abakulu bemngalela ngendawo ezininzi. Wabuya ke u-Pilato wambuza, esiti, Akupenduli nento na? kangela ukuba zininzi kwazo indawo abazinqina ngawe. Noko ke u-Yesu akabanga sapendula nto yena, ngokokude amangaliswe u-Pilato. Kekaloku imitendeleko ngemitendeleko ubeqéle ukubakúlulela umbanjwa abe mnye abasukuba bemcela. Kwaye kukò ke obekutiwa ngu-Barabas, eboshwe ndawonye nabanye abenzi besaqqunge, ababulalayo nokubulala esaqungeni apo. Sanqangaza isihlwele, saqala ukucela, ukuba enze ngoko abehlal' esenza ngako kubo. Wabapendula ke u-Pilato esiti, Nitanda ukuba ndinikúlulele u-Kumkani wama-Yuda na? Kuba ebesazi akuba ababingeleli abakulu bamnikele ngomona. Ke bona ababingeleli abakulu babavusa abantu, ukuba bacele ukuba kanye abakúlulele u-Barabas. Wabuya wapendula ke u-Pilato, wati kubo, Ninga ndingamenza-nina ngoko lowo nití ngu-Kumkani wama-Yuda? Babuya ke banqangaza bati, Mbetelele emnqamlezweni! Wati ke u-Pilato

kubo, Kuba enze bubi bunina? Kwaba kungona ke bancamisayo ukunqangaza, besiti, Mbetetele emnqamlezweni! Kekaloku, u-Pilato ngokunga angasitomalalisa isihlewe wabakululela u-Barabas, emtyakatyile ke u-Yesu wammikela ukuba abetelele emnqamlezweni. Ama-soldati amrolela ngapakati kwentendezezo endlwini ye-fuluneli; alibizela ndawonye ibuto lawo lipela; amambatisa ngebomvu; aluka isitsaba sameva, amti-jize ngaso. Aqale ukumbulisa, ati, A, Kumkani wama-Yuda! Ayembeta entloko ngengecongolo; ayemtshicela; ayeguqa ngamadolo, aqubude kuye. Ati, akuba edlale ngaye, amhluba ebomvu, amambatisa kwa ezake ingubo, amrolela pandle ukuze ambetelele emnqamlezweni. Anyanzela umhambi otile, u-Simon wase-Kirene, evela emapandleni, uyise ka-Alesandire no-Rufo, ukuba awutwale umnqamlezo wake. Amzise endaweni ye-Gologota, oko kukuti ngenteto evakalayo, Yindawo yokakayi. Ayemnika i-wayine ene-more ukuba ayisele; kodwa akayamkelanga. Ati akumbetelela emnqamlezweni, abelana ngengubo zake, esenza amaqashiso ngazo, ukuba ulowo atabate nto-nina. Kekaloku laye ililixa lesitatu, abambetelela ngalo emnqamlezweni. Waye umbalo wetyala lake ubalwe ngapezulu, kwatiwa, UKUMKANI WAMA-YUDA. Kwaye kubetelele emnqamlezweni naye izihange zizibini, esinye ngasekunene, nesinye ngasekohlo kwake. Sazaliseka ke esosi-Balo siti, Wabalelwa kwabacasi-mteto. Baye abadlulayo bemnyelisa, behlunguzela intloko zabo besiti, Uha! wena uchta i-tempile, uyake ngentsuku ezintatu, zisindise, uhle emnqamlezweni. Ngokukwanjalo nababingeleli abakulu bedlala ngaye pakati kwabo, benababali, babesiti, Abanye wabasindisa, yena ngokwake akanakuzisindisa. U-Kristu u-Kumkani wakwa-Sirayeli makehle kaloku-nje emnqamlezweni, ukuze sibone

sikolwe. Baye nabo babetelele emnqamlezweni kunye naye bemngcikiva. Kekaloku lakuba lilixa lesitandatu, kwehla ubumnyama pezu kwawo wonke umhlaba, kwada kwalilixa lesitoba. Ngalo ilixa lesitoba wadanduluka u-Yesu ngezwi elikulu, esiti, *Eloyi, Eloyi, lama sabaktani?* oko kukuti ngenteto evakalayo, Tixo wam, Tixo wam, undishiyele nina? Inxenye yabebemi kona yakuva yati, Yabonani, ubiza u-Eliya. Wagidima ke omnye, wazalisa imfunxa nge-viniga, wayifaka engecongolweni, wamseza, esiti, Kanenze kuhle, kesibone ukuba u-Eliya woza kumtula na. Wati ke u-Yesu, ekuphe izwi elikulu, wapuma umpefumlo. Lati ikuselo lengewele lafazuka kubini, litabatela pezulu, lesa pantsi. Ebonile ke umteteli-kulu obemi malunga naye, ukuba wenjenjalo ukudanduluka, wapuma umpefumlo, uté, Inyaniso lomntu ube ngu-Nyana ka-Tixo.

#### OLWESITATU OLWANDULELA I-PASIKA.

I-NCWADANA. Kuma-Hebere ix. 16.

**A**PO kukoyo umnqopiso womyoleli, kufuneka ukuba kucace ukufa kwalowo unqopisileyo; kuba umnqopiso uqiniseka bakuba befile, ekubeni ungaze ube namandla xenikweni asadla ubomi lowo unqopisileyo. Ekute ngoko nowokuqala awasungulwa kungeko gazi. Kuba kute wakuba umteto wonke uxeliwe ngu-Moses ebantwini bonke ngokomyalo, walitabata igazi lamatole nele-bokwe ndawonye namanzi noboya obubomvu ne-hisope, wafefa incwadi ngokwayo kwa nabantu bonke, esiti, Eli ligazi lawo umnqopiso aniwisele umteto ngawo u-Tixo. Ner-tente ke nazo zonke impahla zombuso wazifefa ngokunjalo ngegazi. Kananjalo ngokomteto ndingade nditi inkoliso yezinto zonke zihlanjululwa ngegazi; kungapalalanga gazi, akubiko

kuxolelwa. Kwafuneka ngoko, ukuba okunene izizekelo zezinto ezisezulwini zihlanjululwe ngento ezinjalo, kodwa zona izinto ngokwazo zasezulwini zihlanjululwe ngamadini alungileyo kunalawo. Kuba u-Kristu akangenanga engcweleni enokwenziwa ngezandla, engumfuziselo weyinyaniso; ungene kulo izulu ngokwalo, ukuba abonakale ngoku ebusweni buka-Tixo ngenxa yetu. Kanjalo akangenanga ukuze azinikele futi, njengokuba umbingeleli omkulu engena kweyona ngeweke iminyaka ngeminyaka enegazi lenye into; okanye ange emelwe kukuba eve ubunzima futi kuse-loko wasekwayo umhlaba. Ke, ute ngoku, ekupeleni kwawo amapakade, wabonakaliswa kwaba kanye, ukuba atshabalalise isono ngokuzenza idini. Ke, kwa njengokuba abantu bamiselwe ukuba bafe kube kanye, ize ke emveni koko ibe ngumgwebo, ngokunjalo u-Kristu wanikelwa kwaba kanye, ukuba azitwale izono zabaninzi; uyakuti okwesibini ngapandle kwesono abonakale kwabo bamlindileyo, ezisa usindiso.

#### I-VANGELI. U-Luka Ongeweke xxii. 1.

**K**EKALOKU wawusondela umtendeleko wezonka ezingenagwele ekutiwa yi-pasika. Baye ababingeleli abakulu nababali befuna ukuba bangati-nina ukumbulala, kuba bebesoyika abantu. Wangena ke u-Satana ku-Yudas, okutiwa ngu-Sikariyoti, obengowenani labalishumi elinababini. Wemka, waya wate-ta nababingeleli abakulu nabapati be-tempile, ukuba angati-nina ukumnikela kubo. Bavuya, banqopisana naye ukumnika imali. Wabavumela, wayefuna ituba elimlungeleyo lokumnikela kubo kungeko bantu. Wafika ke umhla wezonka ezingenagwele, ekwakumele ukuti ngawo kubingwe imvana ye-pasika. Wesusa u-Petros no-Yohane, wati, Hambani niye kusilungisela i-pasika, ukuze sidle. Baté ke bona kuye, Ufuna

ukuba siyilungise pina? Uté ke yena kubo, Yabonani, nakungena kuwo umzi lo nohlangana nomntu etwele umpanda wamanzi; mlandeleni, niye endlwini angena kuyo. Noti kumnini-ndlu, Uti u-Mfundisi kuwe, Lipina igumbi labahambi, apo ndingadlela kona i-pasika nabafundi bam? Kwa yena wonibonisa igumbi elipezulu elikulu landlelwe, lungisani apo ke. Bemka ke bafumana kunjengoko ebetshilo kubo, bayilungisa i-pasika. Ute lakufika ilixa wahlala pantsi naba-postile abalishumi elinababini kunye naye. Wati kubo, Asikukó nokuba ndingwenile ukuyidla nani le-pasika ndingekabuva ubunzima. Kuba nditi kuni, Andiyikubuya ndibe sadla kuyo, ide izaliseke ebukumkani buka-Tixo. Wamkela indebe, wabulela, wati, Yitabateni nabelane ngayo. Kuba nditi kuni, Andisayikusela kwisiqámo som-diliya bude bufike ubukumkani buka-Tixo. Watabata isonka, wati akubulela, waqékeza, wabanika, esiti, Ngumzimba wam lo, onikelwa ngenxa yenu; oku kwenzeleni ukukunjulwa kwam. Kwa ngokunjalo nayo indebe wayitabata kwakukov' ukudliwa, esiti, Lendebe ingumnqopiso omtsha osegazini lam, elipalalela nina. Kodwa niyabona, isandla sondinikelayo sinam e-tafileni apa. U-Nyana womntu okunene uyemka njengoko kumisiweyo, kodwa ke yehá lomntu angatshwa nguye! Baqala bona ukubuzana pakati kwabo, ukuba ingaba ke ngu-wupina kubo oza kuyenza lento. Kekaloku kwabakó nokubangisana pakati kwabo, kokuti ngu-wupina kubo ekungatiwa ngomkulu. Uté ke yena kubo, Okumkani be-Ntlanga bayazipata ngobukosi; kwa nabo benza ngegunya kuzo kutiwa ngabancedi. Ke nina zeningabi njalo; omkulu kuni makabe njengomncinane, nongumpati makabe njengomkonzi. Kuba ngu-wupina omkulu, ngulowo uhleli ekutyeni, ngulowo ulungiselelayo kusinina? asingulowo uhleli ekutyeni na? ke mna pakati kwenu ndinjengomkonzi. Nina

ke ningabo basoloko behleli nam ekulingweni kwam. Nam ndinimisela ubukumkani, njengokuba u-Bawo endimisele mna : ukuze nidle nisele e-tafileni yam ebukumkanini bam, nihlale ezihlalweni zobukosi, nigweba izizwe ezilishumi elinazibini zakwa-Sirayeli. Ité ke i-Nkosi, Simon, Simon, uyabona, u-Satana ubenibanga, ukuba anele njengenqólowa. Ke mna ndikúngile ngawe, ukuba ukólo lwako lungapéli ; nawe ke xa ubuye wabuya, uz' ubazimase abazalwana bako. Wati ke yena kuyo, Nkosi, sendikulungele ukuya nawe nasentolongweni nasekufeni. Ité ke yona, Ndití kuwe, Petros, ayisayikulile namhla-nje inkuku, ungekakányeli katatu ukuba uyandazi. Yati kubo, Okuya ndanituma ningenanxowa yamali, nanxowa yampako, nazihlangu, kénaswela nto na ? Batí ke bona, Nento le. Ité ke kubo, Kungoku nje lowo unenxowa yemali makayitabate, enjenjalo nonenxowa yompako ; nalowo usweleyo makatengise ngengubo yake, atenge ifele. Kuba ndití kuni, Okubá-liweyo kusamele ukufezeka kum, kóna oku : Wabalwa nabacási-mteto ; kuba kananjalo izinto ezingam zinemfezeko. Batí ke bona, Nkosi, uyabona, nanga amafele emabini. Ité ke yona kubo, Kwanele. Upumile ke waya ngokwesiko lake entabeni yemi-Nquma, bamlandela ke nabafundi bake. Efikile ke kulondawo, wati kubo, Tandazani ningangeni ekuhendweni. Wazishenxisa kubor'umgama ongangokugibisela ilitye, waguqa ngamadolo, watandaza, esití, Bawo, ukuba uyavuma, mayidlule lendebe kum ; kodwa makungabi kutanda kwam, makube kokwako okwenzekayo. Kwabonakala ke kuye i-ngelosi ivela ezulwini, imomeleza. Ute ke esindwa kukoyika, kwaba kukóna atandaza enyamekile, kwati ke ukubila kwake kwanga kungamatontsi amakulu egazi esiwa emhlabeni. Wavuka ekutandazeni, weza kubafundi bake, wabafumana belele ngokuba buhlungu bentliziyo. Wati

kubo, Yinina ukuba nilale ? Vukani nitandaze, ukuze ningangeni ekuhendweni. Kekaloku, esateta, kwavela into eninzi yabantu, waye nalowo kutlwa ngu-Yudas, omnye weshumi elinababini, ehamba pambi kwabo, wasondela ku-Yesu, eza kumanga. Uté ke u-Yesu kuye, Yudas, umnikela u-Nyana womntu ngokumanga na ? Kekaloku abo bebempahlile, bakukubona okuza kuhla, batí kuye, Nkosi, sixabele na ngefele ? Omnye kubo abo wamxabela umkonzi wombingeleli omkulu, wamngamla indlebe yokunene. Wapendula ke u-Yesu wati, Yekani, kwanele. Wayicúkumisa indlebe yake, wampilisa. Uté ke u-Yesu kwabo bebemfikele, ababingeleli abakulu nabapáti be-tempile namadoda amakulu, Nipume ninamafele nentonga na nanga nize esibangeni ? Bendingani imihla ngemihla e-tempileni, anolula zandla ngakum ; kambe eli lilixa lenu negunya lobumnyama. Bem-bambile ke bamfola, bamsa endlwini yombingeleli omkulu, waye ke u-Petros ciandela ekude. Kekaloku bakuba bebase umlilo pakati kwentendezezo, behleli pantsi ndawonye, wahlala u-Petros pakati kwabo. Ke umkonzazana embonile ehleli ngasembandezini, wamjonga wati, Naló ube naye. Wamkányela ke yena, esití, Nkazanandini, andimazi. Kwakuba mzu-zwana, omnye wambona, wati, Nawe ungowakubo. Wati ke u-Petros, Mntundini, andinguye. Kwakuba kubambe ilixa ngati linye, omnye uqinisele wati, Inyaniso naló ube naye ; kuba ukwangowase-Galili. Uté ke u-Petros, Mntundini, andiyazi into oyitetayo. Kute kwa ngoko esateta, yalila inkuku. Yajika i-Nkosi, yondela ku-Petros. Walikumbula u-Petros ilizwi le-Nkosi, njengoko ibité kuye, Ingekalili inkuku, uyakundikányela katatu. Waza u-Petros epume pandle walila ngokur'ara. Aye amadoda ambambileyo u-Yesu edlala ngaye, emtyakatya ; ate akuba emgqubutele, ambeta ebusweni, ambuza, esití,

Profita; ngubanina lo ukubetileyo? Ayemetetela nezinye izinto ezininzi, enyelisa. Kute kwakusa yahlanganisana intlanganisano yamadoda amakulu abantu, nababingeleli abakulu kwa nababali, bamro-lela entlanganisweni yabo yamatyala, besiti, Ukuba unguye u-Kristu wena, sixelele. Uté ke yena kubo, Ukuba ndite ndanixelele, anisayikukólwa; nokuba ndite ndanibuza, anisayikundipendula, anisayikundi-kúlula. Etabatela kwelixa u-Nyana womntu uyakuba ehleli ekunene kwamandla ka-Tixo. Bati ke bonke, Unguye na ke wena u-Nyana ka-Tixo? Uté ke yena kubo, Nani niti ndinguye. Bati ke bona, Sisabufunela-nina ubunqina? kuba tina ngokwetu sivile ngomlomo wake.

### OLWESINE OLWANDULELA I-PASIKA.

I-NCWADANA. 1 Kwabase-Korinte xi. 17.

**K**EKALOKU, ndinitetela lendawo nje, andinincomi; ukuba ukuhlanguka kwenu ndawonye akusingisi kokóna kulungileyo, kusingisa kokóna kubi. Kuba kuqala ke, nakuba nihlanguka e-kerikeni, ndiyeva ukuba kukó izahlukahlukano pakati kwenu; nditi ke fan' ukuba zikó. Kuba kumele ukubakó izahlukahlukano pakati kwenu, ukuze abacikidekileyo babonakale pakati kwenu. Xenikweni ngoko nite nahlangana ndawonye, asikuko ukuba nidle isidlo se-Nkosi; kuba ekudleni kwenu elowo udla esake isidlo, uqala adle bengekafiki abanye, aze omnye alambe, omnye anxile. Kanene aninazindlu zokudlela nokusela? okanye nidlela i-kerike ka-Tixo na, nibadanisa nje abangenazo? Nditl-nina kuni? Ndinincome na kulento? Andinincomi. Kuba mna ndakwamkela kuyo i-Nkosi oko ndikunikeleyo kuni, okokuba i-Nkosi u-Yesu ngobobusuku yayinikelwa ngabo, yatabata

isonka, yaza yakuba ibulele, yasiqékeza, yati, Tabatani, nidle, ngumzimba wam lo, owapúlelwa nina; oku kwenzeleni ukukúnjulwa kwam. Kwa ngokunjalo yatabata nayo indebe, emveni kokuba kudliwe, isiti, Lendebe ingumnqopiso omtsha osegazini lam; ngamaxesha onke enisukuba niyisela, oku kwenzeleni ukukúnjulwa kwam. Kuba ngamaxesha onke enisukuba nisidla esosonka, niyisele londebe, niyakuxela ukufa kwe-Nkosi, ide ifike. Ngoko ke osukuba esidla esosonka, ayisele indebe ye-Nkosi ngokungafanelekileyo, woba netyala lomzimba negazi le-Nkosi. Makazicikide ke ngokwake umntu, aze ngokunjalo adle kwisonka eso, asele kwindebe leyo. Kuba lowo udlayo uselayo ngokungafanelekileyo uzidlela aziselele isigwebo, engawucaluli nje umzimba we-Nkosi. Ngenxa yoku baninzi pakati kwenu abaswel' amandla nabayimilwelwe, bakó nabalele ukufa. Kuba xa besizigweba, ngesiba asigwetywa. Sigwetywa nje ke, siyaqeqeshwa yi-Nkosi, ukuze singasingelwa pantsi nomhlaba. Ngoko ke, bazalwana bam, xa nihlanguka ndawonye ukuba nidle, lindanani. Ukuba ke ulambile ubani, makadle ekáya, ukuze ningahlanganeli ukugwetywa. Eziselelo ke indawo ndozilungisa, xa ndite ndafika.

I-VANGELI. U-Luka Ongewele xxiii. 1.

**Y**ESUKA yonke inkita yabo, yamsa ku-Pilato. Baqala ke ukummangalela besiti, Simfumene lo elulahlekisa uhlanga, engavumi ukuba kunikelwe ifafu ku-Kesare, esiti, Ungu-Kristu u-Kumkani yena ngokwake. U-Pilato wambuza ke, esiti, Unguye na u-Kumkani wama-Yuda? Umpendule ke yena, wati, Nawe utsho. Uté ke u-Pilato kubabingeleli abakulu nabantu, Andifumani tyala kulomntu. Kwaba kukóna ke bajokisayo, besiti, Uvusa abantu, efundisa



kuyo yonke i-Yudeya, eqalele e-Galili, wada wezisa apa, Kekaloku u-Pilato akuya kukankanywa i-Galili, wabuza ukuba umntu lo ngowase-Galili na? Wati, akuqonda ukuba ngowasebukosini buka-Herode, wamtumela ku-Herode, obese-Yerusalem naye ngalomihla. Kekaloku u-Herode, akumbona u-Yesu, wavuya kunene; kuba bekumzuzu etanda ukumbona, ngenxa yokuba ebeve kutetwa izinto ezininzi ngaye; kanjalo wayetembe ukubona umqondiso usenziwa nguye. Wayembuza ke ngamazwi amaninzi; ke yena akampendulanga nento. Bema ke ababingeleli abakulu nababáli, bemngalela kabukáli. U-Herode ke kwa nempi yake wamenza into engento, wadlala ngaye. wamambatisa ingubo eqaqambileyo, wamtumela ku-Pilato. Ngalomini baba zihlolo ke u-Pilato no-Herode; kuba ngenx' engapambili bebe nobutshaba pakati kwabo. Kekaloku u-Pilato, ebabizele ndawonye ababingeleli abakulu, nabapáti, nabantu, wati kubo, Nizisa kum lomntu ngati ngopambukisa abantu; niyabona ke, ndimncinile mna emehlweni enu, andafumana tyala kulomntu kwezonto nimmngalele ngazo; kwa no-Herode; kuba ndanitumela kuye, nanku ke kungekò nto ifanelwe kukufa yenziwe nguye. Ndoti ke ngoko ndakumbeta ndimkúlule. Kekaloku ubemelwe kukuti abakúlulele umbanjwa abe mnye imitendeleko ngemitendeleko. Banqangaza ke ngokupéla kwabo, besiti, Msuse lo, usikúlulele u-Barabas, owayete ngenxa yesaqunge esitile esibe senziwe pakati komzi, kwa nokubulala, wapóswa entolongweni. Wapinda ngoko u-Pilato wateta nabo efuna ukumkúlula u-Yesu. Ke bona banqangaza, besiti, Betelela emnqamlezweni, mbetelele emnqamlezweni. Uté ke yena okwesitatu kubo, Kuba enze bubi bunina lo? Andifumananga tyala lakufa kuye; ndoti ngoko ndakumbeta ndimkúlule. Bamxina ke bona ngezwi elikulu, becela ukuba abetelelwe emnqamle-

zweni; aza ke eyisa amazwi abo nawababingeleli abakulu. Usume ke u-Pilato wagweba ngeliti, mase-nziwe isicelo sabo. Wabakúlulela ke owayete ngenxa yesaqunge nokubulala wapóswa entolongweni; wamnikela ekutandeni kwabo u-Yesu. Kute ke, nxa bamrolayo, babamba u-Simon, umntu wase-Kirene, obevela emapandleni; bawubeka pezu kwake umnqamlezo, ukuba awutwale emva ko-Yesu. Wayelandelwa ke yinkita eninzi yabantu, neyabafazi ababemmbambazelela bemlilela. Wabéka ke kubo u-Yesu, wati, Zintombi zase-Yerusalem, musani ukundililela mna; kanye zilileleni nina, nabantwana benu; ngokuba, yabonani, kuza imihla, abayakuti ngayo, Banetamsanqa abazindlolo, nezizalo ezingazalanga, namabele angányisanga. Oko bayakuqala bati ezintabeni, Siweleni; nasezindulini, Sigubungeleni. Ngokuba ukuba benza ezizinto komanzi umti, kuyakuba njanina kowomileyo? Kekaloku babelela abanye, bebabini, bengabenzi bobubi, beya kubulawa kunye naye. Bati ke bakufika kwindawo le kutlwa, Lukakayi, bambetelela emnqamlezweni kón' apo, kwa nabenzi bobubi abo, omnye ngasekunene, omnye ngasekohlo. Wati ke u-Yesu, Bawo, baxolele; kuba abayazi into abayenzayo. Bati ke babelana ngengubo zake besenza amaqashiso. Baye bemi abantu bebomela. Babemsinekela ke nabapáti *bama-Yuda* kunye nabo, besiti, Wabasindisa abanye; makazisindise, ukuba lo ungye u-Kristu umnyulwa ka-Tixo. Ayedlala ngaye ke nama-soldati, esiza emnika i-viniga, esiti, Ukuba wena ungye u-Kumkani wama-Yuda, zisindise. Kwaye ke kubálwe nombálo ngapezu kwake ngamagama esi-Grike nesi-Roma nesi-Hebere, *kwalwa*, LO NGUKUMKANI WAMA-YUDA. Kekaloku omnye wabenzi bobubi ababexonyiwe wayemnyelisa, esiti, Ukuba wena ungye u-Kristu, zisindise, *usisindise* nati. Wapendula ke omnye,

wamkalimela, esiti, Akumoyiki na wena u-Tixo, ukwakokukugwetywa nje? Tina ke okunene sigwetywe ngobulungisa, kuba samkela okufanele esakwenzayo; kodwa yena lo akenzanga nto ingendawo. Wati ku-Yesu, Uz'undikumbule, Nkosi, xa ute weza usebukumkanini bako. U-Yesu wati kuye, Inene nditi kuwe, Namhla-nje uyakuba nam e-paradisi. Kekaloku kwakumalunga nelixa lesitandatu, kwaza kwakó ubumnyama pezu kwawo wonke umhlaba, kwada kwaba lilixa lesitoba. Lenziwa mnyama ilanga; site nesikúselo sendawo eyingwele sařazuka pakati. Wadanduluka ngezwi elikulu u-Yesu, wati; Bawo, ndiyawunikela ezandleni zako umoya wam: ute akuba etshilo, wapuma umpefumlo. Kekaloku umteteli-kulu, akukubona okuhlileyo, wazukisa u-Tixo, esiti, Inene, lomntu ube lilungisa. Zati zonke izihlwele ezabe zibutelene kulombonelo, zakukubona okuhlileyo, zabuya, zibeta izifuba zazo. Baye ke bonke abazana naye bemi kude, nabafazi ababelandelelene naye, bevela e-Galili, bezikangela ezizinto.

### OLWESIHLANU OLULUNGILEYO

*oko kukuti*

NGUMHLA WOKUFA KWE-NKOSI YETU  
U-YESU KRISTU.

IMI-TANDAZWANA.

**T**XIXO Somandla, siyakukúnga ukuba ukangele usapo lwako olu, awati ngenxa yalo u-Yesu Kristu i-Nkosi yetu wavuma ukungcatshwa wanikelwa ezandleni zaboni, nokufela emnqamlezweni, ohleli elaula nawe no-Moya Oyingwele, emnye u-Tixo, ngonapakade. *Amen.*

**T**XIXO Somandla, Ongunapakade, oti ngo-Moya T wako ulaule ungwalise i-Kerike yonke; Yamkela izikúngo zetu, sitandazela zonke indidi zabantu abase-Kerikeni yako engcwele, aze ati elowo emsebenzini wake akukonze ngokwenyaniso; ngaye u-Yesu Kristu i-Nkosi no-Msindisi wetu. *Amen.*

**T**XIXO onetařu, Mdali wabantu bonke, ongatiyiyo nanye into oyenzileyo, ongakutandiyo ukufa komoni, utanda ukuba aguquke, apile; Sitaruzisela kuwe onke ama-Yuda, nama-Islam, nabangakólwayo, nabapambukileyo, ukuba ususe kubo ukungazi, nobunqóla bentliziyo, nokudela i-Lizwi lako; ubagodusele, Nkosi, emhlambini wako, basindiswe nesisalela sama-Sirayeli enene, ukuze babe mhlambi mnye, omalísi ukwamnye, u-Yesu Kristu i-Nkosi yetu, ohleli elaula nawe no-Moya Oyingwele, emnye u-Tixo, ngonapakade. *Amen.*

I-NCWADANA. Kuma-Hebere x. 1.

**U**MTETO wona unesitunzi nje sodwa sezinto ezilungileyo ezizakubakó, ungenaso sona isimilo sazo izinto, awuze ube nako iminyaka ngeminyaka ngalomadini, bawanikela ngokungapéliyo, ukubenza bagqibelele abo basondelayo; okanye ange engayekwanga na ukunikelwa, ngenxa yokuba abo bakonzayo behlanjululwe nje kwaba kanye bengasenasazela sazono? Kusuke kuwo apo kubekó ukukúnjuzwa kwezono iminyaka ngeminyaka. Kuba akunakwenzeka ukuti igazi lenkomo ne-bokwe lisuse izono. Kungoko ati, akungena emhlabeni, Akutandanga mbingelelo namnikelo wakudla, ke undilungisele umzimba; amadini atshiswayo kupéle nangawesono akukóliswanga ngawo: Ndaza ndati, Yabona, ndiyeza (emqulwini wencwadi kubálwe ngam,) ndiza kuyenza intando yako, Tixo. Esiti nje ngentla: Imibingelelo

neminikelo yokudla namadini atshiswayo kupêle nangawesono akuwatandanga, akukôliswanga ngawo (wona lawo anikelwayo ngokomteto,) ubuye ati; Yabona, ndiza kuyenza intando yako, Tixo. Ususa okokuqala, ukuze amise okwesibini. Siti ngokokutanda kwake singewaliswe ngokunikelwa komzimba ka-Kristu kwaba kanye. Wonke ke ongumbingeleli uma okunene imihla ngemihla ebusa, ewanikela futi kwa wona lomadini angenako nakanye ukususa isono. Kodwa yena lo, enikele idini lalinye ngenxa yezono, usuke wahlala pantsi ngasekunene kuka-Tixo ngokungapeliyo, kususela koko elinde ukuba zide intshaba zake zenziwe isi-tulo senyawo zake. Kuba ngamnikelo mnye ubenze bagqibelela ngokungapeliyo abo bangewaliswayo. Uyasinqinela ke no-Moya Oyingewe, kuba emveni kokuba etshilo ngenx' engapambili ukuti, Nangu wona umnqopiso endiyakuwenza nabo emva kwalomihla, itsho i-Nkosi; ndiyakuyibeka imiteto yam ezintliziyweni zabo, ndiyakuyibala engqondweni zabo; izono zabo nokucasa kwabo umteto ndingabi sakukumbula. Ke apo uxolelo lwezonto lukona, akusekô mnikelo ngenxa yesono. Ngoko, bazalwana, sinokungena nje singoyiki kweyona ngeweke ngalo igazi lika-Yesu ngendlela entsha epilileyo awayivulela tina, ipumela esikuse-lweni, oku kukuti, enyameni yake, sinombingeleli omkulu nje pezu kwendlu ka-Tixo; masisondele sinentliziyo eyinyaniso, sinenzaliseko yokôlo, sifefiwe intliziyo zetu, sisusiwe isazela esingendawo; masiti sihlanjwe nje umzimba ngamanzi amhlope, silubambe uvumo lwetu lwetamba luqinisekile; kuba utembekile lowo wabeka ngedinga; kanjalo masinyamekelane ukuba sivusane elutandweni nasemisebenzini emihle; singakuyeki ukuhlanganisana kwetu, njengesiko labanye; masivuselelane, kube kokukona, nibona nje ukuba imini leyo iyasondele.

## I-VANGELI. U-Yohane Ongeweke xix. 1.

**W**AZA ngoko u-Pilato wamtabata u-Yesu, wamtya-  
katya. Ama-soldati aluka isitsaba ngameva, asibeka pezu kwentloko yake, amambatisa ingubo ebomvu, ati, A, Kumkani wama-Yuda! ammonxoxa. Wabuya ngoko wapuma pandle u-Pilato, wati kubo, Yabonani ndimzisa pandle kuni, ukuze nazi ukuba andifumani nalinye ityala kuye. Wapuma pandle ngoko u-Yesu, enxibe isitsaba sameva nengubo ebomvu; ati u-Pilato kubo, Nanku umntu! Bate ngoko bakumbona ababingeleli abakulu namadindala, banqangaza, besiti, Mbetelele emnqamlezweni, mbetelele emnqamlezweni! Ati kubo u-Pilato, Mtabateni nina nimbetelele emnqamlezweni; kuba mna andifumani tyala kuye. Ampendula ama-Yuda ati, Tina sinomteto, ngomteto wetu ke ufanele ukufa, ngokuba ezenze u-Nyana ka-Tixo. Ute ngoko u-Pilato akuliva elozwi, woyika ngakumbi. Wabuya wangena endlwini yamatyala, wati ku-Yesu, Ungowapina wena? ke u-Yesu akampendulanga. Ati ngoko u-Pilato kuye, Akuteti na kum? akwazi na ukuba ndinegunya lokukubetelela emnqamlezweni, nokuba ndinegunya lokukukulula? Upendule u-Yesu wati, Ngeungenagunya nakanye kum, ukuba ubungalinikwanga livela pezulu; ngenxa yoko onlinikeleyo kuwe unesono esikulu ngakumbi. Ngenxa yoko wayefuna u-Pilato ukumkûlula; kodwa ama-Yuda ayenqangaza esiti, Ukuba ute wamkûlula lo, akusihlobo sika-Kesare; bonke abazenza ukumkani bamcâsa u-Kesare. Elivile ngoko u-Pilato elilizwi, wamzisa pandle u-Yesu, wahlala esihlalweni sokugweba kwindawo ekutiwa, Sisandlalo samatye, ke ngesi-Hebere yi-Gabata. Kekaloku kwakuyimini yokulungiselela i-pasika, ilixa ke ngati belilesitandatu, ati kuma-Yuda, Nanko u-Kumkani wenu! Ke wona

anqangaza esiti, Susa, susa, mbetelele emnqamlezweni! Ati u-Pilato kuwo, Ndimbetelele emnqamlezweni na u-Kumkani wenu? Bapendula ababingeleli abakulu bati, Tina asinakumkani ungenguye u-Kesare. Wandula ngoko ukumnikela kubo, ukuze abetelelwe emnqamlezweni. Bamtabata ke u-Yesu, bemka naye. Etwele umnqamlezo wake, wapuma waya endaweni ekutiwa, Yeyokakayi, ekutiwa ngesi-Hebere yi-Golgota: apo bambetelela kona emnqamlezweni, nabanye abangabambi bebabini naye ngenxa zombini, u-Yesu ke epakati. Kekaloku u-Pilato wabala nombalo, wawubeka pezu komnqamlezo. Kwaye ke kubaliwe kwatiwa, U-YESU WASE-NAZARETE, UKUMKANI WAMA-YUDA. Lombalo ngoko into eninzi yama-Yuda yawufunda; ngokuba indawo u-Yesu wayebetelelwe kuyo emnqamlezweni yayikufupi nomzi; kwaye ke kubaliwe ngesi-Hebere nangesi-Grike nangesi-Roma. Babesiti ngoko ku-Pilato ababingeleli abakulu bama-Yuda, Musa ukubala uti, U-Kumkani wama-Yuda; bala uti, Wati yena, Ndingu-Kumkani wama-Yuda. Wapendula u-Pilato wati, Endikubalileyo ndikubalile. Ate ngoko ama-soldati, xa abembetelele emnqamlezweni u-Yesu, azitabata ingubo zake, enza izabelo ezine, laelo i-soldati lanesabelo, kwa nengubo yangapantsi; kekaloku ingubo yangapantsi yabingenantungo, yayilukiwe ipela itabatele pezulu. Atshono ngoko ukuti, Masingayitazuli, masiqashise ngayo ukuba yoba yekabanina: ukuze isi-Balo sizaliseke, esiti, Babelana ngengubo zam, benza amaqashiso ngesambato sam. Ama-soldati ke ngoko azenza ezizinto. Kwakumi ke ngasemnqamlezweni ka-Yesu unina, nomsakwabo bonina, u-Mariya umka-Kleyopa, no-Mariya wase-Magadala. U-Yesu ngoko, akumbona unina, naye umfundi abemtanda emi kona, uti kuye unina, Mfazi, nanko unyana wako! Andule ati

kumfundi lowo, Nanko unyoko! Wati kwa kwelolixa umfundi lowo wamtabata wamsa kwikaya lake. Emveni koko u-Yesu esazi ukuba zonke izinto sezizefekile, ukuze sifezeke isi-Balo, wati, Ndinxaniwe. Bekukó ke isitya sizele yi-viniga; bazalisa ke bona imfunxa nge-viniga, bayibeka pezu kwe-hisope, bayisa emlonyeni wake. Xa ngoko u-Yesu wabeyamkele i-viniga, wati, Kugqityiwe: watoba intloko, wawunikela umoya wake. Ama-Yuda ngoko, ukuze imizimba ingahlali emnqamlezweni nge-sabata, ekubeni yayiyimini yokulungiselela (kuba lo-sabata ibingumhla omkulu), acela ku-Pilato ukuba imilenze yabo yapulwe, basuswe. Eza ngoko ama-soldati, ayapula okunene imilenze yowokuqala, neyomnye obetelelwe emnqamlezweni naye; kodwa akufika ku-Yesu, akubona ukuba usel' efile, ayapulanga imilenze yake; lesuka elinye i-soldati lamhlaba ngomkonto ecaleni; kwa oko kwapuma igazi namanzi. Nalowo ubonileyo unqinile, nobunqina bake buyinyaniso: naye yena uyazi ukuba uteta inyaniso, ukuze nani nikolwe. Kuba zenzeka ezizinto, ukuze isi-Balo sizaliseke esiti, Akuyikutyunyuzwa tambo lake. Kanjalo nesinye isi-Balo siti, Bayakukangela lowo bamhlalileyo.

## UMHLA OWANDULELELA I-PASIKA.

### UM-TANDAZWANA.

**N**KOSI, ekubeni sabaptizelwa ekufeni ko-Nyana wako u-Msindisi wetu u-Yesu Kristu, yenza ukuba siti ngokuhlala sizoyisa zonke inkanuko ezingendawo sincwatywe naye, size ngenewaba nangesango lokufa, sipumele eluvukweni olunenyweba; ngayo imfaneleko ya-Lowo wafayo, wancwatywa,

wavuka ngenxa yetu, u-Nyana wako u-Yesu Kristu i-Nkosi yetu. *Amen.*

I-NCWADANA. I Ka-Petros Ongwele iii. 17.

**U**KUBA ke kungaba kukutanda kuka-Tixo ukuba nive ubunzima, okóna kunilungeleyo kukubuva nisenza okulungileyo, kunokubuva nisenza okubi. Ngokuba no-Kristu wabuva kwa kanye ubunzima ngenxa yezono, ilungisa lisiva ubunzima ngenxa yabangemalungisa, ukuze asisondeze kuye u-Tixo, ebulewe okunene esenyameni, kodwa edlisiwe ubomi akuwo umoya, awati ekuwo waya wavakalisa komoya abasekuvalelweni, ababefudula bengeva, xenikweni unyamezelo luka-Tixo belulinda ngemihla ka-Nowa, nxa ibisalungiswa inqanawa, ekwasindiswa kuyo imipefumlo embalwa, oko kukutí esibózo, ngamanzi; olusisindisayo ngawo nati ngoku u-báptizo ngokomfuziselo, kungekukulahla ukuncóla kwenyama, kukubuzisa ku-Tixo kwesazela esilungileyo, ngokuvuka kuka-Yesu Kristu, osekunene kuka-Tixo, eyile ezulwini; zitotyelwe pantsi kwake i-ngelosi nomagunya namandla.

I-VANGELI. U-Mateyu Ongwele xxvii. 57.

**K**WATI ke kwakuhlwa, kweza umntu osityebi wase-Arimatiya, ogama lingu-Yosefu, owaye ngumfundi ka-Yesu naye. Yena lowo waya ku-Pilato, wacela umzimba ka-Yesu. Waza u-Pilato wati makawunikelwe umzimba. Ewutabatile ke u-Yosefu umzimba, wawusongela kwi-linen entle emhlope, wawubeka kwelake incwába elitsha, abelixóle eweni; waqengqela ilitye elikulu emnyango wencwába elo, wemka. Baye ke bekóna apo u-Mariya wase-Magadala nomnye u-Mariya, behleli pantsi malunga nencwába. Kekaloku ngengomso, eliyimini esemva kwaleyo yokulungiselela, bahlanganisana ababingeleli abakulu

naba-Farisi ku-Pilato, besiti, Nkosi, sikumbule ukuba umlahlekisi lowa wati esahleli, Emveni kwentsuku ezintatu ndiyakuvuka. Yitsho ngoko linqatysiswe incwába kude kube lusuku lwesitatu, hleze abafundi bake beze ebusuku bambé, bati ke ebantwini, Uvukile kwabafileyo; luze olokugqibela ulahlekiso lube lubi kunolokuqala. Wati ke u-Pilato kubo, Ninabo abalindi; hambani niye kunqabisa ngoko nazi ngako. Baya ke bona balinqabisa incwába ngokulitywina ilitye, bekunye nabalindi.

UMHLA WOKUVUKA KWE-NKOSI,

*okutiwa ngowe-*

PASIKA.

¶ *Em-Tandazweni wa-Kusasa ezizahlukwana ziyakutetwa okunye ziculwe, kuyekwe i-Ndumiso eqala ngokutí, Yizani siculele I-NKOSI.*

**E**YETU i-pasika engu-Kristu siyibingelelwe: ngoko masiwenze umtendeleko; Singawenzi ngegwele elidala, ngegwele lobubi nenkohlakalo: masiwenze ngezonka ezingenagwele zokungenakumbi nenyano. I *Kwabase-Korinte v. 7.*

**U**-KRISTU evusiwe nje kwabafileyo akabi safe: ukufa akusampati ngobukosi; Kuba ukufa awakufayo, wakufa kwisono kwaba kanye: ubomi ke abudlayo, ubudlela ku-Tixo.

Ngokunjalo nani zibaleleni ekutini ningabafileyo okunene kwisono: kodwa ningabadla ubomi ku-Tixo niku-Kristu Yesu i-Nkosi yetu. *Kwabase-Roma vi. 9.*

**U**-KRISTU uvukile kwabafileyo: waba lulibo lwabalele ukufa;

Kuba ekubeni kaloku kungomntu ukufa: kukwangenomntu ukuvuka kwabafileyo.

Kuba njengokuba kuye u-Adam bafa bonke : ngokunjalo nakuye u-Kristu bayakudliswa ubomi bonke.  
1 *Kwabase-Korinte xv. 20.*

Udumo ku-Yise, naku-Nyana : naku-Moya Oyingewele ;

Kwavela kunjalo, kusenjalo nanamhla : kohlala kunjalo ngonapakade. Amen.

UM-TANDAZWANA.

**TIXO** Somandla, owati ngaye okupela ko-Nyana wako ozelweyo u-Yesu Kristu wakweyisa ukufa, wasivulela isango lobomi bapakade ; Uz' uti ekubeni ngofefe lwako olusikokelayo usitsalela ekuzameleni ubulungisa, usincede, siyakutandaza, ipumelele lomizamo yetu ; ngaye u-Yesu Kristu i-Nkosi yetu, ohleli elaula nawe no-Moya Oyingewele, emnye u-Tixo, ngonapakade. *Amen.*

I-NCWADANA. Kwabase-Kolose iii. 1.

**UKUBA** ngoko nivukile ndawonye no-Kristu, funani izinto zapezulu, apo akona u-Kristu, ehleli ngasekunene kuka-Tixo. Nyamekelani izinto zapezulu, zingabi zezasemhlabeni. Kuba nafayo, baye ubomi benu bufihlakele ndawonye no-Kristu kuye u-Tixo. Xa ate wabonakaliswa u-Kristu, obubomi betu, ngeloxesha niyakubonakaliswa nani ninaye ebuqaqaulini. Bibisani ngoko amalungu enu asemhlabeni, umbulo, ukuncola, ubufeletyo, inkanuko embi, nokubawa okuyinkonzo yezitixo kona oko ; kungenxa yezizinto kuza ingqumbo ka-Tixo pezu kwabangevayo ; enanifudula nihamba kuzo, okuya nibe nihleli nikuzo.

I-VANGELI. U-Yohane Ongewele xx. 1.

**KEKALOKU** ngolokuqala usuku lwe-veki kuza encwabeni u-Mariya wase-Magadala kusasa, kusemnyama, alibone ilitye lisusiwe encwabeni.

Agidime ngoko, eze ku-Simon Petros nakomnye umfundi lowo ubetandwa ngu-Yesu, ati kubo, Bayisusile i-Nkosi encwabeni, asazi nalapo bayibeke kona. Wapuma ngoko u-Petros nomnye umfundi lowo, besiya encwabeni. Kekaloku baye begidima bona bobabini kunye ; waza omnye umfundi lowo wamshiya ngamendu u-Petros, wafika kuqala encwabeni ; ati akuqondela azibone izisongelo ze-linen abesongelwe kuzo zizodwa, akangenanga noko. Afike ngoko u-Simon Petros emlandela, angene encwabeni, azibone izisongelo ze-linen abesongelwe kuzo zizodwa, neqiya ebisentloko yake ingadibene ne-linen abesongelwe kuzo, isongiwe yodwa ndaweni itile. Wandula ngoko wangena nomnye umfundi, lowo ubefike kuqala encwabeni, wabona, wakolwa. Kuba bebengekasazi isi-Balo sokuti umelwe kukuti avuke kwabafileyo. Babuya ngoko abafundi bago-duka.

UMVULO OLANDELA I-PASIKA.

UM-TANDAZWANA.

**TIXO** Somandla, owati ngaye okupela ko-Nyana wako ozelweyo u-Yesu Kristu wakweyisa ukufa wasivulela isango lobomi bapakade ; Uz' uti ekubeni ngofefe lwako olusikokelayo usitsalela ekuzameleni ubulungisa, usincede, siyakutandaza, ipumelele lomizamo yetu ; ngaye u-Yesu Kristu i-Nkosi yetu, ohleli elaula nawe no-Moya Oyingewele, emnye u-Tixo, ngonapakade. *Amen.*

EYE-NCWADANA. Izenzo x. 34.

**U-PETROS** wawuvula umlomo wake wati, Ndiyaqiga okwenyaniso ukuba u-Tixo akaketi bantu. Kwintlanga zonke lowo umoyikayo, asebenze

ubulungisa, wamkelekile kuye. Ilizwi elo walitumelayo konyana baka-Sirayeli, eshumayela indaba ezilungileyo zoxolo ngo-Yesu Kristu (nguye i-Nkosi yabo bonke); nina niyalazi ilizwi elenzekayo kuyo yonke i-Yudeya, liqalela e-Galili emva ko-báptizo awaluvakalisayo u-Yohane; okokuba u-Tixo wantambisa ngo-Moya Oyingewele nangamandla u-Yesu wase-Nazarete, owagqiba ilizwe esiza epilisa bonke ababandzelweyo ngu-Satana, ngokuba u-Tixo ube naye. Tina singamanqina ento zonke awazenzayo ezweni lama-Yuda, kwa nase-Yerusalem; abamsikayo ngokumxóma emtini. Yena lowo u-Tixo wamvusa ngomhla wesitatu, wenza ukuba abonakale, kungekubo abantu bonke, kukumanqina abenyuliwe ngenx' engapambili ngu-Tixo, kuti tina sadlayo saselayo naye emveni kokuvuka kwake kwabafileyo. Wasitsetela ngeliti, masivakalise ebantwini, siqononondise ukuba yena nguye omisiweyo ngu-Tixo, ukube abe ngumgwebi wabapilileyo nabafileyo. Bonke abaprofite bayamngqinelana yena lo, ukuba nge-Gama lake bayakuti bonke abakólwayo kuye bamkeliswe uxolelo lwezono.

#### I-VANGELI. U-Luka Ongcwele xxiv. 13.

**K**EKALOKU bekusiya babini bakubafundi kwa ngalomini kumzana ozi-tadiya zimashumi matandatu umgama wawo ne-Yerusalem, ogama lingu-Emawusi. Baye bona bexoxa bodwa ngazo zonke izinto ezibe zihlile. Kwati, ekuxoxeni kwabo nasekubuzaneni kwabo, u-Yesu ngokwake wasondela wahamba nabo. Kuloko amehlo abo ayebanjiwe ukuba bangamazi. Wati ke kubo, Zindawo zinina ezi ninekola ngazo, nihamba nje? Bati nqumama bematshekile. Upendule ke omnye lo ugama lingu-Kleyopa, wati kuye, Nguwe wedwa na umhambi

e-Yerusalem apa ongazazi izinto ezihle kóna ngazo ezintsuku? Wati kubo, Zizipina? Bati ke bona kuye, Ezingo-Yesu wase-Nazarete, obe yindoda engum-profite enamandla ekwenzeni nasekuteteni pambi ko-Tixo nabo bonke abantu; ukuba bati-nina ababingeleli abakulu nabapáti betu ukumnikela ukuba agwetywe afe, bambetelela nasemngamlezweni. Kekaloku tina besitemba, ukuba nguye oza kukúlula u-Sirayeli; kunjalo nje ke namhla lusuku lwesitatu zenzekile ezozinto. Kananjalo abafazi abatile abebenati, ababe sencwábeni kwakusasa basotúsa. Bate bengawufumani umzimba wake, beza, besiti, babone umbono we-ngelosi ezati zona uhleli. Basuka nabatile abebenati, baya encwábeni, bafika kunjengoko bebetshilo abafazi; ke yena abambonanga. Waza yena wati kubo, Oyi! basweli kuqonda, bantliziyo zinqena ukukólwa kuko konke abakutetayo abaprofite! U-Kristu ubengamelwe na kukuti abuve obubunzima, aze angene eluzukweni lwake? Uqalele ke ku-Moses nakubo bonke abaprofite wabacázela kuzo zonke izi-Bálo indawo ezingaye. Basondela kulomzana babesiya kuwo; wanga yena uyegqita. Besuka bamzama, besiti, Hlala nati, ngokuba kuza kuLwa nemini seyisangene. Wangena ke ukuba ahlale nabo. Kwati, ehleli ngase-tafileni ndawonye nabo, wasitabata isonka, wasikelela, wasiqékeza, wabanika. Avulwa ke amehlo abo, bamazi; wati-shwaka yena kubo. Batshono ukuti, Intliziyo yetu ibingavuti na ngapakati kwetu, xa ebeteta nati endleleni, naxa ebesityilela izi-Bálo? Besuka kwa ngelolixa, babuyela e-Yerusalem, babafumana abalishumi elinamnye bequkene ndawonye nabo babenabo, besiti, i-Nkosi inene ivukile, yabonakala ku-Simon. Baye nabo bebalisela izinto zendlela, nokwazeka kwayo kubo ekuqékezeni isonka.

## OLWESIBINI OLULANDELA I-PASIKA.

## UM-TANDAZWANA.

**TIXO** Somandla, owati ngaye okupéla ko-Nyana wako ozelweyo u-Yesu Kristu wakweyisa ukufa wasivulela isango lobomi bapakade; Uz' uti ekubeni ngofefe lwako olusikokelayo usitsalela ekuzameleni ubulungisa, usincede, siyakutandaza, ipumelele lomizamo yetu; ngaye u-Yesu Kristu i-Nkosi yetu, ohleli elaula nawe no-Moya Oyingwele, emnye u-Tixo, ngonapakade. *Amen.*

## EYE-NCWADANA. Izenzo xiii. 26.

**MADODA** bazalwana, bonyana benzala ka-Abram, nabo pakati kwenu bamoyikayo u-Tixo, ilizwi lolusindiso latunyelwa kuni. Kuba abo bemiyo e-Yerusalem nabapáti babo, bengamazanga lowo, namazwi aba-profite afundwayo i-sabata nge-sabata, bawazalisekisa ngokumgweba. Bati bengafumananga nalinye ityala lokufa, bacela ku-Pilato ukuba asikwe. Xa ke babezifezile zonke izinto ezibáliweyo ngaye, bamtula emtini, bambeka encwábeni. Ute ke u-Tixo wamvusa kwabafileyo. Yena lowo wabonakalayo imihla emininzi kwabo benyuka naye bevela e-Galili besiya e-Yerusalem, bangawo bona abo amanqina ake ebantwini. Nati sinishumayeza indaba ezilungileyo zedinga elo labakó kobawo betu, zokokuba u-Tixo ulizalisile lona kuti bantwana babo ngokumvusa u-Yesu; njengokuba kwi-Ndumiso yesibini kubáliwe kwatiwa, Wena ungu-Nyana wam, ndikuzele mna namhla. Malunga ke nokumvusa kwake kwabafileyo, angabi sabuyela ekuboleni, useleté ukuteta, Ndiyakuninika izibele eziqinisekileyo zika-Davide. Kungoko atí nakwenye i-Ndumiso, Akuyikumyekela Oyingwele wako abone ukubola. Kuba u-Davide

okunene, akuba elisebenzele kwesake isizukulwana icebo lika-Tixo, walala ubutongo, wabekwa koyise, wakubona ukubola; ke yena owavuswayo ngu-Tixo akabonanga kubola. Makwazeke ngoko kuni, madoda bazalwana, ukuba ngaye lowo kuxelwa kuni uxolelo lwezono; nakuzo zonke izinto, ebeningenako ukugwetyelwa *nikululeke* kuzo ngomteto ka-Moses, bonke abakólwayo bagwetyelwa ngaye yena lowo. Lumkani ke ngoko, ningafikelwa koko kutetiweyo eba-profiteni *kusitwa*, Bonani, nina badeli, nimangaliswe niti-shwaka; ngokuba mna ndisebenza umsebenzi ngemihla yenu, umsebenzi eningasayikukólwa kuwo, nokuba kukó oti anicacisele.

## I-VANGELI. U-Luka Ongwele xxiv. 36.

**U-YESU** ngokwake wema pakati kwabo, wati kubo, Uxolo malube nani. Basuka ke bankwantya, bangenelwa kukoyika, beba babone umshologu. Wati kubo, Yinina ukuba nikatazeke? kunganina ke ukuba kunyuke izicamango ezintliziyweni zenu? Kangelani izandla zam nenyawo zam, ngokuba ndim kanye; ndicofeni nikangele; ngokuba umshologu awunanyama namatambo, njengokuba nindibona ndinawo mna. Utshilo wababonisa izandla nenyawo zake. Kekaloku, bakubon'ukuba abakakólwa ngenxa yovuyo, bemangalisiwe, wati kubo, Ninanto na idliwayo apa? Bamnika ke intwana yentlanzi eyosiweyo neyenqata lobusi. Watabata, wadla pambi kwabo. Uté ke kubo, Ngawo la amazwi endawatetayo kuni ndisenani, okokuba zimelwe kukuzaliseka zonke izinto ezibáliweyo ngam emtetweni ka-Moses, naseba-profiteni, nasezi-Ndumisweni. Wandula wayivula ingqiqo yabo ukuze baziqonde izi-Bálo; wati kubo, Kubáliwe ngokunjalo, umelwe ngokunjalo u-Kristu kukuti eve ubunzima, abuye avuke kwabafileyo



ngomhla wesitatu; nokuba kuvakaliswe ngegama lake inguquko noxolelo lwezono kuzo zonke intlanga, kuqalelwa e-Yerusalem. Nina ke ningamanqina ezizinto.

## EYOKUQALA I-CAWA EMVA KWE-PASIKA.

## UM-TANDAZWANA.

**B**AWO Somandla, owasinikayo okupéla ko-Nyana wako, ukuba afe ngenxa yezono zetu, abuye avuke ngenxa yokugwetyelwa kwetu; Yenza ukuba sililahle igwele lobubi nenkohlakalo, size sihlale sikukonza ngentlalo emsulwa nangenyaniso; ngayo infaneleko yo-Nyana wako u-Yesu Kristu i-Nkosi yetu. *Amen.*

I-NCWADANA. I Ka-Yohane Ongewele v. 4.

**K**ONKE okuzelweyo ngu-Tixo kuyaweyisa umhlaba; lulo ke olu uloyiso olweyisayo umhlaba, ukólo lwetu. Ngubanina lowo weyisayo umhlaba ingenguye okólwayo ukuba u-Yesu ungu-Nyana ka-Tixo? Lowo nguló wezayo ngamanzi negazi, u-Yesu Kristu; engenawo amanzi odwa, enawo amanzi, enalo igazi; u-Moya ke ungló unqinayo, ngokuba u-Moya uyiyo inyaniso. Ngokuba batatu abo banqinayo ezulwini, u-Yise, no-Lizwi, no-Moya Oyingewele, abo batatu banye. Batatu abo banqinayo emhlabeni, u-Moya, namanzi, negazi, aba batatu basingise ntweni nye. Ukuba ubunqina babantu siyabamkela, ubunqina buka-Tixo bungapezulu; ngokuba bubo obu ubunqina buka-Tixo anqinele u-Nyana wake ngabo. Lowo ukólwayo kuye u-Nyana ka-Tixo unabo ubunqina ngapakati kwake; lowo ungakólwayo nguye u-Tixo umenze ixoki; ngokuba engakólwanga bubo ubunqina abunqinele u-Nyana wake

u-Tixo. Bubo obu ke ubunqina, ukuba u-Tixo usinike ubomi obungunapakade, obobomi ke bukuye u-Nyana wake. Lowo unaye u-Nyana unabo ubomi; lowo ungenaye u-Nyana ka-Tixo akanabo ubomi.

I-VANGELI. U-Yohane Ongewele xx. 19.

**K**WATI kwakuhlwa ngolokuqala usuku olo lwe-veki, ingcango sezivaliwe apo babehlanganisene kóna abafundi, ngenxa yokoyika ama-Yuda, wafika u-Yesu wema pakati, wati kubo, Uxolo malube nani. Akutsho, wababonisa izandla necala lake. Bavuya ngoko abafundi bakuyibona i-Nkosi. Wapinda ngoko u-Yesu wati kubo, Uxolo malube nani; njengokuba u-Bawo enditumile mna, nam ndiyanituma nina. Akutsho, wabapfumlela wati kubo, Yamkelani u-Moya Oyingewele; abazono nite nazixolela, bazixolelwe; nabazono nite nazibamba, zibambekile.

## EYESIBINI I-CAWA EMVA KWE-PASIKA.

## UM-TANDAZWANA.

**T**IXO Somandla, osinike okupéla ko-Nyana wako ukuba abe lidini lezono, abe ngumzekelo wentlalo elungileyo; Sincede ukuba silamkele ngokubulela elotamsanqa likulu lokusifela kwake, siti imihla ngemihla sizame ukulandela emkondweni wentlalo yake engewele; ngaye u-Yesu Kristu lowo, i-Nkosi yetu. *Amen.*

I-NCWADANA. I Ka-Petros Ongewele ii. 19.

**O**KU kuyakólisa, ukuba umntu unyamezela intsizi ngenxa yokumazi u-Tixo, eve ubunzima esoniwa. Kuba ludumo lunina ukuti ninyamezele nakuntlitwa, nisona? Ke ukuba niti nisenza okulungileyo, nive ubunzima: oko kukókilele ku-Tixo. Kuba nabizelwa,

oko; ngokuba u-Kristu naye weva ubunzima ngenxa yetu, esishiya nomzekelo, ukuze silandele emkondweni wake; ongenzanga sono, ekungafunyanwanga nkohliso emlonyeni wake; obesiti etshabiswa angapindezeli atshabise; ati esiva ubunzima, angapindezeli asongele; ke ubeziyekele kulowo ugwebayo ngobulungisa; owati ngokwake, izono zetu wazitwala ngomzimba wake emtini, ukuze siti, sifile ngakwizono, sipilele ebulungiseni; omivimbo yake napiliswa ngayo. Kuba beninjengezimvu zilahlekile; koko nisuke ngoku nabuyela ku-Malusi no-Mongameli wempumlo yenu.

## I-VANGELI. U-Yohane Ongwele x. 11.

**W**ATI u-Yesu, Ndim umalusi olungileyo; umalusi olungileyo ubomi bake ubuncamela izimvu. Ke yena ongumqeshwa engengumalusi, ezingezizo ezake izimvu, uyibona incuka isiza, azishiye izimvu, abaleke, ize incuka izibambe, izicitacite izimvu. Umqeshwa lo ke uyabaleka, ngokuba engumqeshwa, engazikatalele izimvu. Ndim umalusi olungileyo; ndiyazazi ezam, ndiyaziwa zezam. Njengokuba endazi u-Bawo, nam ndiyamazi u-Bawo, nobomi bam ndibuncamela izimvu. Ndinazo nezinye izimvu, ezingezizo ezobubuhlanti; nazo ezo ndimelwe kukuza nazo, zaziyakuliva izwi lam, zibe mhlambi mnye, nomalusi omnye.

## EYESITATU I-CAWA EMVA KWE-PASIKA.

## UM-TANDAZWANA.

**T**IXO Somandla, obakanyiselayo ngenyaniso yako abalahlekayo, ukuze babuyele endleleni yobutungisa; Bapè bonke abangenisiweyo ebudlelaneni

benkonzo ka-Kristu, ukuba bakwèbuke kuko konke okucásene nenkolo yabo, balandele konke okuvumelene nayo; ngaye u-Yesu Kristu i-Nkosi yetu. Amen.

## I-NCWADANA. 1 Ka-Petros Ongwele ii. 11.

**Z**INTANDA, ndiyaniyuselela njengabapambukeli nabasemzini ukuba nikumke ezinkanukweni ezizezenyama, zona ziwupumela umkosi umpumlo. Ihambo yenu pakati kwe-Ntlanga mayibe ntle, ukuze kulonto bateta okulagani, ngati ningabenzi bokubi, bati ngokubona imisebenzi yenu emihle, bamzukise u-Tixo ngomhla wokuvelelwa kwabo. Wutobeleni ngoko wonke ummiso wabantu ngenxa yayo i-Nkosi, nokuba ngukumkani, njengowongamileyo; nokuba ngabalauli, njengabatunyiweyo nguye, ukuze bapindezele kubenzi bokubi, ke badumise abenzi bokulungileyo. Ngokuba ukutanda kuka-Tixo kukubani ngokwenza okulungileyo nibetè iti-cwaka intswelani nje ningabi ngabayenza inkululeko ibe sisigqubutelo sobubi, nibe ngabakonzi baka-Tixo. Bekani abantu bonke. Tandani abazalwana. U-Tixo moyikeni. Ukumkani mbekeni.

## I-VANGELI. U-Yohane Ongwele xvi. 16.

**W**ATI u-Yesu kubafundi bake, Selilixesha elifutshane, ize ningandiboni; kubuye kube lixesha elifutshane, nize nindibone, ngokuba mna ndiya ku-Bawo. Itè ngoko inxenyè yabafundi bake pakati kwabo, Yinto-nina le ayitetayo kuti, ati, Selilixesha elifutshane, ize ningandiboni; kubuye kube lixesha elifutshane nize nindibone, nokuti, Mna ndiya ku-Bawo. Babesiti ngoko, Yinto-nina le ayitetayo, ati, Lixesha elifutshane? Asiyazi into ayitetayo.

Wazi ngoko u-Yesu ukuba babetanda ukumbuzwa, wati kubo, Nibuzana ngalento na yokuba nditē, Selilixesha elifutshane, nize ningandiboni; kubuye kube lixesha elifutshane, nize nindibone? Inene, inene nditi kuni, Niyakulila nihlahlambe, ke wona umhlaba uyakuvuya; niyakuba buhlungu nina, ke ubuhlungu benu buyakuba luvuyo. Umfazi xa azakuzala, ubuhlungu, ngokuba ilixa lake lifikile; xa ate ke wazala umntwana akabi sayikumbula lombandezelo ngenxa yovuyo lokuba kuzelwe umntu emhlabeni. Nani ke ngoko nibuhlungu kaloku-nje; kodwa ndobuya ndinibone, yaye iyakuvuya intliziyo yenu, novuyo lwenu akukō namnye uyakuhluta kuni.

### EYESINE I-CAWA EMVA KWE-PASIKA.

#### UM-TANDAZWANA.

**T**IXO Somandla, okupēla kosiula intliziyo ezingevayo zaboni; Yenza ukuba abantu bako bakutande oko ukuyalelayo, bakunqwenele oko ukutembisayo; zize ziti intliziyo zetu, pakati kokugquguquka kwezinto zomhlaba, zimiselwe apo ikōna inyweba eyinyaniso; ngaye u-Yesu Kristu i-Nkosi yetu. *Amen.*

#### I-NCWADANA. Ka-Yakobi Ongwele i. 17.

**K**ONKE ukupā okulungileyo, naso sonke isipō esigqibeleleyo sesapezulu, sihla sivela kuye u-Yise wezikanyiso, ongenakuguquka, ekungekō situnzi sakujika kuye. Ngokutanda kwake wasizala ngelizwi lenyaniso, sibe lulibo lwazo izidalwa zake. Ngoko ke bazalwana bam bazintanda, makati umntu wonke enze msinya ukuya, enze kade ukuteta, enze kade ukqumba; kuba ingqumbo yendoda ayisebenzi bulu-

ngisa buka-Tixo. Kungoko nditi, yitini nikususile konke ukuncōla nobuninzi bolunya, namkele ninobulali ilizwi elimiliselweyo kuni, elinako ukuyisindisa imipefumlo yenu.

#### I-VANGELI. U-Yohane Ongwele xvi. 5.

**W**ATI u-Yesu kubafundi bake, Kaloku ke ndiyemka ndiya kowanditumayo; akukō namnye kuni undibuzayo ati, Uya pina? Ngokuba ke ezizinto ndizitatile kuni, intlungu ziyizalisile intliziyo yenu. Noko ke mna ndinixelela inyaniso; kunilungele ukuba ndimke; kuba ndingemkanga, u-Mteteleli akayikuza kuni, ke ndite ndemka, ndiyakumtumela kuni. Efikile ke uyakuwohlwaya umhlaba ngenxa yesono, nangenxa yobulungisa, nangenxa yomgwebo; ngenxa yesono, ngokokuba bengakōlwa kum; ngenxa yobulungisa, ngokokuba ndisiya ku-Bawo, ize ningabi sandibona; ngenxa yomgwebo, ngokokuba umpāti walomhlaba egwetyiwe. Ndisenezinto ezininzi zokuteta kuni, kodwa aninako ukuzitwala ngoku. Xa ke ate wafika yena, u-Moya wenyano, uyakunikokelela kuyo yonke inyaniso; kuba engayikuteta okupuma kuye, uyakuteta izinto ate waziva, anixelele izinto ezizayo. Yena ke uyakundizukisa; ngokuba eyakwamkela kokukokwam, aze anixelele ke. Zonke ezonto anazo u-Bawo zezam; ngenxa yoko ndati, uyakwamkela kokukokwam, aze anixelele.

### EYESIHLANU I-CAWA EMVA KWE-PASIKA.

#### UM-TANDAZWANA.

**N**KOSI, osibabalayo ngento zonke ezilungileyo; Sincede tina zicaka zako, size ngamandla o-Moya Oyingwele sicinge izinto ezilungileyo, siti

ngokukokelwa nguwe sizenze zona; ngaye u-Yesu Kristu i-Nkosi yetu. *Amen.*

I-NCWADANA. Ka-Yakobi Ongewele i. 22.

**Y**IBANI ngabenzi belizwi, ningabi ngabapulapuli nje kodwa, nizidepisela. Ngokuba umntu ukuba ungumpulapuli nje welizwi engemenzi walo, lowo ufana nendoda ikangela ubuso bayo encwadini yokuzibona; kuba iyaziqqa, inke, ilibale kwa oko ukuba ibi njanina. Ke yena oqondela emteweni ogqibeleleyo wayo inkululeko, ahlal' ehleli kuwo, lowo ete nje akaba ngumpulapuli olibalayo, esuka waba ngumenzi womsebenzi, yena uyakuba nentsikelelo ekwenzeni kwake. Ukuba ubani kuni uba ungonqulayo, abe engalubambi ngomkála ulwimi lwake, ekohlisa intliziyo yake; unqulo lwalowo alunto yanto. Unqulo lona oluhlambulukileyo olungadyobekileyo pambi ko-Tixo u-Bawo lulo olu: kukuvelela inkedama nabahlolokazi embandezelweni yabo, kukuzigcina engenabala kuwo umhlaba.

I-VANGELI. U-Yohane Ongewele xvi. 23.

**I**NENE, inene nditi kuni; Zonke izinto enite nazicela ku-Bawo ngegama lam, woninika. Kude kwangoku nje anikaceli nto ngegama lam; celani, niyakwamkela, ukuze uvuyo lweni luzaliseke. Ezizinto ndizitetile kuni ngokuntsonkota; kuza ilixa endingasayikuba sateta kuni ngokuntsonkota, ndiyakunixelela ekuhleni ngaye u-Bawo. Ngalomini niyakucela ngegama lam; anditsho kuni ukuti, ndiyakunicelela ku-Bawo; kuba u-Bawo ngokwake uyanitanda; ngokuba nina ninditandile, nakolwa ukuba mna ndapuma ku-Tixo. Ndapuma ku-Bawo, ndeza emhlabeni; ndibuya ndiwushiye umhlaba, ndiye ku-Bawo. Bati kuye abafundi bake, Uyabona,

ngoku uteta ngokusekuhleni, akuteti nto ngokuntsonkota. Ngoku siyazi ukuba uyazazi zonke izinto, akusafuneki kuwe ukuba ubani akubuze nto; ngalonto siyakolwa ukuba wapuma ku-Tixo. Wabapendula u-Yesu wati, Niyakolwa na ngoku? Yabonani, kuza ilixa, nakaloku lifikile, lokuba nicitwe, elowo aye kowabo; nindishiye ndedwa; kanti andindedwa, ngokuba u-Bawo unam. Ezizinto ndizitetile kuni, ukuze nibe noxolo kum. Emhlabeni niyakuba nembandezelo; yomelelani, mna ndiwoyisile umhlaba.

UMHLA WOKUNYUKELA KUKA-YESU KRISTU.

UM-TANDAZWANA.

**T**IXO Somandla, ekubeni sikolwa ukuba u-Nyana wako u-Yesu Kristu i-Nkosi yetu unyukele ezulwini; Sincede, siyakutandaza, sinyukele kona nati ngomoya nangentliziyo, sihlale sihleli naye, ohleli elaula nawe no-Moya Oyingcwele, emnye u-Tixo, ngonapakade. *Amen.*

EYE-NCWADANA. Izenzo i. 1.

**E**YOKUQALA imbali, Teyofilo, ndayenza ndibalisa ngento zonke awaqala ngazo u-Yesu ukuzenza nokuzifundisa, kwada kwayimini awanyuswa ngayo, akuba ebawisele umteto ngo-Moya Oyingcwele abapostile awayebanyule: awati kanjalo emveni kokuva kwake ubunzima wazimisa epilile pambi kwabo, ngeziganeko ezininzi, ezibonakalisa ngokwake kubo kwintsuku ezimashumi mane, eteta izinto ezingabo ubukumkani buka-Tixo. Ute, ehlanganisene nabo, wabatetela ngeliti, mabangahlukani ne-Yerusalem; mabalinde idinga lo-Yise, awati ukuteta, naliva kum; ngokuba u-Yohane okunene wabaptiza ngamanzi.

kodwa nina niyakubáptizwa ngo-Moya Oyingcwele, kungekabi kade emva kwezintsuku. Bona ke ngoko bebutelene babembuza besiti, Nkosi, wobubuyisela ngelixesha na ubukumkani ku-Sirayeli? Uté ke kubo, Asikokwenu ukwazi amaxesha nokuba ngamata-tuba awamise ngelake igunya u-Bawo. Niyakwamkela ke amandla, akuba u-Moya Oyingcwele ehliile pezu kwenu, mibe ngamanqina am e-Yerusalem, kwa nakuyo yonke i-Yudeya ne-Samariya kude kuse nasekupéleni komhlaba. Waza etshilo, besakangela, wenyuswa; lati ilifu lemka naye emehlweni abo. Bakuba beqwalasele ezulwini, nxa emkayo, kwabonakala kumi ngakubo amadoda amabini enengubo ezimhlope, awatshoyo ukuti, Madoda ase-Galili, nimele nina nondele ezulwini? Kwa yena lo-Yesu unyusiweyo kuni wasiwa ezulwini, uyakuza ngoluhlobo nimbone esiya ngalo ezulwini.

#### I-VANGELI. U-Marko Ongcwele xvi. 14.

**U-YESU** wabonakaliswa kwabalishumi elinamnye behleli ngase-tafileni; wabatetisa ngenxa yokungakólwa kwabo nobulukuni bentliziyo *zabo*; ngokuba bengakólwanga ngabo babembonile evukile. Wati kubo, Hambani niye kuwo wonke umhlaba, niyishumayele i-Vangeli kwinto yonke edaliweyo. Lowo ukóliweyo wabáptizwa wosindiswa; ke yena ongakólwanga wogwetywa. Imiqondiso ke eyakulandelana nabo bakóliweyo nantsi: e-Gameni lam bayakukúpa i-demon; bayakuteta ngelwimi ezintsha; bayakupáta inyoka; nokuba bate basela into ebulalayo ayiyikuké ibenzakalise bona; bayakubeka izandla pezu kwemilwelwe, ipile. Yati ngoko yona i-Nkosi, emveni kokuteta kubo, yanyuselwa ezulwini, yahlala ngasekunene kuka-Tixo. Ke bona bapuma, bashumayela ezindaweni zonke, i-Nkosi isebenza

nabo iliqinisela ilizwi ngayo imiqondiso elandelana *nalo*.

#### I-CAWA ELANDELA UMHLA WOKUNYUKELA.

##### UM-TANDAZWANA.

**TIXO**, Kumkani wodumo, omnyuseleyo ezulwini u-Nyana wako u-Yesu Kristu ngovuyo olukulu; Uz'ungasishiyi sizinkedama, kodwa usitumele u-Moya wako Oyingcwele, asitutuzele, asinyusele apo asandulele ukuya kóna u-Msindisi wetu u-Kristu, ohleli elaula nawe no-Moya Oyingcwele, emnye u-Tixo, ngonapakade. *Amen*.

##### I-NCWADANA. I Ka-Petros Ongcwele iv. 7.

**UKUPELA** kwezinto zonke kusondele. Ngoko ke yibani nengqondo epilileyo, nibe nobuncátu, ukuba nitandaze. Ngapambi kwento zonke ke yibani notandano olunyamekileyo, ngokuba utando luyakugubungela inkita yezono. Yamkelanani, ningakálazi. Yitini elowo, njengoko wasamkelayo isipó *so-Moya*, nikonzane ngaso, njengamagosa alungileyo ezipó ngezipó zika-Tixo. Ukuba umntu uyateta, makatete ngokwezihlabo zika-Tixo; ukuba umntu uyakonza, makakonze ngokwasemandleni awapiwa ngu-Tixo, ukuze ezintweni zonke azukiswe u-Tixo ngo-Yesu Kristu, elulolwake uzuko namandla kuse emapakadeni asemapakadeni. *Amen*.

##### I-VANGELI. U-Yohane Ongcwele xv. 26, nesiqendu sese-xvi.

**XA** ate wafika u-Mteteleli, endiyakumtuma mna kuni evela ku-Bawo, u-Moya wenyaniso opuma ku-Bawo, yena wonqina ngam. Nani ke niyanqina,

ngokuba beninam kwasekuqaleni. Ezizinto ndizitatile kuni, ukuze ningakutyekiswa. Bayakunigxota esikungwini; ewe, kuza ilixa lokuba bonke abanibulalayo babe bona bakonza ku-Tixo. Ezozinto bayakuzenza kuni, ngokuba bengamazanga u-Bawo kwanam. Ezizinto ndizitatile kuni, ukuze, xa lite lafika ilixa, nizikumbule ukuba mna ndandinixelele.

## UMHLA WE-PENTEKOST.

### UM-TANDAZWANA.

**TIXO**, owati ngokwanjengelixesha wazifundisa intliziyo zamakolwa ako ngokuwatumela isikanyiso so-Moya wako Oyingwele; Yenza ukuba nati ngamandla o-Moya lowo sibe nokuqonda inyaniso ezintweni zonke, sihlale sivuyiswa lututuzelo lwake, ngayo imfaneleko yo-Msindisi wetu u-Yesu Kristu, ohleli elaula nawe no-Moya lowo, emnye u-Tixo, ngonapakade. *Amen.*

### EYE-NCWADANA. Izenzo ii. 1.

**KEKALOKU** wakuba usel' ufikile umhla we-Pentekost, baye bonke bemxelo mnye ndaweni nye. Kwaza ngequbuliso kwapuma ezulwini isandi esinjengesomoya ovutuza ngamandla, sayizalisa indlu yonke abebheleli kuyo. Kwabonakala kubo ilwimi ezicandekileyo, ngati zezomlilo, lwaolo lwahlala pezu kwabo bonke ngabanye. Bazaliswa bonke ngu-Moya Oyingwele, baqala ukuteta ngalwimi zimbí, njengoko u-Moya wayebanika ukuba batete ngokuvakalayo. Kekaloku kwakuhleli e-Yerusalem apo ama-Yuda, amadoda oyika u-Tixo, evela kuzo zonke intlanga ezipantsi kwezulu. Site ke sakubakó esisandi, babutelana bebaninzi, badubadubeka; ngokuba bonke ngabanye babebava bona beteta ngezakomawabo

inteto. Bati-nqa ke bonke, bamangaliswa, wati omnye komnye, Kanené aba bonke batetayo asingama-Galili na? Kute-nina ke ukuba sibeve nje sonke ngabanye beteta ngezakomawetu inteto esazalelwa kuzo? Tina ma-Parti, nama-Medi, nama-Elam, nati simiyo kwelase-Mesopotami, kwelakwa-Yuda kwa nakwelase-Kapadoki, kwelase-Ponto nakwelase-Asiya, kwelase-Frigiya kwa nakwelase-Pamfili, kwelase-Yiputa nasemacaleni ase-Libiya ngase-Kirene, nati bahambi base-Roma singama-Yuda, kwa nabangenileyo *ebu-Yudeni*, tina ma-Krete nama-Arabi, sibeve bona beziteta ngezakomawetu ilwimi izinto ezinkulu zika-Tixo.

### I-VANGELI. U-Yohane Ongwele xiv. 15.

**WATI** u-Yesu kubafundi bake, Ukuba niyanditanda, yigcineni imiteto yam. Mna ndiyakucela ku-Bawo, aze aninike omnye u-Mteteleli, ukuze ahlale nani ngonapakade; u-Moya wenyano, lowo ungenako umhlaba ukumamkela, ngokuba ungaboni ungamazi nokumazi. Nina ke niyamazi; ngokuba uhleli nani, kanjalo uyakuba kuni. Andiyikunishiya nizinkedama, ndiyeza kuni. Selilifutshane ixesha, ukuze umhlaba ungabi sandibona; ke nina niyandibona; ngokuba ndisidla ubomi mna, nani niyakudla ubomi. Ngalomini niyakwazi nina ukuba ndikuye u-Bawo, nani nikum, nam ndikuni. Lowo unayo imiteto yam, ayigeine, nguye onditandayo; lowo ke unditandayo uyakutandwa ngu-Bawo; nam ndiyakumtanda ndizibonakalise kuye. Wati kuye u-Yudas (ingenguye u-Sikariyoti), Nkosi, kute-nina lento uza kuzibonakalisa kuti, ungazibonakalisi kuwo umhlaba? Wapendula u-Yesu wati kuye, Ukuba umntu uyanditanda, woligcina ilizwi lam; woti u-Bawo amtande, size kuye sihlale naye. Lowo

unganditandiyo akawagcini amazwi am; ilizwi enilivayo asililo slam, leluka-Bawo owanditumayo. Ezizinto ndizitetele kuni ndisahleli nani. Ke u-Mteteleli, u-Moya Oyingwele, ayakuntuma u-Bawo nge-Gama lam, yena uyakunifundisa zonke izinto, anikumbuze zonke izinto endizitete kuni. Ndishiya uxolo kuni, ndininika uxolo lwam; akunjengokunika komhlaba ukuninika kwam. Mayingakatazeki intliziyo yenu, mayingabi nabugwala. Nivile ukuba nditē mna kuni, Ndiyemka, ndibuye ndize kuni; ukuba beninditanda, ngenavuyayo kuba ndati, Ndiya ku-Bawo; ngokuba u-Bawo mkulu kunam. Ngoku ndinixelele kungekehli, ukuze, xa kute kwehla, nikōlwe. Andisayikuba sateta zinto zininzi nani; kuba esiza umpati walomhlaba, engenanto nam. Ke, ukuze uqonde umhlaba ukuba ndiyamtanda u-Bawo, ndenza njengoko u-Bawo andiwisele umteto ngako.

### UMVULO OLANDELA UMHLA WE-PENTEKOST.

#### UM-TANDAZWANA.

**TIXO**, owati ngokwanjengelixesha wazifundisa intliziyo zamakōlwa ako ngokuwatumela isikānyiso so-Moya wako Oyingwele; Yenza ukuba nati ngamandla o-Moya lowo sibe nokuqonda inyaniso ezintweni zonke, sihlale sivuyiswa lututuzelo lwake; ngayo imfaneleko yo-Msindisi wetu u-Yesu Kristu, ohleli elaula nwe no-Moya lowo, emnye u-Tixo, ngonapakade. *Amen.*

#### EYE-NCWADANA. Izenzo x. 34.

**U-PETROS** wawuvula umlomo wake, wati, Ndiyaqiqqa okwenyaniso ukuba u-Tixo akakēti bantu. Kwintlanga zonke lowo umoyikayo, asebenze ubulungisa, wamkelekile kuye. Ilizwi elo walitumelayo

konyana baka-Sirayeli, eshumayela indaba ezilungileyo zoxolo ngo-Yesu Kristu (nguye i-Nkosi yabo bonke), nina niyalazi, ilizwi elenzekayo kulo lonke elakwa-Yuda, liqalela e-Galili emva kobāptizo awaluvakalisayo u-Yohane; okokuba u-Tixo wamtambisa ngo-Moya Oyingwele nangamandla u-Yesu wase-Nazarete, owagqiba ilizwe esiza epilisa bonke ababandzelweyo ngu-Satana, ngokuba u-Tixo ube naye. Tina singamanqina ento zonke awazenzayo ezweni lama-Yuda, kwa nase-Yerusalem; abamsikayo ngokumxōma emtini. Yena lowo u-Tixo wamvusa ngomhlaba wesitatu, wenza ukuba abonakale, kungekubo abantu bonke, kukumanqina abenyuliwe ngenx' engapambili ngu-Tixo, kuti tina sadlayo saselayo naye emveni kokuvuka kwake kwabafileyo. Wasitela ngeliti masivakalise ebantwini, siqononondise ukuba yena nguye omisiweyo ngu-Tixo, ukuba abe ngu-Mgwebi wabapilileyo nabafileyo. Bonke aba-profite bayamanqinela yena lo, ukuba nge-Gama lake bayakuti bonke abakōlwayo kuye bamkeliswe uxolelo lwezono. Kwati esateta u-Petros lamazwi, u-Moya Oyingwele wabawela bonke ababeliva ilizwi. Amangaliswa amakōlwa olwaluko onke abeze no-Petros; ngokuba isipō so-Moya Oyingwelesatūlulwa pezu kwe-Ntlanga; kuba aziva ziteta ngalwimi zimbī, zimenza mkulu u-Tixo. Wandula wapendula u-Petros, wati, Kukō unako yinina ukubandeza amanzi, ukuba bangabāptizwa aba-bamamkelelo u-Moya Oyingwele kwa njengati nje? Wamisa ukuti mababāptizwe e-Gameni le-Nkosi. Baza bamcela ukuba akē ahlale intsuku ezitile.

#### I-VANGELI. U-Yohane Ongewele iii. 16.

**U-TIXO** wenje nje ukuwutanda kwake umhlaba, ude wancama u-Nyana wake okupēla kwamzelelo, ukuze bonke abakōlwayo kuye bangatshabalali, kodwa

babe nobomi obungunapakade. Kuba u-Tixo aka-  
mtumanga u-Nyana wake emhlabeni, ukuze awugwebe  
umhlaba; wantuma, ukuze umhlaba usindiswe ngaye.  
Lowo ukólwayo kuye akagwetywa; ke lowo ungakó-  
lwanga usef' egwetyiwe, ngokuba engakólwanga kwi-  
Gama lo-Nyana okupéla kwamzeleyo u-Tixo. Keka-  
loku umgwebo nguwo lo, ukuba ukányiso lufikile  
emhlabeni, baza abantu batanda nbumnyama ngapezu  
kokányiso; kuba imisebenzi yabo ingendawo. Kuba  
bonke abenza okubi bayalutiya ukányiso, bangezi  
elukányisweni ukuze imisebenzi yabo ingohlwaywa.  
Ke lowo uyenzayo inyaniso uyeza elukányisweni,  
ukuze imisebenzi yake ibonakaliswe, ngokuba isetye-  
zelwe ku-Tixo.

### OLWESIBINI OLULANDELA UMHLA WE- PENTEKOST.

#### UM-TANDAZWANA.

**TIXO**, owati ngokwanjengelixesha wazifandisa  
intliziyo zamakólwa ako ngokuwatumela isiká-  
nyiso so-Moya wako Oyingewele; Yenza ukuba nati  
ngamandla o-Moya lowo sibe nokuqonda inyaniso  
ezintweni zonke, sihlale sivuyiswa lututuzelo lwake;  
ngayo imfaneleko yo-Msindisi wetu u-Yesu Kristu,  
ohleli elaula nawe no-Moya lowo, emnye u-Tixo,  
ngonapakade. *Amen.*

#### EYE-NCWADANA. Izenzo viii. 14.

**KEKALOKU**, bakuva aba-Postile ababese-Yeru-  
salem, ukuba abase-Samariya balamkele ilizwi  
lika-Tixo, batuma u-Petros no-Yohane kubo; abati  
bona bakuhla babatandazela, ukuba bamkele u-Moya  
Oyingewele; kuba ebengekaweli namnye kubo,  
babebáptizelwe nje kodwa e-Gameni le-Nkosi u-Yesu.

Bandula ukubeka izandla pezu kwabo, bamamkela  
ke u-Moya Oyingewele.

#### I-VANGELI. U-Yohane Ongewele x. 1.

**INENE**, inene nditi kuni, Ongangeniyi ngalo isango  
ebuhlanti bezimvu, asuke akwéle ngandawo yimbi,  
lowo ulisela nesihange. Ke yena ongena ngalo isango  
ngumalúsi wezimvu. Umgcini-sango uyamvulela  
lowo; ziti nezimvu zilive izwi lake, azibize ezake  
izimvu ngamagama, azikokelele pandle zona. Xa  
ate wazikúpa ezake izimvu, uhamba pambi kwazo,  
ziti nezimvu zimlandele; ngokuba zilazi izwi lake.  
Ke owasemzini azingemlandeli, zosuka zimbaleke;  
ngokuba zingalazi izwi labasemzini. Lomzekeliso  
wawuteta kubo u-Yesu; ke bona abaziqondanga  
ukuba zinto zinina abeziteta kubo. Wabuya wati  
ngoko kubo u-Yesu, Inene, inene nditi kuni, Ndim  
isango lezimvu. Bonke abezayo ngapambi kwam  
bangamasela nezihange; ke zona izimvu azibevanga.  
Ndim isango; ukuba umntu ute wangena ngam,  
wosindiswa; uyakungena apume afumane utyani.  
Isela alizi lingazele ukuze libé, lixéle, litshabalalise.  
Mna ndizele ukuze babe nobomi, babe nabo. ke ngo-  
kugqitiseleyo.

#### I-CAWA YO-MTRINITI.

#### UM-TANDAZWANA.

**TIXO** Somandla, Ongunapakade, osipileyo tina  
bantu bako ufefe lokuba siti ngesivumo senkolo  
eyinene sibuxele ubuqaqauli bo-Mtriniti onguna-  
pakade, siti ngamandla obungangamsha bako sinqule  
u-Tixo emnye; Siyakukúnga ukuba usenze somelele  
kulenkolo, uhlale usikúsela ebubini bonke, ohleli  
ulaula, ungu-Tixo mnye, ngonapakade. *Amen.*



## EYE-NCWADANA. Isi-Tyilelo iv. 1.

**E**MVA koko ndabona, nango umnyango uvulekile ezulwini; lati izwi lokuqala endalivayo lalinjengelexilongo liteta nam lisiti, Nyukela apa, ndokubonisa izinto ezimele ukubako emva koku. Kwa oko ke ndaba ku-Moya; kwaye kumi i-trone ezulwini, pezu kwe-trone kukó ohleliyo. Waye lowo uhleliyo, ukubonakala kwake, efana nelitye le-yaspisi nelesardiyo, waye umnyamá ungqonga i-trone leyo, ufana nelitye le-smarado ukubonakala kwawo. Zazikó ne-trone ezimashumi mabini anane zingqonga i-trone leyo, nasezi-troneni ezo ndabona amadoda amakulu amashumi mabini anane ehleli, ezambete ingubo ezimhlope, enezitsaba ze-golide entloko. Nase-troneni apo kupuma imibane nendudumo nezandi; kuvuta izibane zomlilo ezisixénxe pambi kwe-trone, ezingabo o-Moya abasixénxe baka-Tixo. Pambi kwe-trone kukó ulwandle lwe-gilasi lufana nomkence; esazulwini se-trone apo nangenxa zonke kukó izinto ezipilileyo zizine, zizele ngamehlo ngapambili nangesemva. Eyokuqala into epilileyo ifana nengonyama, eyesibini into epilileyo ifana netóle, eyesitatu into epilileyo inobuso ngati bobomntu, eyesine into epilileyo ifana nokózi lupapazela. Zaye zozine izinto ezipilileyo, iyileyo naleyo, zinamapiko amatandatu ngenxa zonke, nangapakati zizele ngamehlo, zingapumli imini nobusuku, zisiti, Ingwele, ingwele, ingwele, i-Nkosi u-Tixo u-Somandla, leyo yayikó, ikóyo, izayo. Xa sukuba izinto ezipilileyo ziyakumnika uzuko nembeko nombulelo lowo uhleli e-troneni, lowo uhlala ehleli kuse emapakadeni asemapakadeni, ayakuwa amadoda amakulu amashumi mabini anane pambi kwalowo uhleli e-troneni, aqubude kulowo uhlala ehleli kuse emapakadeni asemapakadeni, apóse izitsaba zawo pambi kwe-trone,

esiti, Ufanele, Nkosi, ukwamkela uzuko nembeko namandla; ngokuba inguwe owadala zonke izinto, nangenxa yokutanda kwako zikó, zadalelwa oko.

## I-VANGELI. U-Yohane Ongewele iii. 1.

**K**WAYE kukó ke umntu wakuba-Farisi ogama lingu-Nikodemo, umpáti wama-Yuda. Lowo weza ku-Yesu ebusuku, wati kuye, Mfundisi, siyazi ukuba ungumfundisi ovela ku-Tixo, kuba akukó namnye unako ukuyenza lemiqondiso uyenzayo wena, ukuba u-Tixo akanaye. Wapendula u-Yesu wati kuye, Inene, inene nditi kuwe, Ukuba akatanga umntu azalwe ngokutsha, akanakububona ubukumkani buka-Tixo. Uti u-Nikodemo kuye, Angatnina umntu ukuzalwa emdala, angaba nako yinina ukungena okwesibini esizalweni sonina azalwe? Wapendula u-Yesu wati, Inene, inene nditi kuwe, Ukuba umntu akatanga azalwe ngamanzi nangu-Moya, akanakungena ebukumkanini buka-Tixo. Okuzelwe yinyama kuyinyama, nokuzelwe ngu-Moya kungumoya. Ungamangaliswa kukuba ndié kuwe, Nimelwe kukuti nizalwe ngokutsha. Umoya upépéza apo utanda kóna, uze usive isandi sawo, ungawazi apo uvela kóna, nalapo usinga kóna: bakwanjalo bonke abazelwe ngu-Moya. Wapendula u-Nikodemo wati kuye, Zingati-nina ezizinto ukuba nokubakó? Wapendula u-Yesu wati kuye, Wena ungumfundisi nje wakwa-Sirayeli, akuzazi na ezizinto? Inene, inene nditi kuwe, Siteta esikwaziyo, siqine esikubonileyo, nisuke ningabamkeli ubunqina betu. Ukuba ndinixelele izinto ezisemhlabeni, naza anakólwa; noti-nina ukukólwa, ukuba ndite ndanixelela izinto eziseszulwini? Akukó namnye unyukileyo waya ezulwini, ngulowo yedwa wehla epuma ezulwini, u-Nyana womntu lowo usezulwini. Njengokuba ke u-Moses

wayipakamisayo inyoka entlango, umelwe kukupakanyiswa ngokunjalo u-Nyana womntu; ukuze bonke abakolwayo kuye bangatshabalali, koko babe nobomi obungunapakade.

### EYOKUQALA I-CAWA EMVA KWEYO-MTRINITI.

#### UM-TANDAZWANA.

**T**IXO, ongamandla abo bonke abatembela kuwe, yamkela ngetafu imitandazo yetu; uze uti ekubeni singenako ngenxa yobutataka betu ukweza nanye into elungileyo ngapandle kwako, usipé uncedo lofefe lwako, siti ekuyigcineni imiteto yako, sikhohlise ngentando nangezenzo zetu; ngaye u-Yesu Kristu i-Nkosi yetu *Amen*.

#### I-NCWADANA. 1 Ka-Yohane Ongewelevi iv. 7.

**Z**INTANDA, masitandane; ngokuba utando lwapuma ku-Tixo; bonke abanotando bazelwe ngu-Tixo, bayamazi u-Tixo. Lowo ungenalutando akamazanga u-Tixo, ngokuba u-Tixo ulutando. Kwabonakaliswa ngalento ukusitanda kuka-Tixo, ngokuti u-Tixo amtume emhlabeni u-Nyana wake okupela kwamzeleyo, ukuze sidle ubomi ngaye. Utando lulapa, kungekukuba samtandayo u-Tixo tina, kukuba wasitandayo yena, wamtuma u-Nyana wake ukuba abe sisizi sezono zetu. Zintanda, ukuba wenjenjalo u-Tixo ukusitanda tina, nati sifanele ukutandana. Akukó namnye owaká wambona u-Tixo; ukuba siti sitandane, u-Tixo uhleli kuti, notando lwake lugqibelele ngapakati kwetu. Sazi ngalento ukuba sihleli kuye, naye uhleli kuti; ngokuba usinikile oko-Moya wake. Sibonile tina, siyanqina ukuba u-Yise umtumile u-Nyana ukuba ngu-Msindisi womhlaba. Ote

wavuma ukuba u-Yesu unguye u-Nyana ka-Tixo; u-Tixo uhleli kuye, naye uhleli kuye u-Tixo. Sikwazile tina sakolwa kukusitanda kuka-Tixo. U-Tixo ulutando; iowo uhleli elutandweni uhleli kuye u-Tixo, u-Tixo ke uhleli kuye. Lugqibelele ngalento utando olukuti, ukuze singabi nakoyika ngomhla womgwebo; ngokuba njengoko anjalo yena, sinjalo nati kulomhlaba. Akukó loyiko elutandweni; lusuka utando olugqibeleleyo lulupose pandle uloyiko, ngokuba uloyiko lunesohlwayo; lowo ke woyikayo akagqibelele elutandweni. Tina siyamtanda, ngokuba yena wasitanda kuqala. Ukuba umntu uti, Ndiyamtanda u-Tixo, wantiya umzalwane wake, ulixoki; kuba lowo ungamtandiyo umzalwana wake ambonileyo, angati-nina ukumtanda u-Tixo angambonanga? Nguwo lo umteto esinawo uvela kuye, ukuba ati lowo umtandayo u-Tixo amtande nomzalwane wake.

#### I-VANGELI. U-Luka Ongewelevi xvi. 19.

**K**WABE kukó umntu osityebi, ohevata ezibomvu neze-linen, esidla izimnandi imihla yonke. Bekukó ke ihlwempu elitile eligama lingu-Lazaro, elalibekwa esangweni lake lizele zizilonda, linqwenela ukuhlutiswa ngemvutuluka eziwa e-tafileni yesityebi eso; zibe zisiti izinja zize zikóte izilonda zalo. Kekaloku, lati lafa ihlwempu eli, lasiwa zi-ngelosi esifubeni sika-Abraham; safa ke nesityebi sancwatywa. Site sikwelabafileyo, sapakamisa amehlo aso sisentutumbeni, sambona u-Abraham ekude, eno-Lazaro esifubeni sake. Samemeza sona sati, Bawc Abraham, ndenzele inceba, utume u-Lazaro, ukuba ati-nxu incam yomnwe wake emanzini, apolise ulwimi lwam; ngokuba ndiyatutunjelwa kwelilangatywe. Uté ke u-Abraham, Mntwanam, kumbula ukuba wena wazifncelela ebomini bako izinto zako

ezilungileyo, no-Lazaro ngokukwanjalo izinto ezimbi; ngoku ke yena uyatutuzelwa, wena ke uyatutunjelwa. Kananjalo ngapandle kwalento yonke, pakati kwetu nani kutwe-zinzi umfanta omkulu, ukuze aba batanda ukupumela, besuka apa besiya kuni, bangabi nako; bati nabalapo bangabi nakuwelela kuti. Sati, Ndiyakucela ngoko, bawo, ukuba umtume endlwini kabawo, kuba ndinabazalwana abahlanu; ukuba abaqononondise, ukuze bangati nabo beze kulendawo yentutumbo. Ati u-Abraham kuso, Bano-Moses naba-profite, mabeve bona. Site ke sona, Hayi, bawo Abraham; ukuba kute kwaya kubo ovela kwabafileyo, boguquka. Ute ke kuso, Ukuba u-Moses naba-profite ababeva, abayikoyiseka nokuba kute kwavuka bani kwabafileyo.

## EYESIBINI I-CAWA EMVA KWEYO-MTRINITI.

## UM-TANDAZWANA.

**N**KOSI, ongazange uyeke ukunceda nokubalaula bonke abakuhlonelayo bekutanda; Sikusele, siyakukunga, ngokusinonelela kwako, usenze ukuba sihlale silihlonela silitanda i-Gama lako elingwele; ngaye u-Yesu Kristu i-Nkosi yetu. *Amen.*

## I-NCWADANA. 1 Ka-Yohane Ongewele iii. 13.

**N**INGAMANGALISWA, bazalwana bam, ukuba umhlaba unityiyele. Tina siyazi ukuba sidlule ekufeni, sangena ebomini, ngokuba sibatanda abazalwana; lowo ungamtandiyi umzalwana wake uhleli ekufeni. Bonke ababatiyayo abazalwana babo bazibulala-mntu; niyazi ukuba sonke isibulala-mntu asinabomi bungunapakade buhleliyo kuso. Ngalento silwazile utando, ukuba yena wasincamela ubomi bake,

nati ke sifanele ukubancamela abazalwana ubomi betu. Osukuba ke enayo impilo yalomhlaba, ambone umzalwana wake eswele, angampati ngobubele, luti-nina ukuhlala utando luka-Tixo ngapakati kwake? Bantwana bam, masingatandi ngazwi nangamlomo, masingatande ngomsebenzi nangenyano. Siyazi ngalento ke ukuba sinobenyano, sizonwabise intliziyo zetu pambi kwake; nokuba ukuba intliziyo yetu iyasi-gweba, u-Tixo umkulu kunintliziyo yetu, ezazi into zonke. Zintanda, ukuba intliziyo yetu ayisigwebi, sinetemba eliqinis-kileyo pambi ko-Tixo; noko sikucelayo siyakwamkela kuye, ngokuba imiteto yake siyigcina, sizenze izinto ezikolekileyo emehlweni ake. Nguwo lo umteto wake ukuba sikolwe kwi-Gama lo-Nyana wake u-Yesu Kristu, sitandane, njengoko wasiwiselayo umteto. Lowo uyigcinayo imiteto yake uhleli kuye, naye uhleli kulowo; sazi ngalento ke ukuba uhleli kuti, ngo-Moya lo wasinikayo.

## I-VANGELI. U-Luka Ongewele xiv. 16.

**U**MNTU otila wenza isidlo esikulu, wamema abaninzi; wasusa umkonzi wake ngelixa lesidlo ukuba aye kuti kwabamenyiweyo, Yizani, ngokuba konke sckulungisiwe. Baqala bonke ngakunye ukuzilandulela; owokuqala wati kuye, Nditenge intsimi, kufuneka ukuba ndipume ndiye kuyibona; ndiyakucela mandibe ngolandulelwayo. Wati omnye, Nditenge inkomo ze-dyokwe ezintlanu, ndiya kuziva; ndiyakucela mandibe ngolandulelwayo. Wati omnye, Ndizeke umfazi; ngenxa yoko andinakuza. Efikile lomkonzi, wayibikela inkosi yake ezondawo. Wandula waqumba umnini-ndlu, wati kumkonzi wake, Puma kamsinya uye ezi-trateni nakwizi-tratana zomzi, uqukelele apa amahlwempu nezilima neziqwalala

nemfama. Wati umkonzi, Nkosi, kwenzeka njengoko ubumisile, kanti kusekó indawo. Yati inkosi kumkonzi lowo, Puma uye ezindleleni, nasezintangweni, ubanyanzele bangene, ukuze indlu yam izale. Kuba nditi kuni, akukó nanye kulomadoda abemenyiwe eyakusiva isidlo sam.

## EYESITATU I-CAWA EMVA KWEYO-MTRINITI.

## UM-TANDAZWANA.

**N**KOSI, siyakukúnga ukuba usive ngetaú; wenze ukuba tina wasinikayo umoya wokutandaza, sikúselwe sonwatyiswe ngamandla ako ezingozini nasemashweni onke; ngaye u-Yesu Kristu i-Nkosi yetu. *Amen.*

## I-NCWADANA. I Ka-Petros Ongewele v. 5.

**T**OBELANANI nonke, nambate ukutobeka kwentliziyo; ngokuba u-Tixo uyabacása abaneratshi, ke abatobekileyo uyabapá ufefe. Zitobeni ngoko ngapantsi kwesandla esinamandla sika-Tixo, ukuze anipakamise ngexesha elifanelekileyo; lonke ixála lenu lipóseni pezu kwake, ngokuba uyanikátalela yena. Yibani nobuncátu, nilinde; ngokuba ummangaleli wenu, u-Satana, uhamba njengengonyama egqumayo, efuna ubani angamginyayo; mcáseni lowo, nizimasekile elukólweni, nisazi ukuba kwa ezontlunga ziyafezwa kubo abazalwana benu abasemhlabeni. Kekaloku, u-Tixo walo lonke ufefe, owasibizelayo eluzukweni lwake olungunapakade siku-Yesu Krustu, wanga angati ngokwake, nakuba nivile ubunzima umzuzwana, anilungise nigqibelele, anizimase, anomeleze, anisekele. Kuye makubekó uzuko namandla kude kube ngunapakade. *Amen.*

## I-VANGELI. U-Luka Ongewele xv. 1.

**K**EKALOKU, babesondela kuye bonke ababuti be-iafu naboni, ukuba bamve. Babcúfa ke abafarisi nababáli, besití, Lo wamkela aboni adle nabo. Wateta ke kubo lomzekeliso, esití, Nguwupina umntu kuni oti, enekulu lezimvu ize kulahleke enye kuzo, angazishiyi ezingamashumi asitoba anesitoba entlango, asinge kuleyo ilahlekileyo ade ayifumane? Ati ke, akuyifumana, ayibeke emagxeni ake evuya. Ati, akufika ekáya, ababizele ndawonye abahlobo nabamelwane, esití kubo, Vuyisanani nam; ngokuba ndiyifumene imvu yam ebilahlekile. Ndití kuni, ngokukwanjalo kuyakubakó uvuyo ezulwini ngomoni emnye oguqukayo, kunamashumi asitoba anesitoba amalungisa angaswele nguquko. Kanjalo nguwpina umfazi enamaqósha e-silvere alishumi, ongeti, ukuba lite lalahleka elinye lawo, alumeke isibane, ayitshayele indlu, afune enyamekile ade alifumane? Ati akulifumana, ababizele ndawonye abahlobo nabamelwane, esití, Vuyisanani nam, ngokuba ndilifumene iqósha le-silvere ebelindilahlekile. Ngokukwanjalo ndití kuni, kubakó uvuyo emehlweni e-ngelosi zika-Tixo ngomoni emnye oguqukayo.

## EYESINE I-CAWA EMVA KWEYO-MTRINITI.

## UM-TANDAZWANA.

**T**XIHO, obakúselayo bonke abatembela kuwe, eku-geké nto inokuqina nenokuba ngewele ngapandle kwako; Songeze inceba yako, usilaule usikokele, size siti ukuzipáta kwetu kobubomi, singapósani nobomi obungunapakade: Kwenze oku, Bawo wasezulwini, ngenxa ka-Yesu Kristu i-Nkosi yetu. *Amen.*

I-NCWADANA. Kwabase-Roma viii. 18.

**N**DIGQIBA kweliti, intlungu zelixesha lakaloku-nje azinakulinganiswa nozuko olu luzakutyilwa kuti. Kuba ukulangazelela kwendalo kulinde ukutyileka konyana baka-Tixo. Kuba indalo yalulanyiselwa kungeluto, kungengakuvuma kwayo, kungenxa yowayilulamisayo, inetemba, lokuba nendalo ngokwayo iyakukululwa ebukobokeni bokonakala, isingiswe enkululekweni yozuko lwabantwana baka-Tixo. Kuba siyazi ukuba yonke indalo iyancwina inenimba kunye unangoku. Asiyiyo ke yodwa, sisuke nati sinalo ulibo lo-Moya, tin' aba ke ngokwetu, sincwine ngapakati kwetu, silinde ukwenziwa onyana, inkululeko yomzimba wetu ke leyo.

I-VANGELI. U-Luka Ongwele vi. 36.

**N**GGOKO ke yibani nenceba, njengokuba naye u-Yihlo enenceba. Musan' ukugweba, naye ningasayikugwetywa; musan' ukusingela pantsi, naye ningasayikusingelwa pantsi; xolelani, naniyakuxolelwa. Yipani, naniyakupiwa nani, umlinganiselo omhle, ohlohliweyo, ohlunguzelweyo, opalalayo nowuphiwa esondweni lengubo yenu; kuba umlinganiselo enilinganisela ngawo niyakulinganiselwa kwa ngawo nani. Kekaloku wateta umzekeliso kubo, esiti, Ingaké ibe nako na imfama ukukokela imfama? aziyikuti na zombini zeyele emhadini? Akukó mfundi umkulu kumfundisi wake; ke wonke olungiswe kwapéla uyakuba njengomfundisi wake. Yinina ke ukuba usidone isibi esisesweni lomzalwana wako, kanti ke wona umqadi okwelako iliso akuwugqali? Ungati-nina ukuba nako ukuti kumzalwana wako, Mzalwana, yeka ndisikúpe isibi esisesweni lako, ungawuboni nje wena umqadi okwelako iliso? Mhanahanisindini, wukúpe kuqala umqadi lowo

esweni lako, wand' ukubona kakuhle ukusikúpa isibi esisesweni lomzalwana wako.

## EYESIHLANU I-CAWA EMVA KWEYO-MTRINITI.

UM-TANDAZWANA.

**Y**ENZA, Nkosi, siyakutandaza, ukuba imeko yomhlaba wonke ipátwe nguwe ngoxolo, ize i-Kerike yako ikukonze ngokonwaba nangokuhlonela wena; ngaye u-Yesu Kristu i-Nkosi yetu. *Amen.*

I-NCWADANA. 1 Ka-Petros Ongwele iii. 8.

**C**INGANI nto nye nonke, velanani, tandani abazalwana, yibani nemfesane, yibani nobubele; ningabuyekezi ububi ngobubi, nokutshabisa ngokutshabisa; kanye ke sikelelani, nisazi ukuba nabizelwa oku, ukuze niyidle ilifa intsikelelo. Kuba lowo unga angatanda ubomi, abone imihla elungileyo, makalupezise ulwimi lwake ebubini, nomlomo wake ungateti inkohliso; makashenxe ebubini, enze okulungileyo; makalufune uxolo, aluputume. Ngokuba amehlo e-Nkosi apezu kwamalungisa, nendlebe zayo zisingiselele esikungweni sawo; ke ubuso be-Nkosi bucása abenza okubi. Kananjalo ngubanina yena owonona, ukuba nite naba ngabalandeli bokulungileyo? Nokuba nite neva ubunzima ngenxa yobulungisa ninenyweba; musan' ukoyika ngokoyikisa kwabo, ningakatazeki nokukatazeka; i-Nkosi ke u-Tixo yingcwaliseni ezintliziyweni zenu.

I-VANGELI. U-Luka Ongwele v. 1.

**K**EKALOKU kute, ekubeni bemxinile abantu besiza kuva ilizwi lika-Tixo, wesuka wema ngasedikeni lase-Genesarete. Wabona imikómbe

emibini imi ngasedikeni apo; babe ke ababambisi bentlanzi bepumile kuyo, behlamba iminata yabo. Wati ke, engene komnye umkômbé owawungoka-Simon, wamcela ukuba aké akwélelise kancinane emhlabeni; waza ehleli pantsi, wayebafundisa abantu esemkômbeni apo. Akupeza ke ukuteta, wati ku-Simon, Kwélelisa enzulwini, nihlise iminata yenu kubanjiswe. Wapendula u-Simon wati kuye, Mongameli, sibulaleke ubusuku bupéla, asabamba nento; kodwa ngelako ilizwi ndiyakuwuhlisa umnata. Bati, bakukwenza oko, bavingcele inkita enkulu yentlazi, wawuqáqéka ke umnata wabo. Bakôba amahlulelana abo abe komnye umkômbé, ukuba eze kuncedisana nabo. Beza bayizalisa imikômbé yomibini, yada yafuna ukutshona. Ute ke akukubona oko u-Simon Petros, wawa emadolweni ka-Yesu, esiti, Mka kum, ngokuba ndiyindoda engumoni, Nkosi. Kuba wetúsua yena kwa nabo bonke ababenaye ngobanjiso lwentlanzi ezo bazibambisayo. Baba kwanjalo ke no-Yakobi no-Yohane, onyana baka-Zebedi, ababengamadlelane no-Simon. U-Yesu wati ku-Simon, Mus' ukoyika; uyakuti utabatela kwelishesha ubambise abantu. Bakuyifikisa imikômbé emhlabeni, bashiya into yonke, bamlandela.

## EYESITANDATU I-CAWA EMVA KWEYO-MTRINITI.

### UM-TANDAZWANA.

**TIXO**, obalungiseleyo abakutandayo izinto ezigqita ezingqondo zabantu ngokulunga kwazo: Galela ezintliziyweni zetu ukukutanda kangaka, ukuba siti, sitanda wena nje ngapezu kwento zonke, sizizuze ezonto uzitembisileyo ezigqite kuko konke ukunqwanela kwetu; ngaye u-Yesu Kristu i-Nkosi yetu. *Amen.*

### I-NCWADANA. Kwabase-Roma vi. 3.

**A NAZI** na ukuba tina sonke sabáptizelwayo ku-Kristu Yesu, sabáptizelwa ekufeni kwake? Ngoko ke sancwátywa naye ngokubáptizelwa ekufeni; ukuze, njengokuba u-Kristu wavuswayo kwabafileyo ngalo uzuko lo-Yise, siti ngokunjalo nati sihambe sinobomi obutsha. Kuba xa similiselwe kuye ngentsobi yokufa kwake, somiliselwa kuye nangeyokuvuka kwake; sikwazi nje oku, ukuba umntu wetu omdala wabetelelwa emnqamlezweni kunye naye, ukuze umzimba wesono upútiswe, size singabi sasikonza isono; kuba owafayo ugwetyelwe wakúlulwa kuso isono. Ukuba ke safe kunye no-Kristu, siyakólwa ukuba sodla ubomi kwa kunye naye; sisazi nje ukuba u-Kristu evusiwe kwabafileyo akabi safe, ukufa akusampáti ngabukosi. Kuba ukufa awakufayo, wafa kwisono kwaba kanye; ubomi ke abudlayo, ubudlela ku-Tixo. Ngokunjalo nani zibaleleni ekutini ningabafileyo okunene kwisono; kodwa ningabada ubomi ku-Tixo niku-Kristu Yesu i-Nkosi yetu.

### I-VANGELI. U-Mateyu Ongcwele v. 20.

**WATI** u-Yesu kubafundi bake, Ukuba ubulungisa benu abutanga bugqite kakulu kobabáli naba-Farisi, anisayikuza ningene ebukumkanini bezulu. Nivile ukuba kwatiwa kumanyange, Uz'ungabulali; woti ote wabulala abe sisulu somgwebo. Ke mna nditi kuni, Wonke umntu ofumana amqumbele umzalwana wake, woba sisulu somgwebo; oti ke kumzalwana wake, Ntwingento, woba sisulu sentlanganiso yamatyala; oti ke, Siyatándini, woba sisulu sesihogo somhilo. Ngoko xa sukuba uwuzisa amnikelo wako esibingelelweni, wati ulapo wakumbula ukuba umzalwana wako unendawo ngakuwe, wushiye

apo umnikelo wako pambi kwesibingelelo, uhambe uye uxolelane nomzalwana wako kuqala, wand'ukuza ke uwuzise umnikelo wako. Lungisana kamsinya nokumangaleleyo, usesendleleni naye; hleze ummangaleli lowo akunikele emgwebini, aze umgwebi akunikele kumsila, uze uposwe entolongweni. Inene nditi kuwe, Akusayikuké upume kóna apo, ude uhlaule nemalanana yokugqibela.

### EYESIXENXE I-CAWA EMVA KWEYO-MTRINITI.

#### UM-TANDAZWANA.

**N**KOSI, Somandla, oyi-Mbàngi no-Mniki wento zonke ezilungileyo; Milisela ezintliziyweni zetu ukutanda i-Gama lako; songeze umoya wokukunqula, usondle ngako konke ukulunga, usenze ngetaru lako elikulu sihlale sihleli kuko; ngaye u-Yesu Kristu i-Nkosi yetu. *Amen.*

#### I-NCWADANA. Kwabase-Roma vi. 19.

**N**DITETA ngokwabantu ngenxa yobulwelwe benyama yenu; kuba njengoko nawanikelayo amalungu enu ukuba abe ngabakonzi bako ukuncòla nokucás' umteto, ukuba nicás' umteto, ngokunjalo kalokunje wanikeleni amalungu enu ukuba abe ngabakonzi kubo ubulungisa, ukuba ningwaliseke. Kuba oko nibe ningabakonzi besono, beningabakúlulekileyo kubo ubulungisa. Naninasiqámo sinina ke ngeloxesha ngezizinto ninentloni ngazo ngoku? kuba isipélo sazo kukufa. Kaloku ke, nikúlulwe nje kuso isono, naza nakonziswa ku-Tixo, ninaso isiqámo senu sokuba ningwaliseke; isipélo ke sibe bubomi obungunapakade. Kuba umvuzo wesono kukufa; ke sona isipé sika-Tixo bubomi obungunapakade ku-Kristu Yesu i-Nkosi yetu.

#### I-VANGELI. U-Marko Ongcwele viii. 1.

**N**GALOMIHLA, bebaninzi kakulu abantu, bengenanto bangayidlayo, u-Yesu wababizela kuye abafundi bake, wati kubo, Ndisikwa yimfesane ngenxa yabantu; ngokuba sekuntsuku ntatu behleli nam bengenanto bangayidlayo; ukuba ndite ndabandulula baya emakayeni abo bengadlanga, botyafa endleleni; kuba inxenyeyabo ivela kude. Bampendula abafundi bake, besiti, Wokuzuzana pina umntu ukuba nako ukubahlutisa aba ngezonka entlango apa? Wayebabuza esiti, Zingapina izonka eninazo? Bati ke bona, Zisixénxe. Wabatetela abantu ukuba bahlale pantsi emhlabeni; wazitabata izonka zosixénxe, wabulela, waqékeza, wanika abafundi bake, ukuze babeke pambi kwabo; babeka ke pambi kwabantu. Baye benentlanzana ezimbalwa; akuba esikelele, wati mazibekwe pambi kwabo nazo. Badla ke bahluta; basusa amaqékeza aseleyo ingobozi zasixénxe. Kekaloku abo babesidla ngati babe mawaka mane; wabandulula.

### EYESIBOZO I-CAWA EMVA KWEYO-MTRINITI.

#### UM-TANDAZWANA.

**T**IXO, oti ngokwazelelela kwako okungapéliyo ukulungise konke okusezulwini nokusemhlabeni; Siyakukúnga ukuba ususe kuti konke okungasenzakalisayo, usipé konke okungasancedayo, ngaye u-Yesu Kristu i-Nkosi yetu. *Amen.*

#### I-NCWADANA. Kwabase-Roma viii. 12.

**B**AZALWANA, singabanetyala, kodwa kungekuyo inyama, ukuze sipile ngokwenyama. Kuba xa nipila ngokwenyama nizakufa; ke ukuba niyazibulala

ngo-Moya zife intlondi zomzimba, nopila. Kuba bonke abakokelwa ngu-Moya ka-Tixo, bangonyana baka-Tixo abo. Kuba anamkelanga umoya wobu-kóboka, ukuba nibuye noyike; namkele umoya wokwenziwa onyana esidanduluka ngawo, siti, Abba, Bawo. U-Moya ngokwake unqinelana nomoya wetu, ukuba singabantwana baka-Tixo. Ukuba ke singabantwana, sikwazindla-mafa, indla-mafa zika-Tixo, indla-mafa ke kunye no-Kristu; ukuba okunene siva ubunzima kunye naye, ukuze sizukiswe nokuzukiswa kunye naye.

I-VANGELI. U-Mateyu Ongewele vii. 15.

**B**ALUMKELENI aba-profite ababuxoki, abeza kuni ngezambato zegusha, ngapakati ke bezincúka eziqiwengayo. Nobaqonda ngeziqámo zabo. Kekukiwe i-diliya emitaneni enameva, namakiwane ezinkunzaneni yinina? Ngokunjalo yonke imiti elungileyo ivelisa iziqámo ezihle, ke wona umti ongenguwo uvelisa iziqámo ezibi. Umти olungileyo awunakuvelisa ziqámo zibi, nomti ongenguwo awunakuvelisa ziqámo zihle. Wonke umti ngavelisi ziqámo zihle uyagaulwa, upóswe emlilweni. Ngoko ke nobaqonda ngeziqámo zabo. Asingabo bonke abati kum, Nkosi, Nkosi, abayakungena ebukumkanini bezulu; ngokwenzayo ukutanda kuka-Bawo osezulwini.

EYESITOBA I-CAWA EMVA KWEYO-MTRINITI.

UM-TANDAZWANA.

**N**KOSI, siyakubongoza, sipé umoya wokucinga nokwenza okulungileyo ngamaxa onke; size siti, singenakwenza nto ilungileyo ngapandle kwako, sibe namandla ókuhlala ngokwentando yako; ngaye u-Yesu Kristu i-Nkosi yetu. *Amen.*

I-NCWADANA. I Kwabase-Korinte x. 1.

**A**NDITANDI ukuba ningazi, bazalwana, ukuba obawo babepantsi kwelifu bonke; balucanda ulwandle bonke; babáptizelwa bonke kuye u-Moses efini elo naselwandle; badla bonke okokudla kunye kukokomoya; basela bonke ololuselo lunye lulolomoya; kuba babesela kwiliwa elilelomoya elibe libalandela, iliwa elo ke lalinguye u-Kristu. Kanti noko u-Tixo akakóliswanga ngabona baninzi; kuba batiwa-waca entlango apo. Ezizinto ke zabe ziyimizekelo kuti, ukuze singabi ngabakanuki bezinto ezimbi, njengokuba bakanukayo bona abo. Kanjalo ningabi ngababusi bezitixo njengxenye yabo, njengokuba kubáliwe *kwatiwa*, Abantu bahlala pantsi ukuba badle basele, baza besuka bema ukuba badlale. Kanjalo masingenzi mbulo, njengokuba inxenye yabo yenza umbulo, kwawa ngamini nye amawaka amashumi mabini anamatatu. Kanjalo masingambhendi u-Kristu, njengokuba inxenye yabo yahendayo, yaza yatshabalala zinyoka. Kanjalo ningaróri, njengokuba inxenye yabo yarórayo, yaza yatshabalala ngumtshabalalisi. Zonke ke ezonto zabahlelayo bona beziyimizekelo; zabálelwa ke ukululeka tin'aba bafikelweyo zizipélo zawo amapakade. Ngoko ke oba umi, makalumke angawi. Anibanjwanga sihendo singesesabantu. Utembekile ke u-Tixo, ongayikuvumela ukuba nihendwe ngapezu kweninako; owoti kunye nesihendo eso avelise ituba lokupuma kuso ukuba nibe nako ukunyamezela.

I-VANGELI. U-Luka Ongewele xvi. 1.

**W**ATI u-Yesu kubafundi bake, Kwaye kukó umntu otile osityebi obenegosa; laza lona lancetezwa kuye, ukuba lingoyictayo impahla yake. Elibizile ke wati kulo, Yinto-nina le ndiyivayo ngawe?



káwenze ingxelo yobugosa bako; kuba akusayikuba saba ligosa. Latí ke igosa ngapakati kwalo, Ndiyakuti-nina, ngokuba inkosi yam iyabuhluta ubugosa kumí? ukumbá kundikohlile, ukunqiba ndinentloni. O! ndiyayazi into endiyakuyenza, ukuze xa ndite ndakútshwa ebugoseni, bandamkele ezindlwini zabo. Libabizele kulo ngabanye abanetyala enkosini yalo, latí kowokuqala, Unetyala elingakananina enkosini yam? Uté ke yena, Likulu le-bate ze-oli. Latí kuye, Tabata incwadi yako, uhlale pantsi msinya, ubále amashumi amahlanu. Emva koko latí komnye, Wena ke unetyala elingakananina? Uté ke yena, Likulu le-kore zenqólowa. Latí kuye, Tabata incwadi yako, ubále amashumi asibozo. Yaza inkosi leyo yalincoma igosa elingalungisiyo, ngokuba lenza ngokuqonda; ngokuba onyana belipakade benokuqonda kwesabo isizukulwana ngapezu konyana bokukánya. Nam ndití kuni, Zenzeleni izihlobo ngabo ubutyebi bokungalungisi, ukuze xa nite napéla namkelelwe kumakáya angunapakade.

## EYESHUMI I-CAWA EMVA KWEYO-MTRINITI.

## UM-TANDAZWANA.

**N**KOSI, zanga zingati indlebe zako, ngetafu lako zivulekele imitandazo yeziqaka zako; uz'uti, ukuze zikuzuze oko zikucelayo, uzenze ukuba zikucele oko ukutandayo wena; ngaye u-Yesu Kristu i-Nkosi yetu. *Amen.*

## I-NCWADANA. 1 Kwabase-Korinte xii. 1.

**K**E ngezipo ezizezo-Moya, bazalwana, anditandi ukuba ningazi. Niyazi ukuba nibe ningabe-Ntlanga, nikúkuliselwe ezitixweni ezingenakuteta, njengoko nisakuti nikokelwe ngako. Kungoko ndina-

zisayo, okokuba akukó namnye, eteta eku-Moya ka-Tixo, unokutí ungosingelwé pantsi u-Yesu; kanjalo akukó namnye unako ukutí uyi-Nkosi u-Yesu, engekuye u-Moya Oyingewe. Kekaloku kukó izabelo ngezabelo zezipó, kodwa ke ikwangulo-Moya mnye. Kukó nezabelo ngezabelo zobukonzi, pofu ikwayilo-Nkosi inye. Kukó nezabelo ngezabelo zentsebenzo, kodwa ke ikwangulo-Tixo mnye uzisebenzayo into zonke kubo bonke. Elowo ke upiwa ukuba abonakalise u-Moya, kuze kubekó okulungele *bonke*; kuba omnye okunene upiwa ngaye u-Moya ilizwi lobulumko, kodwa ke omnye ilizwi lokwazi kwa ngalo-Moya; wumbi ke upiwa ukólo kwa ngalo-Moya; omnye ke izipó zezipiliso kwa ngalo-Moya; omnye ke upiwa ukwenza imisebenzi yamandla, omnye ke izi-profitó; omnye ke ukucalula omoya; wumbi ke intlobo zelwimi; omnye ke ukucaciswa kwelwimi. Zonke ke ezonto zisetyenzwa kwa ngalo-Moya mnye, emabela elowo ngokwake njengoko atandayo.

## I-VANGELI. U-Luka Ongewele xix. 41.

**W**ATI akusondela wawubona umzi wawulilela, esití, Akwaba ubusazi nawe lo, kwangayo yona lemini yako, izinto ezizezoxolo lwako, ke kungoku zifihliwe emehlweni ako! Ngokuba uyakufikelwa yimihla, eziyakuti intshaba zako zikubiyele ngodonga, zikungqinge, zikuxine ngenxa zonke, zikukáhlele pantsi wena, nabantwana bako pakati kwako; zingashiyi nelitye pezu kwelitye pakati kwako, ngenx' enokuba ungalazanga ixesha lokuvelelwa kwako. Waza eye kungena e-tempileni, waqala ukubakúpa abo babetengisa kuyo nababetenga, esití kubo, Kubáliwe *kwatiwa*, Indlu yam yindlu yokutandaza; ke nina niyenze umqolomba wezihange. Wayefundisa imihla ngemihla e-tempileni apo.

## I-CAWA YESHUMI ELINANYE EMVA KWEYO-MTRINITI.

## UM-TANDAZWANA.

**TIXO**, okólisa ukubonakalisa amandla ako ngokusenzela inceba; Sincede ngobubele bako, size siti, sihamba ngendlela yemiteto yako, sizifumane ezonto uzitembisileyo, sibe ngabamkeli bobutyebi bako basezulwini; ngaye u-Yesu Kristu i-Nkosi yetu. *Amen.*

## I-NCWADANA. I Kwabase-Korinte xv. 1.

**BAZALWANA**, ndiyamazisa i-Vangeli endayishumayela kuni, nayamkela nokuyamkela, nimiyo nokuma kuyo, nisindiswayo nokusindiswa ngayo, ukuba niyibambile ngelizwi endayishumayela ngalo kuni, ukuba anite nafumana nakólwa. Kuba ndaninikela kweziyintloko izinto oko ndakwamkelayo ngokwamkela, okokuba u-Kristu wazifela izono zetu ngokwezi-Bálo, nokokuba wancwátywa, nokokuba wavuka ngomhla wesitatu ngokwezi-Bálo; nokokuba wabonwa ngu-Kefas, emva koko ngabalishumi elinababini. Emva koko wabonwa ngaxesha linye ngabazalwana abangapezu kwamakulu amahlanu, abasalileliyo nangoku abona baninzi kubo, inxenye ke yalala ukufa. Emva koko wabonwa ngu-Yakobi, kamva ngabo bonke aba-postile. Ekugqibeleni ke kwabo bonke, kwanga kukwinto ezelwe lingekabi lixa layo, wabonwa nandim. Kuba mna ndingoyena mecinane kuba-postile, endingafanele kubizwa ngokuba ngum-postile, ngenx' enokuba ndayitshutshisa i-Kerike ka-Tixo. Ke ngofefe luka-Tixo ndiyinto endiyiyo, nofefe lwake kum alwafumana lwabakó, ndesuka ndabagqita bonke ngokubulaleka, ingendim ke, ilufefe

luka-Tixo olunam. Kengoko, nokuba ndim, nokuba ngabo, senjenjalo tina ukushumayela, nenjenjalo ke nina ukukólwa.

## I-VANGELI. U-Luka Ongewele xviii. 9.

**U-YESU** wateta lomzekeliso kwabatile abebezitembe ngokuti ngapakati kwabo bangamalungisa, basuke babenze into engento abanye. Amadoda amabini enyuka aya e-tempileni, esiya kutandaza; enye ingum-Farisi, enye ingumbuti we-fafu. Um-Farisi ezimise yedwa wayetandaza, esiti, Tixo, ndiyabulela kuwe, ukuba ndingenjengabanye abantu, abapangi, abangemalungisa, abafexezi, ndingenjengaye nalombuti we-fafu. Ndizila ukudla kabini nge-veki, ndinikela izishumi zako konke endikuzuzayo. Waye umbuti we-fafu emi kude engatandi nokupakamisela amehlo ake ezulwini, wayebeta esifubeni sake, esiti, Tixo, yiba netafu kum, mna moni. Nditl kuni, Wehla lo waya endlwini yake egwetyelwe yena kunalowa; ngokuba wonke umntu ozipakamisayo uyakutotywa; nozitobayo ke uyakupakanyiswa.

## I-CAWA YESHUMI ELINAMBINI EMVA KWEYO-MTRINITI.

## UM-TANDAZWANA.

**TIXO** Somandla Ongunapakade, ohleli ulungele ukusiva tina singekaceli, osibabalayo singafanele nokufanela; Galela pezu kwetu ubuninzi benceba zako, usixolele ezozono zoyikwa zizazela zetu, usipé ezonto zilungileyo esingafanele kukuzicela, kupéla ngemfaneleko yo-Mlamleli wetu, u-Yesu Kristu, u-Nyana wako, i-Nkosi yetu. *Amen.*

## I-NCWADANA. 2 Kwabase-Korinte iii. 4.

**S**INETEMBA elinjalo ke ku-Tixo ngaye u-Kristu; ukutsho anditi, sikulingene ngokwetu ukucamanga nto engati ipuma kuti ngokwetu; ukulingana kwetu oko kupuma ku-Tixo, osenze sakulingana ukuba ngabakonzi bomnqopiso omtsha, singabi ngabobalo nje kodwa, sibe ngabomoya; kuba ubalo lona lubulala, umoya ke udliisa ubomi. Kekaloku ukuba ubukonzi obo bubulalayo, obabalwa, barolwa ematweni, beza bunobuqaqauli, ngokokude onyana baka-Sirayeli bangabi nakuqwalasela ebusweni buka-Moses ngenxa yobuqaqauli bobuso bake, ubuqaqauli ke obebuza kubanga; bungati-nina ubukonzi bo-Moya ukungabi nabuqaqauli ngokugqitiseleyo? Kuba ukuba ubukonzi obugwebayo bunobuqaqauli, kokukona buya ngokugqitiselela ngobuqaqauli ubukonzi bobulungisa.

## I-VANGELI. U-Marko Ongcwele vii. 31.

**W**ABUYA u-Yesu wapuma emideni yase-Tire ne-Tsidon, weza kulwandle lwase-Galili, ecanda pakati kwemida yase-Dekapoli. Bazisa ke isitulu esitintitayo, bambongoza ukuba abeke isandla pezu kwaso. Wasishenxisa ebantwini sasodwa, wafaka iminwe yake ezindlebeni zaso, wati etshicile wacukumisa ulwimi kwaso; wakangela ezulwini, wancwina, wati kuso, Efata, oko kukuti, Vuleka. Zavuleka kwa oko indlebe zaso, yacombuluka ingqambu yolwimi kwaso, sateta salungisa. Wabayala ukuba mabangaxeleli bani; kodwa okukona wabayalayo kwaba kukona bakuvakalisa ngakumbi; bakwanqiswa ngokuncamisileyo kanye, besiti, Uzenze into zonke kakuhle; uzenza nezitulu zive, nabangenakuteta batete.

## I-CAWA YESHUMI ELINANTATU EMVA KWEYO-MTRINITI.

## UM-TANDAZWANA.

**T**XIXO Somandla Onetafu, ekungawe wedwa abaku-konzayo abantu bako, bakuklise; Sincede ukuba sikukonze ngokutembekileyo kobubomi, size eku-gqibeleni singapósani nezitembiso zako zasezulwini; ngayo imfaneleko ka-Yesu Kristu i-Nkosi yetu. Amen.

## I-NCWADANA. Kuma-Galati iii. 16.

**E**NZIWA ku-Abraham amadinga nakuyo imbewu yake; akati nakuzo imbewu, ngati uteta ezinzi; usuka ngati uteta nye, ati, Nakuyo imbewu yako, ngu-Kristu ke lowo. Ukutsho ke nditi, Umnqopiso ozinzisiweyo ngenx' engapambili ngu-Tixo usingisele ku-Kristu, awunakupangwa igunya ngumteto, owabako emva kweminyaka engamakulu mane anamashumi matatu, ukuze ulibangise idinga elo. Kuba ilifa elo ukuba lipuma emtetweni, loba alisapumi edingeni, ke yena u-Tixo walinika ku-Abraham ngedinga. Uyinto-nina ngoko umteto? Walekelwa ngenxa yezigqito, ukude ifike imbewu leyo yayibekwe ngedinga; wamiswa nge-ngelosi sisandla somlamleli. Ke unlamleli akawamnye; u-Tixo ke yena mnye. Umteto ngoko ucasene na namadinga ka-Tixo? Nakanye! Kuba ukuba bekuwiswe umteto onako ukudliisa ubomi, inene ngebupume ubulungisa emtetweni lowo. Ke sona isi-Balo sazivalela ndawonye into zonke pantsi kwesono, ukuze idinga elipuma ekukolweni ku-Yesu Kristu linikwe abakolwayo.

## I-VANGELI. U-Luka Ongewele x. 23.

**A**NETAMSANQA wona amehlo abona izinto enizibonayo. Kuba nditi kuni, baninzi abaprofite nokumkani ababetanda ukubona into enizibonayo nina, abazibona; nokuva into enizivayo, abaziva. Kwati kusuke umqondisi-*mteto* otila, emlinga nokumlinga, esiti, Mfundisi, ndenze nto-nina ukuze ndibudle ilifa ubomi obungunapakade? Uté ke yena kuye, Emtetweni kubálwe nto-nina? ufunda njanina? Wapendula ke wati, Uz'uyitande i-Nkosi u-Tixo wako ngentliziyo yako yonke, nangompefumlo wako wonke, nangamandla ako onke, nangengqondo yako yonke; nommelwane wako njengoko uzitanda ngako. Uté ke kuye, Upendule walungisa; yenza oko, wobudla ubomi. Kekaloku yena, etanda ukuzigwebela, wati ku-Yesu, Ngubanina ummelwane wam? Upendule ke u-Yesu wati, Umntu otila wayesihla evela e-Yerusalem, esiya e-Yeriko. Wagaxeleka ezihangeni, ezamhluba ingubo, zamnxwelela, zemka zimshiya engati uza kufa. Kekaloku kwati kwehla umbingeleli ngalondlela; akumbona, wacezela paya. Kwa ngokunjalo ke nom-Levi akufika kulondawo, weza wambona, wacezela paya. Ute um-Samariya otila eseluhambeni waya kuye; wati akumbona wasikwa yimfesane. Wafika, wawabopa amanxeba ake, egalela i-oli ne-wayine, wamkwélisa kwelake i-esile, wamsa endlwini yabahambi, wamonga. Akumka ngengomso, wafola i-denariyo zambini, wamnika umnini-ndlu, wati kuye, Zumonge; nento ongati ubuye udleke yona, ndokuhlalela mna ekubuyeni kwam. Nguwupina kwabo batatu ngoko oti wena waba ngummelwane walowo wagaxeleka ezihangeni? Uté ke yena, Ngulowo wamenzela inceba. Wati ngoko u-Yesu kuye, Hamba uye kwenjenjalo nawe.

## I-AWA YESHUMI ELINESINE EMVA KWEYO-MTRINITI.

## UM-TANDAZWANA.

**TIXO** Somandla, Ongunapakade, yandisa kuti ukólo, netemba, notando; nokuze sizuze oko usitembisayo, wenze ukuba sitande oko usiyalela kóna; ngaye u-Yesu Kristu i-Nkosi yetu. *Amen.*

## I-NCWADANA. Kuma-Galati v. 16.

**K**EKALOKU nditi, Hambani ngoko-Moya, naningasayikuti ke nizizalise inkanuko zenyama. Kuba inyama ikanuka ngokucásene no-Moya, u-Moya ke ucásene nenyama; ezonto ke zipambene; ukuze ningazenzi izinto enisukuba nizitanda. Ukuba ke nikokelwa ngu-Moya, aningapantsi komteto. Iyabonakala ke yona imisebenzi zenyama, eyilé; ufezezo, umbulo, ukuncóla, ubufeletyo, ukubusa kwizitixo, ukukafula, intiyo, inkani, amakwéle, imisindo, amayelenqe, imbambaniso, izahlukano, omona, ukubulala, ukunxila, indywala, nezinto ezinjengezo: endinixelelayo ngenx' engapambili, njengokuba besendinixelele kade, ukuba abazenzayo izinto ezinjalo abayikubudla ilifa ubukumkani buka-Tixo. Ke sona eso-Moya isiqámo lutando, uvuyo, uxolo, ukuzeka kade umsindo, ububele, ukulunga, intembeko, ubulali, ukuzeyisa; akukó mteto ucásene nezinto ezinjalo. Kekaloku abo ke baka-Kristu inyama bayibetelele emnqamlezweni kunye neminqweno nenkanuko zayo.

## I-VANGELI. U-Luka Ongewele xvii. 11.

**W**ATI u-Yesu ekuhambeni kwake ukuya e-Yerusalem, wacanda pakati kwe-Samariya nelase-Galili. Kwati engena emzini otila amhlangabeza

amadoda alishumi eneqénqa, amela mgama. Wona apakamisa izwi, esiti, Yesu, Mongameli, senzele inceba. Ewabonile ke wati kuwo, Hambani niye kuzibonakalisa kubabingeleli. Kwati ekuyeni kwawo, ahlanjululwa. Ite ke enye kuwo apo, yakubona ukuba ipilisiwe, yabuya inzukisa u-Tixo ngezwi elokulu. Yawa ngobuso ezinyaweni zake, ibulela kuye; yaye yona ingum-Samariya. Wapendula ke u-Yesu wati, Babengahlanjululwanga belishumi na? bapina ke abasitoba? Akufumanekanga na babuyileyo besiza kuzukisa u-Tixo, nguló wolunye uhlanga yedwa na? Wati kuye, Vuka, uhambe; ukólo lwako lukusindisile.

## I-CAWA YESHUMI ELINESIHLANU EMVA KWEYO-MTRINITI.

### UM-TANDAZWANA.

**S**HIYAKUKUNGA, Nkosi, ukuba uyilondoloze i-Kerike yako ngetaru lako elingapeliyo; uze uti, ngenxa yokuba tina zinto zibutataka sinokuwa ngapandle kwako, uhlale usigcina ngoncedo lwako kuzo zonke izinto ezingasenzakalisayo, usalatisse kuzo ezo zinokunceda usindiso lwetu; ngaye u-Yesu Kristu i-Nkosi yetu. Amen.

### I-NCWADANA. Kuma-Galati vi. 11.

**B**ONANI ukuba kukulu kokubála endinibálele ngako ngesam isandla. Bonke abatanda ukuba babe nesimilo esihle ngokwangapandle, abo ke baninyanzela ukuba naluswe; benzela nje kodwa ukuze bangatshutshiswa bona ngawo umnqamlezo ka-Kristu. Kuba kwa nabo balukayo bengawubambi umteto; batanda ukuba naluswe, ukuze baqáyise ngeyenu

inyama. Mna ke mandingaké ndiqáyise nganto, ingenguwo umnqamlezo we-Nkosi yetu u-Yesu Kristu, ekute ngaye umhlaba kum wabetelelwa emnqamlezweni, ndati nam kumhlaba ndabetelelwa emnqamlezweni. Kuba kwabaku-Kristu Yesu akunamandla anto ukwaluka nokungaluki, into enamandla sisidalwa esitsha. Bonke ke abahamba ngalomga, makube luxolo nenceba kubo abangama-Sirayeli ka-Tixo. Elokugqiba nditi, makungabikó namnye undixámlayo; kuba mna impawu ze-Nkosi u-Yesu ndizipéte ngomzimba wam. Ufefe lwe-Nkosi yetu u-Yesu Kristu malube nomoya wenu, bazalwana. Amen.

### I-VANGELI. U-Mateyu Ongwele vi. 24.

**A**KUKO mntu unako ukukonza nkosi mbini; kuba eyakuyitiya lé ayitande leya, ati mhlambi abambebele kulé ayidele leya. Aninako ukukonza u-Tixo nobutyebi. Ngenxa yoko nditi kuni, Ningabuxáleli ubomi benu, *nisití* nodla nto-nina, nosela nto-nina; kwa nomzimba wenu, *nisití* niyakwambata nto-nina. Ubomi abukulu na kuko ukudla, nomzimba *awumkulu na* kwinto yokwambata? Yondelani ezintakeni; ngokuba azihlwayeli, azivuni, azibuteli kovimba; ukanti u-Yihlo osezulwini uyazondla; nina anizidlule kakulu na? Nguwupina ke kuni onokuti ngokuxála ongeze ebukulwini bake i-kubite ibe nye? Kanjalo yinina ukuba nixálele into yokwambata? Gqalani inyibiba zasendle ukuhluma kwazo; azibulaleki, azisonti nokusonta; ke nditi kuni, No-Solomon kubo bonke ubunewunewu bake wayengavatiswanga nanjenganye kuzo ezi. Ukuba ke incá leyo yasendle, eti namhla ibekó, ize ngomso ipóšwe eziko, wenjenjalo u-Tixo ukuyambatisa, akayikunambatisa kakulu ngakumbi na, nina balukólo

luncinane? Ningabi naxála ngoko nisiti, Sodla nto-nina, sosela nto-nina, siyakwambata nto-nina? (kuba zonke ezonto zinxányelwe zi-Ntlanga;) kuba u-Yihlo wasezulwini uyazi ukuba zonke ezonto ziyafuneka kuni. Funani ke tanei ubukumkani buka-Tixo nobulungisa bake, zaye zonke ezonto ziyakongezelelwa kuni. Ngoko ningaxáleli ingomso; kuba ingomso liyakuxálela okwalo. Buyanele imini leyo obayo ububi.

### I-AWA YESHUMI ELINESITANDATU EMVA KWEYO-MTRINITI.

#### UM-TANDAZWANA.

**N**KOSI, siyakukúnga, ngamana wayivelela i-Kerike yako ngosizi, wayihlambulula, wayikúsela; nasekubeni ingenakugcinakala ngapandle kwako, mayihlale ilondolozwa luncedo lobulungisa bako; ngaye u-Yesu Kristu i-Nkosi yetu. *Amen.*

#### I-NCWADANA. Kwabase-Efeso iii. 13.

**N**DICELA ukuba ningeti amandla zimbandezelo zam ezingenxa yenu, zona ezi ziluzuko lwenu. Ngenxa yoko ndiyawagoba amadolo am kuye u-Yise we-Nkosi yetu u-Yesu Kristu, ekubizwe ngaye umzawlwane wonke osezulwini nasemhlabeni, ukuba aninike, ngokobutyebi bozuko lwake, ukomelezwa ngamandla ngaye u-Moya wake ngokusingisele emntwini ongapakati; ukuba u-Kristu ahlale ngalo ukólo ezintli-ziyweni zenu; ukuze niti, nendele nisekelwe elutandweni, nibe nako ndawonye nabo bonke abangewele ukubuqiqa into obuyiyo ububanzi nobude, nobunzulu nokupakama *kwalo*, kwa nokulwazi utando luka-Kristu oluncamisa ukwazi; ukuze nizaliseke ngako

konke ukuzaliseka kuka-Tixo. Kuye ke onako ukwenza okungapezu kwento zonke ngokugqitiseleyo kakulu, ngapezu kwesikucelayo nesinokuqiqa, ngokwamandla asebenzayo ngapakati kwetu, kuye malubekó uzuko e-Kerikeni eku-Kristu Yesu kuse kuzo zonke izizukulwana zalo ipakade lasemapakadeni. *Amen.*

#### I-VANGEL. U-Luka Ongewele vii. 11.

**K**WATI ngomhla olandelayo, waya emzini okutiwa yi-Nayin. Kwaye kuhamba naye iqela labafundi bake nesihlwele esikulu. Kekaloku akusondela esangweni lomzi lowo, kwabonakala kwatwalelwa pandle umntu ofileyo, ekupéla konyana ozalwa ngunina; waye yena engumhlolokazi. Baye abantu abaninzi bomzi benaye. Ite ke i-Nkosi yakumbona, yasikwa yimfesane ngenxa yake, yati kuye, Mus' ukulila. Yafika ke yalicukumisa itala; bema ke abebetwele. Yati, Ndodana, nditi kuwe, Vuka. Wavuka ke wahlala umfi lowo, waqala wateta. Yamnikela ke kunina. Bangenwa ke kukoyika bonke, babemzokisa u-Tixo besiti. Kuvele um-profite omkulu pakati kwetu; nokuti, U-Tixo ubavelele abantu bake. Lwapuma ke ololudaba lungaye lwahamba kuyo yonke i-Yudeya, nakulommandla wonke.

### I-AWA YESHUMI ELINESIXENXE EMVA KWEYO-MTRINITI.

#### UM-TANDAZWANA.

**N**KOSI, siyakutandaza ukuba ufefe lwako luhlale lusikokela lusilandela, lusenze ukuba sihlale sizinikela kuyo imisebenzi yonke elungileyo; ngaye u-Yesu Kristu i-Nkosi yetu. *Amen.*

## I-NCWADANA. Kwabase-Efeso iv. 1.

**N**DIYANIVUSELELA ngoko, mna mbanjwa wase-  
Nkosini, ukuba nihambe ngokulufaneleyo ubizo  
enabizwa ngalo, ninako konke ukutobeka kwentliziyo  
nobulali, ninokuzeka kade umsindo, ninyamezelana  
nisenziwa lutando, nikútaalele ukubugcina ubunye bo-  
Moya ngentambo yoxolo. Mnye umzimba, mnye no-  
Moya, njengokuba nabizwayo nokubizwa nanetemba  
linye lobizo lwenu; inye i-Nkosi, lunye ukólo, lunye  
u-báptizo, mnye u-Tixo u-Yise wabo bonke, opezu  
kwabo bonke, okubo bonke, opakati kwenu nonke.

## I-VANGELI. U-Luka Ongewele xiv. 1.

**K**WATI akuba engene nge-sabata endlwini yomnye  
wakubapáti baba-Farisi, ukuba adle isonka, baye  
bemlalela bona. Kwaye kukó pambi kwake umntu  
onegalimoya. Wapendula u-Yesu wateta kubo abaqo-  
ndisi-mteto naba-Farisi, esiti, Kuvumelekile na ukupi-  
lisa nge-sabata? Bati-tu ke bona. Wantabata,  
wampilisa, wamndulula. Wabapendula wati, Lelika-  
banina kuni apa i-esile nokuba yinkomo eyakweyela  
equleni, aze angayifoli kwa oko ngomhla we-sabata?  
Bakóhlwa ukumpendula kwezozinto. Kekaloku wate-  
ta umzekeliso kwababemenyiwe, akugqala ukunyula  
kwabo izilili zobukulu, wati kubo, Xa ute wamenyelwa  
emtshatweni ngubani, unghlali esililini sobukulu;  
hleze obekekileyo kunawe abe ngomenyiwe nguye.  
Eze ke lowo ubenimemile, ati kuwe, Kwélela lomntu,  
uze wena uqale ukutabata indawo esekugqibeleni uda-  
nile. Yiti xa ute wamenywa, uye uhlale endaweni  
esekugqibeleni, ukuze, xa ate weza lowo ukumemileyo,  
ati kuwe, Sihlobo, nyukela ngasentla; wandule ke  
ukuba nozuko emehlweni abo bahleli ndawonye nawe.  
Ngokuba wonke umntu ozipakamisayo uyakutotywa,  
nozitobayo uyakupakanyiswa.

I-CAWA YESHUMI ELINESIBOZO EMVA  
KWEYO-MTRINITI.

## UM-TANDAZWANA.

**N**KOSI, siyakukúnga ukuba ubapé abantu bako  
amandla okuzicása izihendo zomhlaba, zomzi-  
mba, nezika-Satana, baze bati ngentliziyo ezingwele  
balandele wena okupéla ko-Tixo; ngaye u-Yesu  
Kristu i-Nkosi yetu. Amen.

## I-NCWADANA. 1 Kwabase-Korinte i. 4.

**N**DIHLALA ndibulela ku-Tixo wam ngani, ngenxa  
nyofefe enilupiweyo ngu-Tixo niku-Kristu Yesu,  
kuba natyetyiswa nguye ngezinto zonke, ngokuteta  
konke nangokwazi konke; njengokuba ubunqina  
buka-Kristu baqiniswayo kuni; ngokokude ningasileli  
nakwisinye isipó; nilinde ukutyileka kwe-Nkosi yetu  
u-Yesu Kristu, oyakuniqinisa nokuniqinisa ase ekupé-  
leni, ukuze ningabi nakumangaleleka ngemini ye-Nkosi  
yetu u-Yesu Kristu.

## I-VANGELI. U-Mateyu Ongewele xxii. 34.

**K**EKALOKU bate aba-Farisi, bakuva ukuba ubeté  
labakóhla aba-Sadusi, bahlanganisana ndawo-  
nye. Omnye kubo, ongumqondisi-mteto, wambuza  
emlinga, wati, Mfundisi, owona mteto mkulu emyale-  
lweni ngu-wupina? Wati ke u-Yesu kuye, Uz'uyitande  
i-Nkosi u-Tixo wako ngayo yonke intliziyo yako,  
nangawo wonke umpefumlo wako, nangayo yonke  
ingqondo yako. Nguwo lowo owokuqala nomkulu  
umteto. Owesibini ke ufana nawo: Uz'utande  
ummelwane wako ngoko uzitanda ngako. Kulemi-  
teto yomibini kuxómekeke umyalelo upéla naba-  
profite. Bakubon'ukuba bahlanganisene aba-Farisi,

u-Yesu wabuza kubo, esiti, Niti-nina ngaye u-Kristu ? ungunyana kabanina ? Bati kuye, Ngoka-Davide. Ati kubo, Yinina pofu ukuba u-Davide ngo-Moya ambize ngokuti, Nkosi, esiti, Yati i-Nkosi e-Nkosini yam, Hlala ngasekunene kwam, ndide intshaba zako ndizenze isi-tulo senyawo zako ? Ukuba u-Davide ngoko umbiza ngokuba Nkosi, ungunyana wake nganina ? Akubangako namnye ube nako ukumpendula nezwi eli ; kananjalo kususela kulomini akubanga sabiko mntu waba nobuganga bokumbuzo nto.

### I-CAWA YESHUMI ELINESITIBA EMVA KWEYO-MTRINITI.

#### UM-TANDAZWANA.

**TIXO**, ekubeni singenakukukolisa singancedwanga nguwe ; Wanga angati u-Moya wako Oyingwele azilungise azilaule intliziyo zetu ezintweni zonke ; ngaye u-Yesu Kristu i-Nkosi yetu. *Amen.*

#### I-NCWADANA. Kwabase-Efeso iv. 17.

**KENGOKO**, oku ndiyakuteta ndikunqine e-Nkosini, ukuti, maningabi sahamba njengoko zihamba ngako ezinye i-Ntlanga ngobudenge bengqiqo yazo, zenziwe infama ingqondo, zingazani nobomi buka-Tixo ugenxa yokungazi okukuzo, ngenxa yokuqaqadeka kwentliziyo zazo ; abate bona bengasenakuva, bawinikela ebufoletyweni, ukuze bakwenze ukuncola konke ngokukunxamela. Ke nina animfundanga ngokunjalo u-Kristu ; ukuba kambe ningaba nimvile, nafundiswa nikuye, njengoko inyaniso ikuye u-Yesu, ukuba niti ngakwihambo yangapambili nimalahle umntu omdala owonakaliswayo ngokokwenkanuko zenkohliso ; nihilaziywe ke kuwo umoya wengqiqo

yenu, nimambate umntu omtsha, ote ngokuka-Tixo wadalelwa ebulungiseni nasebungweleni benyaniso. Kungoko ke nditi, lahlani ubuxoki, tetani inyaniso elowo nommelwane wake ; ngokuba singamalungu omnye elelomnye. Qumbani, ningoni ; ilanga malingade litshone nicapuka ; kananjalo ningamkwéleli indawo u-Satana. Lowo ulayo makangabi sebá, kanye ke makabulaleke esebenza okulungileyo ngezandla zake, ukuze abe nako ukwabela osweleyo. Makungapumi nanye inteto ebolileyo emlonyeni wenu, mayibe yesukuba ilungele ukwakéka, ngokwentswelo ekoyo, ukuze abevayo bomelezwe umpfumlo. Kanjalo ningamenzi buhlungu u-Moya Oyingwele ka-Tixo, enati kuye natywinwa naqiniselwa imini yentlaulelo. Mabukwéleliswe kuni bonke ubufafa, nomsindo, nengqumbo, nengxolo, nonyeliso, ndawonye nolunya lonke. Ke, yibani nobubele omnye komnye, nibe nemfesane, nixolelane, njengokuba naye u-Tixo eku-Kristu wanixolelayo.

#### I-VANGELI. U-Mateyu Ongwele ix. 1.

**U-YESU** wangena emkómbeni, wawela, weza kufika emzini wakowabo. Kekaloku bazisa kuye umntu onedumbe elele elukúkweni. U-Yesu elubona ukólo lwabo, wati kuye onedumbe, Mtwanam, yomelela, zixolelwe izono zako. Besuka ababali abatile, bati pakati kwabo, Lo uyanyelisa. U-Yesu ezibona ingeingane zabo wati, Yinina ukuba nicinge into ezikohlakeleyo ezintliziyyweni zenu ? Kuba okukóna kulula kukupina, kukó ukuti, Zixolelwe izono zako ; kukó nokuti, Vuka uhambe ? Kodwa ukuze nazi ukuba u-Nyana womntu unalo igunya emhlabeni lokuxolela izono, selesiti konedumbe, Vuka, utabate ukúko lwako, uye endlwini yako. Wavuka ke, wemka waya endlwini yake. Bekubonile ke oko



abantu, bamangaliswa, bamzukisa u-Tixo, obanike abantu igunya elingaka.

### I-CAWA YAMASHUMI MABINI EMVA KWEYO-MTRINITI.

#### UM-TANDAZWANA.

**TIXO** Somandla, Sozibele, siyakukunga, sikusele ezintweni zonke ezingasenzakalisayo; size silungele ngomzimba nangompefumlo ukwenza ngovuyo ezozinto uzitandayo wena; ngaye u-Yesu Kristu i-Nkosi yetu. *Amen.*

#### I-NCWADANA. Kwabase-Efeso v. 15.

**K**ANGELANI ngoko, ukuba ningati-nina, ukuze kucokiseke ukuhamba kwenu; ningabi njengabaswele ubulumko, yibani njegezilumko; niziqwebela ixesha eli, ngokuba imihla ayindawo. Ngenxa yoko ningabi zintsweli-kuqonda, yibani ngabayiqo-ndayo into eyiyo intando ye-Nkosi. Kanjalo maningaxili yi-wayine, ekukoyo kulonto ukuzibubisa; manizaliswe ngu-Moya; niteta omnye nomnye ngendumiso nengoma namaculo angawomoya, nivuma nicula ezintliziyweni zenu kuyo i-Nkosi; nimana nibulela ngenxa yento zonke nge-Gama le-Nkosi yetu u-Yesu Kristu kuye u-Tixo u-Yise, nilulamelana ngokoyika u-Tixo.

#### I-VANGELL. U-Mateyu Ongcwele xxii. 1.

**W**ATI u-Yesu, Ubukumkani bezulu bufanekiswa nomntu ongukumkani owamenzela unyana wake isidlo somtshato. Wesusa abakonzi bake ukuba baye kubabiza abamenyiweyo beze emtshatweni; basuka abavuma ukuza. Wabuya wesusa abanye abakonzi, esiti, Yitshoni kwabamenyiweyo ukuti,

Yabonani, isidlo sam sendisilungisile, inkomo zam nento zam ezityetyisiweyo zixeliwe, konke sekulungile, yizani emtshatweni. Abakatalanga ke bona, basuka bemka, omnye waya kweyake intsimi, omnye waya ekuwebeni kwake. Bati ke abaseleyo bababamba abakonzi bake, babapata kakubi, bababulala. Evile ke ukumkani waqumba, wayikupa imikosi yake, wabatshabalalisa abobabulali, wawutshisa nomzi wabo. Waza wati ukumkani kubakonzi bake, Umtshato okunene sewulungile wona, kodwa abamenyiweyo bebengafanelekile. Yiyani ngoko apo indlela zidibene kona, niti abo nite nabafumana, nibabize beze emtshatweni. Bapuma abobakonzi baya ezindleleni, bahlanganisa bonke ababafumanayo, abakohlakeleyo kwa nabalungileyo; wazaliswa umtshato ngabamenyiweyo. Kekaloku akungena ukumkani eza kukangela abamenyiweyo, wabona apo umntu ongambete ingubo yomtshato. Wati kuye, Wetu, ute-nina ukungena apa ungenayo ingubo yomtshato? Lamkohl! ke. Wati ukumkani kubalungiseleli, Mbo-peni inyawo nezandla, nimtabate nimkuplele ebumnyameni bangapandle; kona apo kuyakubako ukulila nokutshixiza kwamazinyo. Kuba baninzi ababiziweyo, ke bambalwa abanyuliweyo.

### I-CAWA YAMASHUMI MABINI ANANYE EMVA KWEYO-MTRINITI.

#### UM-TANDAZWANA.

**N**KOSI enetafu, siyakukunga, bapé abakoliweyo bako uxolelo lwezono noxolo, baze bahlanjululwe kuzo zonke izono zabo, bakukonze nintliziyo ezolileyo; ngave u-Yesu Kristu i-Nkosi yetu. *Amen.*

I-NCWADANA. Kwabase-Efeso vi. 10.

**B**AZALWANA bam, yomelelani e-Nkosini nase-kuqineni kokomelela kwayo. Xòbani sonke isirweqe sika-Tixo, ukuze nibe nako ukumisa nibucáse ubuqinga buka-Satana. Ngokuba umzamo wetu asingowokuzamana negazi nenyama; ngowokuzamana nazo izilauli, nawo amagunya, nazo izipátamhlaba zobumnyama balo elipakade, nayo imikosi yomoya abakohlakeleyo kwezasezulwini indawo. Ngenxa yoko qubulani sonke isirweqe sika-Tixo; ukuze nibe nako ukucása ngomhla ombi, niti nikuhezile konke nime nimi. Misani ke ngoko, nibinqe inyaniso esinqeni senu, ninxibe isigcina-sifuba sobulungisa, nibope ezinyaweni zenu ulungiselelo lwe-Vangeli yoxolo; ngapezu kwezozinto zonke qubulani ikáka lokòlo, lona noti ngalo nibe nako ukuzicima zonke intolo ezinomlilo zake ongendawo; namkele isigcina-ntloko sosindiso, nalo ifele lo-Moya, elililizwi lika-Tixo; ngako konke ukutandaza nokukúnga nitandaza amaxesha onke nikuye u-Moya; niyipapamele lonto ngako konke ukuzingisa nokukúnga ngenxa yabangewele bonke, nangenxa yam, ukuba ndipiwe ilizwi ekuwuvuleni umlomo wam, ndize ndazise ngokusekuhlani imfihlelo ye-Vangeli, ekungenxa yayo ndisisigidimi esisezintanjeni, ukuze ndingafihlisi ukuteta ngayo njengoko ndimelwe kukuteta ngako.

I-VANGELI. U-Yohane Ongewele iv. 46.

**K**WAYE kukò igosa lakomkulu elinyana wayesifa e-Kapernahum. Lite lona lakuva ukuba u-Yesu upumile e-Yudeya wafika kwelase-Galili, laya kuye lamcela ukuba ehle ampilise unyana walo, kuba ebeza-kubúbá. Wati ngoko u-Yesu kulo, Ukuba anitanga nibone imiqondiso nemimangaliso anisayikukòlwa.

Liti kuye igosa lakomkulu, Nkosi, yihla engekabubi umntwana wam. Ati u-Yesu kulo, Hamba uhambe, unyana wako uhleli. Wakòlwa umntu lowo lilizwi awalitelayo u-Yesu kuye, wahamba ke. Kekaloku akubon'ukuba usel'esihla, abakonzi bake bamhlangabeza, bambikela besiti, Umntwana wako uhleli. Wabuza ngoko kubo ilixa aqale ukucáca ngalo; zati kuye, Izolo ngelixa lesixénxe lamyeka icesima. Wazi ngoko uyise, ukuba bekukwangelolixa abeté ngalo u-Yesu kuye, Unyana wako uhleli, wakòlwa yena nendlu yake ipéla. Lomqondiso ke wesibini wawenza u-Yesu, eselepumile e-Yudeya weza kwelase-Galili.

I-CAWA YAMASHUMI MABINI ANESIBINI  
EMVA KWEYO-MTRINITI.

UM-TANDAZWANA.

**N**KOSI, siyakukúnga ukuba uwugcine umzi wako i-Kerike ekukukonzeni ngamaxesha onke; ukuze wona, ukúselwe nguwe, usindiswe ebubini bonke, ukukonze ngokukuhlonela emisebenzini elungileyo, kuze kudunyiswe i-Gama lako; ngaye u-Yesu Kristu i-Nkosi yetu. Amen.

I-NCWADANA. Kwabakwa-Filipu i. 3.

**N**DIBULELA kuye u-Tixo wam ekunikúmbuleni kwam konke, ekukúngeni kwam konke ndikúnga ngenxa yenu nonke, ndivuyile, ngenxa yobudlelane benu obukuyo i-Vangeli, kususela kwimini yokuqala kude kube ngoku; ndiqinisekile kuyo le-into yokuba lowo wawuqalayo ngapakati kwenu umsebenzi olungileyo, wowufeza ide ibe yilomini ka-Yesu Kristu; nje-ngokuba ndilungisa ukucinga oko ngani nonke, ngenxa vokuba nikum entliziyweni, nite nasezintanjeni zam

nasekuzipenduleleni kwam nasekuyiqiniseni kwam i-Vangeli, nangamadlelana nam ngofefe olu nina nonke. Kuba u-Tixo ulinqina lam lokuba kukulu ukunilanga-zelela kwam nonke ngezibele zika-Yesu Kristu. Nako oku ndiyakutandazela, ukuba utando lwenu lube kukona lupupuma ngokupupuma ukwazi okukulu, nako konke ukuqonda, ukuze nizicikide ezona zilungileyo izinto ukuze nibe nokusulungeka ningabi nasiwo nide nise kwimini ka-Kristu; nizele ziqamo zobulungisa ezingo-Yesu Kristu, nikangelise ekuzukiseni nasekudumiseni u-Tixo.

I-VANGELI. U-Mateyu Ongcwele xviii. 21.

**W**ATI u-Petros ku-Yesu, Nkosi, koba futi kangapina umzalwana wam endona ndimxolela? koda kube kasixénxe na? Wati u-Yesu kuye, Anditi kuwe, koda kube kasixénxe; nditi koda kube kama-shumi asixénxe apindiweyo kasixénxe. Ngenxa yoko ubukumkani bezulu bufanekiswa nomntu ongukumkani, owafuna ukubalelana nabakonzi bake. Kute ke akuqala ukubalelana nabo, kwaziswa kuye omnye onetyala le-talente lizingamawaka alishumi. Kute ke ekubeni engenanto yokuhlala, yati inkosi yake, makutengiswe ngaye nangomfazi wake, nangabantwana bake, nangento zonke anazo, kuhlulwe. Wawa pantsi ngoko umkonzi lowo, waqubuda kuyo, esiti, Nkosi, kaundinyamezele, ndokuhlala konke. Yasi-kwa ke yimfesane inkosi yalomkonzi, yamkulula, yamxolela ityala elo. Upumile ke lomkonzi, wafumana omnye wabakonza kunye naye, obenetyala kuye le-denariyo ezilikulu; wambamba, wamrwitsha, esiti, Hlala ityala onalo. Wawa pantsi ngoko ezinyaweni zake ubekonza kunye naye, embongoza, esiti, Kaundinyamezele, ndokuhlala konke. Akavumanga ke; waya wamposa en-tolongweni ade

alihlaule ityala elo. Bati ke abo bebekonza kunye naye, bakubona oko kwenzekileyo, baba buhlungu kakulu, beza bayityele inkosi yabo konke oko kwenzekileyo. Yaza inkosi yake, imbizele kuyo, yati kuye, Mkonzindini ungendawo, ndakuxolela lonke elatyala, ekubeni wandibongozayo; ubungamelwe na kukuba ube nenceba nawe kokonza kunye nawe, njengokuba nam bendinenceba kuwe? Yaqumba inkosi yake, yamnika kubatutumbisi, ade alihlaule lonke ityala lake. Woti no-Bawo wasezulwini enjenjalo kuni, ukuba anitanga nonke ngabanye nibaxolele ngentliziyo abazalwana benu iziposo zabo.

I-CAWA YAMASHUMI MABINI ANESITATU  
EMVA KWEYO-MTRINITI.

UM-TANDAZWANA.

**T**IXO, oyinqaba namandla etu, nembangi yako konke ukulunga; Ngamana walungela ukupulapula imitandazo ye-Kerike yako; wenze ukuba oko sikucelayo ngokolo, sikufumane ngokuzeleyo; ngaye u-Yesu Kristu i-Nkosi yetu. *Amen.*

I-NCWADANA. Kwabakwa-Filipu iii. 17.

**Y**IBANI ngabaxelisa mna, bazalwana, nibagqale abo bahamba ngokunjalo, njengokuba ninomfuziselo, tin' aba ke. Kuba baninzi abahambayo, endateta futi kuni ngabo, ngoku ke nditeta ndilila nokulila, ndisiti, bazizo intshaba zomnqamlezo ka-Kristu. Abasipelo siyintshabalalo, abatixo usisisu sabo, abaluzuko luhhlazo labo, abanyamekela izinto zomhlaba. Kuba tina ikowetu lisezulwini, kananjalo simlinda evela kon'apo u-Msindisi, i-Nkosi u-Yesu Kristu; eyakuwenza kumila kumbi umzimba

wokutobeka kwetu, ukuze wona wenziwe ufane nomzimba wozuko lwake, ngokokusebenza kwalowo unako ukuzitobela pantsi kwake zonke izinto.

I-VANGELI. U-Mateyu Ongcwele xxii. 15.

**B**AZA aba-Farisi baya benza ibunga lokuze bamtiyele ekuteteni kwake. Batumela kuye abafundi babo benama-Herode, besiti, Mfundisi, siyazi ukuba uyinyaniso, uyifundisa indlela ka-Tixo ngenyaniso; kanaanjalo akukatali nangubani, kuba akukéti bantu. Sixelele ngoko, uti-nina wena? kuvumelekile na ukumnika i-fafu u-Kesare, akuvumelekile sinina? Kekaloku u-Yesu eyazi inkohlakalo yabo, wati, Nindilingela nina, bahanahanisindini? ndiboniseni iqôsha le-fafu. Bamzisela ke i-denariyo. Ati kubo, Ngokabanina lomfanekiso nombalo? Bati kuye, Ngoka-Kesare. And' ukuti kubo, Nikelani kaloku into zika-Kesare ku-Kesare, nento zika-Tixo ku-Tixo. Bati bakuva, bamangaliswa, bamshiya bemka.

#### I-AWA YAMASHUMI MABINI ANESINE EMVA KWEYO-MTRINITI.

UM-TANDAZWANA.

**N**KOSI, siyakukunga, baxolele abantu bako izipôso zabo; ukuze ngobubele bako obukulu sikululwe sonke ezintanjeni zezozono siziboze ngazo ngobulwelwe betu; Kwenze oku, Bawo, ngenxa yemfaneleko ka-Yesu Kristu i-Nkosi no-Msindisi wetu. *Amen.*

I-NCWADANA. Kwabase-Kolose i. 3.

**S**IBULELA kuye u-Tixo, u-Yise we-Nkosi yetu u-Yesu Kristu, sihlala sinitandazela, sivile nje ngokukólwa kwenu ku-Kristu Yesu, nokubatanda

kwenu bonke abangcwele; ngenxa yetemba eli nalibekelwayo ezulwini, nalivayo ngenx' engapambili ngalo ilizwi lenyaniso le-Vangeli, ekôyo kuni, njengoko ikôyo nakuwo wonke umhlaba, ixakata neziqâmo, kwa njengoko *ixakatayo* ngapakati kwenu, kususela kwimini enaluvayo nalwazi ufele luka-Tixo ngenyaniso; njengoko nafundayo ku-Epafra, ongumkonzi oyintanda kunye nati, engumlungiseleli otembekileyo ka-Kristu ngenxa yenu, owasazisayo tina utando lwenu lwase-Moyeni. Ngenxa yoku, kususela kwimini eseva ngayo, nati asipezi ukunitandazela nokunicelela, ukuba nizaliswe kukuyazi kakuhle intando yake ninokulumka rokuqonda konke okukomoya: ukuze nihambe ngokuyifaneleyo i-Nkosi, nise kuko konke ukukólisa, nixakate isiqâmo kuwo wonke umsebenzi ohungileyo, nikulela ekumazini u-Tixo; nisomelezwa ngokomelela konke, ngokokuqina kozuko lwake, nize nise kuko konke ukunyamezela, nokuzeka kade umsindo, kunye novuyo; nibulela ku-Yise, owasenza sakulingana ukwahlulelwa ilifa labangcwele ekukányeni.

I-VANGELI. U-Mateyu Ongcwele ix. 18.

**K**WATI u-Yesu esateta ezizinto kubafundi baka-Yohane, nanko kusiza umpâti, waqubuda kuye esiti, Intombi yam ibúbé ngoku, yiza ubeke isandla sako pezu kwayo, yopila. Wesuka u-Yesu wamlandela, kwa nabafundi bake. Nanko kusiza umfazi otilé, owayenetombo legazi iminyaka elishumi elinamibini, wafika ngasemva, wacukumisa intshinga yengubo yake. Kuba ebesiti ngapakati kwake, Ukuba ndite ndacukumisa ingubo yake nje kodwa, ndopiliswa. Wajika u-Yesu wambona, wati, Ntombi yam, yomelela, ukôlo lwako lukupilisile. Wapiliswa lomfazi kwa ngelolixa. Ute akufika u-Yesu endlwini

yompáti, wazibona ingwali nabantu bepitizela; wati kubo, Kwélelani, kuba intombazana ayifile, ilele. Basuka bamwa ngentsini. Ute ke bakukútshelewa pandle abantu, wangena, wayibamba ngesandla, yaza yavuka intombazana. Lwaza lwapuma udumo lwalento, lwaza kuwo wonke lomhlaba.

### I-CAWA YAMASHUMI MABINI ANESIHLANU EMVA KWEYO-MTRINITI.

#### UM-TANDAZWANA.

**N**KOSI, siyakukúnga, vuselela intliziyo zabantu bako; baze bati, bevelisa iziqámo zemisebenzi elungileyo, bavuzwe nguwe ngokukólisekileyo; ngaye u-Yesu Kristu i-Nkosi yetu. *Amen.*

#### EYE-NCWADANA. U-Yeremiya xxiii. 5.

**Y**ABONANI, iyeza imihla, itsho i-NKOSI, endiyakummisela u-Davide i-Hlumelo elinobulungisa, libe ngukumkani alaule, enze ngengqiq, agwebe alungise emhlabeni. Ngemihla yake u-Yuda uyakusindiswa, u-Sirayeli ahlale egeinekile: negama lake ayakubizwa ngalo leli lokuti, i-NKOSI IBUBULUNGISA BETU. Ngako oko yabonani, iyeza imihla, itsho i-NKOSI, abangasayikuba sati, Ihleli nje i-NKOSI, eyanyusa onyana baka-Sirayeli ezweni lama-Yiputa; bayakuti, Ihleli nje i-NKOSI eyayinyusayo, eyayizisayo inzala yendlu yakwa-Sirayeli, ivela ezweni langasentla, nasamazweni onke, endabagxotela kóna; bahlale ezweni labo.

#### I-VANGELI. U-Yohane Ongcwele vi. 5.

**W**ATI u-Yesu, akupakamisa amehlo ake, wabona abantu abaninzi besiza kuye, wati ku-Filipu, Sositenga pina izonka, ukuze badle aba? (Ubesitsho

ke emlinga; kuba ubeyazi yena into abezakuyenza.) U-Filipu wampendula wati, Izonka ze-denariyo ezimakulu mabini azibanele, ukuze elowo atabate intwana. Omnye kubafundi bake, u-Andreya, umzalwana ka-Simon Petros, wati kuye, Kukó inkwenkwana apa enezonka ezihlanu ze-fasi nentlanzi ezimbini; kodwa ke ziyinto-nina ezo kwabangakanana? Uté ke u-Yesu, Bahlaliseni pantsi abantu. Kwaye kukó utyani obuninzi kulondawo. Ahlala pantsi ngoko amadoda engati ngamawaka amahlanu inani lawo. Wazitabata ke izonka u-Yesu, wati akubulela, wababela abafundi, bati ke abafundiabela abo babehleli pantsi, kwa kwanjalo nakwintlanzi ngangokutanda kwabo. Bakuhluta ke, uti kubafundi bake, Butani amaqékeza aseleyo, ukuze kungalahleki nto. Babuta ngoko, bazalisa izitya zalishumi elinazibini ngamaqékeza abesele kubo ababedlile ezonkeni ezihlanu ze-fasi. Ngoko abantu aba, bakuwubona umqondiso awawenzayo u-Yesu, bati, Inyaniso lo nguye um-Profite lowo uzayo emhlabeni.

¶ *Nyakana kupéle lemi-Tandazwana ne-Ncwadana ne-Vangeli ingekafiki i-Advent, makucatshulwe kwizasalelayo emva kwe-Epifani. Nyakana zingapélanga ifikile i-Advent, maziyeke ezo zingafunekiyo. Koko makugqalwe ukuba lom-Tandazwana ne-Ncwadana ne-Vangeli ye-Cawa yamashumi mabini anesihlanu emva kweyo-Mtriniti zifanel'ukwenziwa nge-Cawa eyandulelayo eyokuqala ye-Advent.*

### UMHLA KA-ANDREYA ONGCWELE.

#### UM-TANDAZWANA.

**T**IXO Somandla, owanika um-Postile wako ongcwele u-Andreya amandla okuba avume akubizwa ngu-Nyana wako u-Yesu Kristu, wamlandela akalibala;

Sincede tina sonke, esibizwa nje li-Lizwi lako elingewe, ukuba sizinikele ngentobeko ekuyenzi imiteto yako; ngaye u-Yesu Kristu lowo i-Nkosi yetu. *Amen.*

I-NCWADANA. Kwabase-Roma x. 9.

**X**A ute wamvuma ngomlomo wako ukuba yi-Nkosi u-Yesu, wakólwa ngentliziyo yako ukuba u-Tixo wamvusa kwabafileyo: wosindiswa. Kuba umntu ukólwa ngentliziyo, ukuze abe nobulungisa; avume ke ngomlomo, ukuze asindiswe. Kuba isisi-Bálo siti, Bonke abakólwayo kuye abayikudaniswa. Kuba akukó kwahluka kwam-Yuda nam-Grike; kuba ikwawiyilo-Nkosi eyi-Nkosi yabo bonke, ibubutyebi kubo bonke abayinqulayo. Kuba bonke abasukuba belinqula i-Gama le-Nkosi bosindiswa. Boti-nina ke ukumnqula lowo bangakólwanga kuye? Boti-nina ke ukukólwa kulowo bangamvanga? Boti-nina ke ukuva kungekó mshumayeli? Boti-nina ke ukushumayela bengatunywanga? Njengokuba kubáliwe kwatiwa, Hayi ukuba zintle kwazo inyawo zabashumayela i-Vangeli yoxolo, zabashumayela i-Vangeli yezinto ezilungileyo! Abayilulamelanga bonke i-Vangeli. Kuba u-Yesaya uti, Nkosi, ngubanina owakólwayo ludaba lwetu? Ngoko ke ukólo lupuma eludabeni, udaba lukó ngelizwi lika-Tixo. Ingaba kodwa abevanga na? Inene, intlokoma yabo yapuma yaya kuwo wonke umhlaba, namazwi abo aya ezipélweni zelimuweyo. Nditl kodwa, Ubengazi na u-Sirayeli? Ukuqala, u-Moses uti, Ndiyakunenza nibe nekwéle ngabangeluhlanga, ndiyakunicapukisa ngohlanga olungenangqondo. Ke yena u-Yesaya uteta ngamandla, uti, Ndifunyenwe ngabebengandifuni, ndaba nokubonakala kwabebengandibuzi. Ke ngokubékisele ku-Sirayeli uti, Imini yonke izandla zam ndizolulele kubantu abangevayo abapikayo.

I-VANGELI. U-Mateyu Ongcwele iv. 18.

**U**TE ke u-Yesu ehamba ngaselwandle lwase-Galili, wabona abazalwana ababini, u-Simon ekutiwa ngu-Petros, no-Andreya umzalwana wake, bepósa umnata elwandle, kuba bebengababambisi bentlanzi. Wati ke kubo, Yizani nindilandele, ndonenza ababambisi babantu. Bayishiya kwa oko iminata yabo, bamlandela ke. Wati, esuka apo; wabona abanye abazalwana ababini, u-Yakobi lo ka-Zebedi no-Yohane umzalwana wake, besemkómbeni no-Zebedi uyise, belungisa iminata yabo; wababiza ke. Bawushiya kwa oko umkómbe noyise, bamlandela ke.

UMHLA KA-TOMAS ONGCWELE.

UM-TANDAZWANA.

**T**IXO Somandla, Ongunapakade, owavuma ukuba um-Postile wako u-Tomas atandabuze uvuko lo-Nyana wako, ukuze ukólo lwetu luqiniseke ngakumbi; Sipé ukuba sikólwe ngokufezekileyo ku-Nyana wako u-Yesu Kristu, singatandabuzi, luze ukólo lwetu lungaze lukálazeke pambi kwako. Sive, Nkosi, ngaye u-Yesu Kristu lowo, omelwe kudu nyiswa, enawe no-Moya Oyingewe, kaloku nangonapakade. *Amen.*

I-NCWADANA. Kwabase-Efeso ii. 19.

**N**NGOKO ke anisengabo abasemzini nabapambukeli, ningamakáya kubo abangewe, ningabendlu ka-Tixo; nakélwe pezu kwesiseko saba-Postile naba-Profite, ingu-Yesu Kristu ngokwake ilitye lembombo; esiti kuye isakiwo sonke sihlangene kakuhle, sikúle, sibe yi-tempile engewe e-Nkosini; eniti nani nakélwe

ndawonye kuye, ukuze nibe yindawo yokuhlala ka-Tixo ngaye u-Moya.

I-VANGELI. U-Yohane Ongcwele xx. 24.

**K**EKALOKU u-Tomas, omnye kwabalishumi elinababini, okutiwa ngu-Didimo, wayengenabo oko wafikayo u-Yesu. Babesiti ngoko kuye abanye abafundi, Siyibonile i-Nkosi. Wati ke yena kubo, Ukuba anditanga ndilibone inxeba lezikonkwane ezandleni zayo, ndiwufake umnwe wam enxebeni lezikonkwane, ndisifake isandla sam ecaleni layo, andisayikukölwa. Baye emveni kwentsuku ezisibozo bekwangapakati abafundi bake, waye nabo no-Tomas. Afike ke u-Yesu, ingeango sezivaliwe, eme pakati, ati, Uxolo malube nani. Andule ati ku-Tomas, Eté apa umnwe wako, uzibone izandla zam; eté isandla sako, usifake ecaleni lam; mus' ukuba ngongakölwayo, yiba ngokölwayo. Upendule u-Tomas, wati kuye, Nkosi yam, Tixo wam. Ati u-Yesu kuye, Ngokuba undibonile, Tomas, uköliwe. Banetamsanqa abo bangabonanga, bakölwa noko. Mininzi ke okunene neminye imiqondiso awayenzayo u-Yesu emehlweni abafundi bake, engabälwanga kuyo lencwadi; kodwa lé ibälwe ukuze nikölwe ukuba u-Yesu unguye u-Kristu u-Nyana ka-Tixo, nokuze niti nikölwa nibe nabo ubomi nge-Gama lake.

### UMHLA WOKUGUQUKA KUKA-PAULOS ONGCWELE.

UM-TANDAZWANA.

**T**IXO, ote ngökushumayela kom-Postile u-Paulos wenza ukuba ukányiso lwe-Vangeli lukányisele umhlaba wonke; Sipé, siyakukúnga, ukuba tina,

silukúmbula nje uguquko lwake olungummangaliso, sibonakalise ukubulela kwetu ngokulandela imfundiso engcwele awayishumayelayo: ngaye u-Yesu Kristu i-Nkosi yetu. *Amen.*

EYE-NCWADANA. Izenzo ix. 1.

**K**EKALOKU, u-Saule esabafutëla ngentsongelo nembulalo abafundi be-Nkosi waya kumbingeleli omkulu, wacela kuye incwadi zokuya e-Damasko endlwini yesikúnga, ukuze ati, ete wafumana abatle balendlela, amadoda kwa nabafazi, abazise e-Yerusalem bekonxiwe. Kute ke ekuhambeni kwake wasondela e-Damasko; waza ngesiqupe wabanekelwa lukányiso luvela ezulwini; wawa emhlabeni, weva izwi lisiti kuye, Saule, Saule, unditshutshisela nina? Wati ke yena, Ungubanina, Nkosi? Ité ke i-Nkosi, Mna ndinguye u-Yesu omtshutshisayo wena; kunqabile kuwe ukukába inviko. Waza engangazela eqipuke umbilini wati, Nkosi, ufuna ukuba ndenze nto-nina? Yati i-Nkosi kuye, Vuka, uye kungena emzini lowo, woyixelelwa into omelwe kukuyenza. Kekaloku, amadoda abehamba naye ema engenakuteta, eliva okunene lona izwi, kodwa engaboni mntu. Wavuka ke u-Saule emhlabeni, wati akuvulwa amehlo ake, akabona mntu; bamfola ke ngesandla baza kumngenisela e-Damasko. Waye emihla mitatu engaboni, engadli, engaseli nokusela. Kekaloku, bekukö umfundi e-Damasko, ogama lingu-Hananiya: yati i-Nkosi kuye embonweni, Wa, Hananiya. Uté ke yena, Ndikö, Nkosi. Ité ke i-Nkosi kuye, Pakama, uye esi-trateni ekutiwa sesite-Tye, ubuzise endlwini ka-Yuda umntu ogama lingu-Saule wase-Tarso; kuba uyatandaza; waye ebone embonweni indoda egama lingu-Hananiya ingena, ibeka isandla pezu kwake, ukuze abuye abone. Upendule ke u-Hananiya wati,

Nkosi, ndivile kwabaninzi ngalendoda, ukuba zinkulu kwazo izinto ezimbi ezenze kubangwele bako e-Yerusalem; nalapa *ikó nje* inegunya kubabingeleli abakulu lokukonxa bonke abo balingulayo i-Gama lako. Yati ke kuye i-Nkosi, Yiya; ngokuba lowo usisitya esinyuliweyo ndim sokupáta i-Gama lam pambi kwe-Ntlanga nokumkani, kwa nonyana baka-Sirayeli. Kuba mna ndiyakumbonisa ukuba zinkulu kwezinto ezinzima amelwe kukuziva ngenxa ye-Gama lam. Wemka ke u-Hananiya, waya kungena endlwini; wabeka izandla pezu kwake, wati, Saule mzalwana, inditumile i-Nkosi u-Yesu obonakele kuwe endleleni oze ngayo, ukuze ubuye ubone, uzaliswe ngu-Moya Oyingwele. Kwa oko kwawa emehlweni ake izinto ezingati zinkwetu; wabuya wabona kwa oko, wavuka, wabáptizwa; wati akuba edlile womelezeka. Kekaloku u-Saule waba nemihla etile kubafundi abase-Damasko. Waye kwa oko ezindlwini zesikúngu emvakalisa u-Kristu, ukuba lowo unguye u-Nyana ka-Tixo. Bati-nqa ke bonke abamvayo, bati, Lo kanene asinguye na owababúqayo e-Yerusalem abo babelinqula eli-Gama? waye nalapa ezele lento, ukuba abase bekonxiwe kubabingeleli abakulu. Kwaba kukóna ke womelelayo u-Saule; wabeta adubadubeka ama-Yuda abemi e-Damasko, ebonakalisa ukuba lo nguye u-Kristu.

I-VANGELI. U-Mateyu Ongcwele xix. 27.

**W**APENDULA u-Petros wati ku-Yesu, Uyabona, tina sishiye into zonke sakulandela; siyakuba nanto-nina ke? Wati ke u-Yesu kubo, Inene nditi kuni, Nina nindilandeleyo, ekuzalweni okutsha, xa ate u-Nyana womntu wahlala e-troneni yozuko lwake, niyakuhlala nani ezi-troneni ezilishumi elinambini, niweba ezizweni ezilishumi elinazibini zakwa-Sirayeli.

Umntu wonke oshiye izindlu, nokuba ngabazalwana, nokuba ngodade, nokuba nguyise, nokuba ngunina, nokuba ngumfazi, nokuba ngabantwana, nokuba ngamasimi, ngenxa ye-Gama lam, uyakwamkela kalikulu, abudle ilifa ubomi obungunapakade. Ke baninzi abokuqala abayakuba ngabokugqibela, nabokugqibela abayakuba ngabokuqala.

UKUNIKELWA KUKA-KRISTU E-TEMPILENI,

*okukólisa ukubizwa ngokutlwa*

KUKUHLANJULULWA KWE-NTOMBI  
U-MARIYA ONGCWELE.

UM-TANDAZWANA.

**T**IXO Somandla, Ohlal' uhleli, o-Nyana wako okupéla kozelweyo wangeniswa namhla e-tempileni engumntu njengati; Siyakukúnga ngolulamo ukuba sinikelwe nati kuwe sinentliziyo ezihlambulukileyo, ngaye u-Nyana wako lowo u-Yesu Kristu i-Nkosi yetu. *Amen.*

EYE-NCWADANA. U-Malaki iii. 1.

**Y**ABONA, ndituma umtunywa wam, agece indlela pambi kwam. Iyakuza ke ngesiqupe e-tempileni yayo i-Nkosi eniyifunayo; kwa umtunywa womnqopiso enimlangazelelayo; yabona, uyeza, itsho i-NKOSI yemikosi. Ngubanina ke onokuyinyamezela imini yokuza kwake? ngubanina onokuma akubonakala yena? Ngokuba unjengomlilo womnyibilikisi, unjenge-sepa yabahlambi bengubo. Uyakuhlala ke engumnyibilikisi, engumcookisi we-silvere, abacoe onyana baka-Levi, abahluze njenge-golide nanjenge-silvere, banikele e-NKOSINI umnikelo ngobulungisa,



Wauyakutandeka e-NKOSINI umnikelo wakwa-Yuda, nowase-Yerusalem ngokwemini zakudala, ngokweminyaka yamandulo. Ndosondela kuni ukuba ndigwebe, ndibe linqina elikáulezayo kubakáfuli, nakubafexezi, nakubafungi bobuxoki, nakwabacudisa umqeshwa ekumvuzeni, nomhlokokazi nenkedama, nakwabatoba owasenzini, bangandoyiki mna, itsho I-NKOSI yemikosi.

#### I-VANGELI. U-Luka Ongcwele ii. 22.

**X**ESHIKWENI ke zazizalisekile intsuku zokuhlajululwa kwabo ngokomteto ka-Moses, benyuka naye baya e-Yerusalem, ukuba bamnikele e-Nkosi; (njengoko kubáliweyo emtetweni we-Nkosi, kwatwa, Yonke into eliduna evula isizalo ize kutiwe ingcwele e-Nkosi;) nokuba benze idini njengoko kuxelwayo emtetweni we-Nkosi ukuti, Isibini samahobe, nokuba ngamagobo amabini amavukutu. Kwaye ke kukó umntu e-Yerusalem, ogama lingu-Simon, waye lomntu elihungisa, emoyika u-Tixo, elinde intutuzelo ka-Sirayeli, waye no-Moya Oyingcwele epezu kwake. Wayehlatyelwe ngu-Moya Oyingcwele ukuba akayikubona ukufa, engekamboni u-Kristu we-Nkosi. Weza ngaye u-Moya e-tempileni; kwati, ekumngeniseni kwabo abazali umntwana u-Yesu, ukuba bamenze ngokwesiko lomteto, yena wamamkelela ezingalweni zake, wabonga u-Tixo, wati, Nkosi, uyamndulula ngoku umkonzi wako enoxolo, ngokwelizwi lako; ngokuba amehlo am alubonile usindiso lwako, olungisileyo ebusweni bazo zonke izizwe; isikányiso sokutyilela i-Ntlanga, uzuko lwabantu bako ama-Sirayeli. Babemangaliswa o-Yosefu nonina zezozinto zitetwayo ngaye. U-Simon wabasikelela, wati ku-Mariya unina, Uyabona, lo umiselwe ukuwa nokuvuka kwabaninzi kwa-Sirayeli, nokuba abe ngumqondiso

ocásiweyo; (ewe ke, nowako umpefunlo irele liyakuwutyutya;) ngokokuze zibe nokutyilwa izicamango ezipuma ezintliziyweni ezininzi. Kwaye kukó no-Ana um-profitekazi, intombi ka-Fanuweli, wesizwe sika-Ashere. Yena wayeselekúlele kakulu, waye ke ebehleli nendoda iminyaka esixénxe etabatela ebuntombini bake. Waye yena engumhlokokazi ominyaka ngati imashumi asiboza anamine, obengemki e-tempileni, ekonza u-Tixo ngokuzila ukudla nangokukúnga ubusuku nemini. Yena wayemele kufupi ngelolixa, wabulela kuyo i-Nkosi, wayeteta ngaye kubo bonke abo bebelinde ukukúlulwa e-Yerusalem. Bakuba bezigqibile zonke izinto ngokomteto we-Nkosi, babuyela e-Galili emzini wabo i-Nazarete. Kekaloku wakúla umntwana, waya esomelela emoyeni, ezele bulumko; aye amandla ka-Tixo ehlala pezu kwake.

#### UMHLA KA-MATIYAS ONGCWELE.

##### UM-TANDAZWANA.

**TIXO** Somandla, owanyula isicaka sako esitembekileyo u-Matiyas abe ngowenani laba-Postile abalishumi elinababini esikundleni sika-Yudas umngcatshi; Yenza ukuba i-Kerike yako, ekubeni iblale ilondolozwe kuba-Postile ababuxoki, ilaulwe ikokelwe ngabafundisi abatembekileyo benene; ngaye u-Yesu Kristu i-Nkosi yetu. Amen.

##### EYE-NCWADANA. Izenzo i. 15.

**NGALOMIHLA** wesuka wema u-Petros pakati kwabo abafundi, (laye lihlangene iqela elikulu labantu, lingati lilikulu elinamashumi amabini inani labo), wati, Madoda bazalwana, esisi-Bálo simelwe kukuba sizaliseke, satetwayo ngapambili ngu-Moya

Oyingewele ngomlomo ka-Davide ngaye u-Yudas; owaba ngumkokeli kwabo bambambayo u-Yesu; ngokuba wayebalelwe kuti, wasizuka isabelo sobubu konzi. Lowo kengoko wazuza umhlaba ngomvuzo wokungalingisi, wati ekáhleleke pantsi ngobuso waqabuka pakati, zapalala zonke izibilini zake. Kwázeka oko kubo bonke abemiyo e-Yerusalem, wada lomhlaba ngeyabo inteto kwatiwa yi-Akeldama, oke kukuti ngumhlaba wegazi. Kuba kubáliwe encwadini ye-Ndumiso *kwatiwa*: Umzi wake maube linxwama, nomiyo angabiko kuwo, buti nobongameli baka butatyatwe ngomnye. Ngoko kuwo amadoda, abehamba nati ngalo lonke ixesha ebingena ipuma pakati kwetu i-Nkosi u-Yesu, iqalele elu-báptizweni luka-Yohane, yada yayimini eyanyuswa ngayo kuti, kumele ukuba kubekó enye kuwo eba linqina kunye nati lokuvuka kwayo. Bamisa mabini, u-Yosefu, okutiwa ngu-Barsabas, ogama limbi lingu-Yusto, no-Matiyas. Batandaza bati, Wena, Nkosi, mazi wentliziyo zabo bonke, yalata kwaba babini oyena umnyulileyo, ukuba asitabate isabelo sobubukonzi nobu-postile, awapambukayo kubo u-Yudas, ukuze aye kweyake indawo. Bawisa amaqashiso abo; lati iqashiso lapuma no-Matiyas; wabalelwa ndawonye naba-postile abalishumi elinamnye.

#### I-VANGELI. U-Mateyu Ongcwele xi. 25.

**N**GELOXESHA wapendula u-Yesu wati, Ndiyabulela kuwe, Bawo, Nkosi yezulu nomhlaba, ngokuba ezizinto wazifihlayo kwizilumko nakwingqondi, wazityilela intsana. Ewe, Bawo, ngokuba kwakóleka pambi kwako ukuba kube njalo. Zonke izinto zinikelwe kum ngu-Bawo; kanjalo akukó umaziyo u-Nyana kupéla ngu-Yise; akukó umaziyo u-Yise, kupéla ngu-Nyana, nalowo ati u-Nyana atande

ukumtyilela. Yizani kum nonke nina nibulalekayo nisindwayo ngumtwalo, ndoninika ukupumla. Tabatani i-dyokwe yam, niyitwale, nifunde kum; ngokuba ndinobulali nditobekile ngentliziyo, noyifumanela ukupumla imipefumlo yenu. Kuba i-dyokwe yam ilungile, nomtwalo wam ulula.

#### UKUSHUNYAYEZA KWE-NTOMBI ENCOMEKAYO U-MARIYA.

##### UM-TANDAZWANA.

**N**KOSI, siyakukhanga ukuba ugalele u-Moyawako ezintliziweni zetu; ukuze tina sikwazileyo ngokwelizwi le-ngelosi ukwenziwa ko-Nyana wako u-Yesu Kristu abe ngumntu, sisiwe eluvukweni naseluzukweni lwake ngawo umnqamlezo nentlungu zake; ngaye lowo u-Yesu Kristu i-Nkosi yetu. Amen.

##### EYE-NCWADANA. U-Yesaya vii. 10.

**Y**AQOKELA I-NKOSI, yateta ku-Ahaz, isiti, Zicelele umqondiso kwi-NKOSI u-Tixo wako, cela ubékise enzulwini ezantsi, mhlaumbi ubékise enyangweni pezulu. Wati u-Ahaz, Andiyikucela, andiyikuyilinga i-NKOSI. Wati yena, Kánive, ndlu ka-Davide, kuncinane na kuni ukudinisa abantu, noza nidinise no-Tixo wam? Ngako oko i-Nkosi ngokwayo iyakuninika umqondiso: uyabona, i-Ntombi iyakumita, izale unyana, imtiye igama elingu-Imanuweli. Uyakudla amasi nobusi, ukuba azi ukucekisa okubi, anyule okulungileyo.

##### I-VANGELI. U-Luka Ongcwele i. 26.

**K**EKALOKU ngenyanga yesitandatu i-ngelosi engu-Gabriyali vatunyelwa ngu-Tixo emzini welase-Galili ogama liyi-Nazarete, kwi-Ntombi eganelwe

indoda egama lingu-Yosefu, yendlu ka-Davide, laye igama le-Ntombi leyo lingu-Mariya. Yangena i-ngelosi kuye, yati, Vuya wena utandiweyo kunene, i-Nkosi inawe, usikelelwe wena pakati kwabafazi. Ute ke, akuyibona, wotika ngenxa yelizwi layo, wayecamanga ukuba ungaba mbuliso mnina lo. Yati ke i-ngelosi kuye, Mus' ukoyika, Mariya, kuba utandekile ku-Tixo. Uyabona, uyakutabata esizalweni, uzale u-Nyana, umtiye igama elingu-YESU. Yena uyakuba mkulu, abizwe ngokuba ngu-Nyana w-Osenyangweni, i-Nkosi u-Tixo iyakumnika i-trone ka-Davide uyise, abe ngu-Kumkani pezu kwendlu ka-Yakobi kude kube ngunapakade, nobukumkani bake bungayikuba nasipelo. Wati ke u-Mariya kuyo i-ngelosi, Kuyakutiwa-nina ukubako oku, ndingazani nandoda nje? Yependula i-ngelosi yati kuye, U-Moya Oyingewele uyakuza pezu kwako, ati namandla Osenyangweni akusibekele; kungoko lonto ingewele izalwa nguwe iyakubizwa ngokuba ngu-Nyana ka-Tixo. Uyabona, u-Elizabeth ozalana naye, naye umite unyana ebudaleni bake, nalé yinyanga yesitandatu kuye lowo beku-tiwa ngongazaliyo; ngokuba akukó nanye into eyakumnqabela yena u-Tixo. Wati ke u-Mariya, Nanku umkonzazana we-Nkosi, makwenzeke kum ngokwelizwi lako. Yaza i-ngelosi yemka kuye.

## UMHLA KA-MARKO ONGCWELE.

### UM-TANDAZWANA.

**TIXO** Somandla, oyifundisileyo i-Kerike yako engewele ngemfundiso yasezulwini yom-Vangeli u-Marko Ongewele; Sipé amandla okuba siti, singenjengabantwana abakukuliswa zimfundiso zobuxoki, siqiniseke enyanisweni ye-Vangeli yako engewele; ngaye u-Yesu Kristu i-Nkosi yetu. *Amen.*

### I-NCWADANA. Kwabase-Efeso iv. 7.

**KE** elowo kuti walupiwa ufefe ngokomlinganiso wokupá kuka-Kristu. Kungoko ati, Enyuké waya enyangweni, watimba intimbo, wabapá izipó abantu. (Oko ke kuti wenyuka kuyinto-nina, kunge kwa kukuti wehla nokuhla kuqala waya kwezona zizezantsi indawo zomhlaba? Owehlayo ikwangulowo wenyukayo waya ngapezu kwawo onke amazulu, ukuze azalise zonke izinto.) Waza kwa yena wabapá abanye ukuba babe ngaba-Postile, abanye babe ngaba-Profite, abanye babe ngaba-Vangeli, abanye babe ngabalusi na-Bafundisi, ukuze bafezekiswe abangewele, kwenzelwe umsebenzi wobukonzi, nokwakiwa komzimba ka-Kristu; side tina sonke sifike kubo ubunye benkoló nobokumazi u-Nyana ka-Tixo, kwindoda egqibeleleyo, emlinganisweni wobukulu bokufezeka kuka-Kristu; ukuze singabi saba zintsana, silatyuzwa sipétshetwa ngumoya wonke wemfundiso, ngokunyanga kwabantu, ngobuqetseba obusemaqningeni olahlekiso; siti ke sinyanisekile elutandweni, sikúlele ngezindawo zonke kuye lo uyintloko u-Kristu: ekupuma kuye ukuti, umzimba wonke uhlangene kakuhle, ubandakanywe ngako konke ukuxomekelelana *kwamalungu*, okuluncedo okusebenza ngomlinganiso wendawo zonke ngazinye, ukúlise umzimba, use ekuzakéni ngotando.

### I-VANGELI. U-Yohane Ongewele xv. 1.

**MNA** ndingum-diliya wenyano, umlimi wawo ke ngu-Bawo. Amasebe onke akum angatwali siqámo, uyawasusa; onke atwala isiqámo uyawacoca, ukuze atwale isiqámo ngakumbi. Nina senihlambulukile ngenxa yelizwi endilitetileyo kuni. Hlalani kum, mna ndihlale kuni. Njengokuba isebe lingenako

ukutwala isiqámo ngokwalo, lingahlalanga em-dili-yeni; ngokunjalo aninako nani, ningahlalanga kum. Um-diliya ndim, nina ningamasebe; lowo uhleli kum, ndibe mna ndihleli kuye, yena utwala isiqámo esininzi; ngokuba ningekum aninakwenza nto. Ukuba umntu ute akahlala kum, ulahlelwa pandle njengesebe, ome; baze abantu bawabute, bawapóse emlilweni, atshiswe. Ukuba nite nahlala kum, namazwi amahlala kuni, nocela into enisukuba niyitanda, niyenzelwe. Uzukiswa u-Bawo ngalento, yokuba nitwale isiqámo esininzi, niyakuba ngabam abafundi ke. Njengoko u-Bawo wanditandayo, nam ndanitanda. Hlalani elutandweni lwam. Ukuba niti niyigcine imiteto yam, niyakuhlala elutandweni lwam; njengokuba nam ndayigicinayo imiteto ka-Bawo, ndahlala elutandweni lwake. Ezizinto ndizitatile kuni, ukuze uvuyo lwam luhlale kuni, luti novuyo lwenu luzaliseke.

### UMHLA KA-FILIPU ONGCWELE NOKA-YAKOBI ONGCWELE.

#### UM-TANDAZWANA.

**T**XIXO Somandla, ekububomi obungunapakade ukukwazi Wena; Senze simazi kanye u-Nyana wako u-Yesu Kristu ukuba uyindlela, nenyano, nobomi; size siti, silandela emkondweni waba-Postile bako abangwele, u-Filipu no-Yakobi, sibambe indlela esinga ebomini obungunapakade; ngaye u-Nyana wako u-Yesu Kristu i-Nkosi yetu. *Amen.*

I-NCWADANA. Ka-Yakobi Ongcwele i. 1.

**U**-YAKOBI, umkonzi ka-Tixo ne-Nkosi u-Yesu Kristu, ubalela izizwe ezilishumi elinazibini ezizintsali, ebulisa. Kubaleleni ekufini kuluvuyo

olukulu, bazalwana bam, nxa nite namelwa zizilingo ngezilingo; nisazi nje ukuba ucikido lokólo lwenu lusebenza umonde. Umonde ke mawube nomsebenzi ozalisekileyo, ukuze nibe ngabazalisekileyo abagqibeleleyo, ningaswele nto. Ukuba ke ubani kuni uswele ubulumko, makacele ku-Tixo, onika bonke ngesisa engatetisi, wobunikwa. Ke, makacele ekólwa, engatandabuzi; kuba lowo utandabuzayo ufana nokulatyuzana kolwandle luqútywa ngumoya, luntsileka. Kuba lomntu makangabi uyakwamkela nto kuyo i-Nkosi. Indoda empefumlo umbaxa ayizimaseki kuzo zonke indlela zayo. Ke umzalwana otobekileyo makaqáyise ngokupakama kwake; osityebi ke makaqáyise ngokutobeka kwake; ngokuba uyakudlula njengentyantambo yencá. Kuba liti lakupuma ilanga kunye nolopu, liyitshise incá, iti intyantambo yayo ivutuluke, buti nobuhle bembonakalo yayo butshabalale; siyakwenjenjalo nesityebi ukungumbeka eluhambeni lwaso. Inenyweba indoda ekunyamzelayo ukulingwa; ngokuba yoti, yakuba icikidekile, isamkele isitsaba sobomi, ebabeke ngedinga i-Nkosi abo bayitandayo.

I-VANGELI. U-Yohane Ongcwele xiv. 1.

**W**ATI u-Yesu kubafundi bake, Mayingakatazeki intliziyo yenu; niyakólwa ku-Tixo, kólwani nakum. Endlwini ka-Bawo zininzi indawo zokuhlala; ukuba bekungenjalo ngendanixelelayo. Ndiyemka ndiya kunilungisela indawo: ukuba ke ndimkile, ndaya kunilungisela indawo, ndiyakubuya ndize ndinamkelele kum ngokwam, ukuze apo ndikóna mna, nibe kóna nani. Apo ke ndiya kóna mna niyazi, nendlela niyayazi. Utí u-Tomas kuye, Nkosi, asazi apo uya kóna; singati-nina ke ukuyazi indlela? Utí u-Yesu kuye, Indlela, inyaniso, ubomi ndim lo;

akukò namnye uzayo ku-Bawo, engezi ngam. Ukuba benindazile mna, ningenimazile no-Bawo; ngoku ke niyamazi nimbonile nokumbona. Ati u-Filipu kuye, Nkosi, sibonise u-Yihlo, kosanelisa. Uti u-Yesu kuye, Ndinaxesha lingakanana ndinani nje, akukandazi na, Filipu? Lowo undibonileyo mna umbonile u-Bawo; utsho nganina ke wena ukuti, Sibonise u-Yihlo? Akukólwa na ukuba mna ndikuye u-Bawo, abe ke u-Bawo ekum? Amazwi endiwatetayo mna kuni, andiwateti epuma kum; u-Bawo ke ohleli kum nguye oyenziyo imisebenzi le. Kólwani ndim, ukuba mna ndikuye u-Bawo, nokuba u-Bawo ukum; okanye ke kólwani ndim ngenxa yayo imisebenzi. Inene, inene nditi kuni, Lowo ukólwayo kum, imisebenzi endiyenziyayo mna, uyakuyenza naye yena; nemikulu kunale uyakuyenza, ngokuba mna ndisiya kuye u-Bawo. Nento enite nayicela nge-Gama lam ndoyenza yona, ukuze u-Yise azukiswe kuye u-Nyana. Ukuba nite nacela into nge-Gama lam, ndoyenza mna.

## UMHLA KA-BARNABAS ONGCWELE.

### UM-TANZAWANA.

**N**KOSI, Tixo Somandla, owamnika um-Postile wako ongwele u-Barnabas izipò ezizodwa zo-Moya Oyingwele; Siyakukúnga ukuba ungasishiyi siswele izipò zako ezininzi, usipé amandla okukudumisa ngazo; ngaye u-Yesu Kristu i-Nkosi yetu. *Amen.*

EYE-NCWADANA. Izenzo xi. 22.

**L**WAVAKALA udaba lwabo ezindlebeni ze-Kerike yase-Yerusalem; bamkúpa ke u-Barnabas, ukuba ahambe ade aye kufika kwa-Antiyokwe. Ote

akufika wawabona amandla ka-Tixo, wavuya, wabavuselela bonke, ukuba bati, ngengqibo yentliziyo bahlale benamatele e-Nkosini. Kuba ebeyindoda elungileyo, ezele ngu-Moya Oyingwele nalukòlo: kongezelelwa e-Nkosini abantu abaninzi. Wemka ke u-Barnabas, waye e-Tarso esiya kufuna u-Saule. Wati akuba emfumene, wamsa kwa-Antiyokwe. Kwati ke umnyaka upéla, bahlangana ne-Kerike, bafundisa abantu abaninzi. Kananjalo abafundi baqala ukubizwa ukuba ngama-Kristu kwa-Antiyokwe. Keka-loku ngalomihla kwehla aba-profite besuka e-Yerusalem, beza kwa-Antiyokwe. Kwesuka omnye kubo, ogama lingu-Agabo, waqondisa ngaye u-Moya ukuba bekuzakubakò indlala enkulu kulo lonke elimiweyo; eyabakò ke ngemihla ka-Klaudiyo Kesare. Bati ke abafundi, njengoko elowo ebenako, baqgiba ngeliti bayakutumela into yokubanceda abazalwana ababemi e-Yudeya. Abate bakwenza nokukwenza, batumela kuwo amadoda amakulu ngezandla zika-Barnabas no-Saule.

### I-VANGELI. U-Yohane Ongwele xv. 12.

**N**GUWO lo umteto wam, wokuba nitandane nje ngoko ndanitandayo nina. Akukò namnye unalo utando olungapezu kolu, lokuba ubomi bake abuncamele izihlobo zake. Nizihlobo zam nina, ukuba niti nikwenze konke endinimisela kóna mna. Andisatsho ukuti ningabakonzi; ngokuba umkonzi akakwazi okwenziwa yinkosi yake; mna ke nditè nizihlobo; ngokuba zonke izinto endaziva ku-Bawo, ndanazisa zona. Asinini enanyula mna, ndim owanyula nina, ndanimisela, ukuze niye nitwale isiqámo, nokuze isiqámo senu sihlale; ukuze oko enite nakuzelela ku-Bawo nge-Gama lam nikunikwe.

UMHLA KA-YOHANE ONGCWELE  
UM-BAPTIZI.

## UM-TANDAZWANA.

**T**XISO Somandla, owati ngokwazelelela kwako wenza ukuba isicaka sako u-Yohane um-Baptizi azalwe ngokungummangaliso, wamtuma ukuya kumlungiselela indlela u-Nyana wako u-Msindisi wetu ngokushumayela inguquko; Senze siti silandela nje imfundiso nentlalo yake engcwele, siguquke ngokushumayela kwake, siti njengaye sitete inyaniso ngokuqinileyo, sikálimele inkohlakalo kabukáli, sinyamezele ubunzima ngenxa yanyaniso; ngaye u-Yesu Kristu i-Nkosi yetu. *Amen*

## EYE-NCWADANA. U-Yesaya xl. 1.

**T**TUTUZELANI, tutuzelani abantu bam, utsho u-Tixo wenu. Tetani kuyo intliziyo ye-Yerusalem nimemeze kuyo, niti kugqityiwe ukulwa kwayo, niti buhlaulelwe ubugwenxa bayo; niti yamkeliswe esandleni se-NKOSI okupindwe kabini kwizono zayo zonke. Yivani! omemezayo esiti, Vulani indlela ye-NKOSI entlango, gecani umendo wo-Tixo wetu ebugxwayibeni. Yonke imifula mayiditywe, zonke intaba nenduli zidilizwe; indawo ezimagqagala zibe litafa, nemixawuka ibe zintili. Butyileke ubuqaqauli be-NKOSI, lububone uluntu lonke kunye; ngokuba utetile umlomo we-NKOSI. Yivani! oti, Memeza. Ati yena, Ndimemeze nto-nina? Yiti, Yonke inyama butyani, bonke ubuhle bayo bunjengentyantyambo yasendle; buyoma utyani, iyabuna intyantyambo, ngokuba umoya we-NKOSI uvutuza kuyo; inene babutyani abantu. Buyoma utyani, iyabuna intyantyambo; ke lona ilizwi lika-Tixo wetu liyakuma ngonapakade. Nyuka uye entabeni epakamileyo,

ntshumayeli yendaba ezilungileyo, Tsiyon; pakamisa ngamandla izwi lako, ntshumayeli yendaba ezilungileyo, Yerusalem; pakamisa, ungoyiki, yiti kwimizi yakwa-Yuda, Nanko u-Tixo wenu! Nantsi i-NKOSI u-Tixo isiza, ingowomeleleyo, ingalo yayo iyilaulela. Nangu umvuzo wayo inawo, nomsebenzi wayo upambi kwayo. Iyakuwalusa umhlambi wayo, iyakuwabuta ngengalo zayo amatakane, iwatwale esifubeni sayo, izitundeze ezányisayo.

## I-VANGELI. U-Luka Ongewele i. 57.

**K**EKALOKU ixesha lika-Elizabeth lazaliseka lokuba azale, wazala unyana. Beva abamelwane nemizalwane yake, ukuba i-Nkosi iyenze nkulu inceba yayo kuye, baye bevuyisana naye. Kwati, ngomhla wesi-bozo beza kumalusa umntwana, baye bemtiya igama likayise *besiti* ngu-Zekariya. Koko wapendulayo unina watl, Hayi; uyakubizwa ngokuba ngu-Yohane. Bati kuye, Akukó namnye ubizwa ngelogama kwimizalwane yako. Baye ke benqwala kuyise besiti, angatanda ukuba atiwe-nina ukubizwa. Wabiza icwecwana, wabála esiti, Igama lake ngu-Yohane. Bama-ngaliswa bonke, wavuleka ke kwa oko umlomo wake, lwatukululeka nolwimi lwake, wateta ebonga u-Tixo. Kwehla ukoyika pezu kwalo lonke umelwane lwabo, kwaye kulo lonke elentaba lase-Yudeya kuxoxwa ngazo zonke ezizinto. Bati bonke abazivayo bazibeka ezintliziyweni zabo, besiti, Azi uyakuba yinto-nina lomntwana? Saye isandla se-Nkosi sinaye. U-Zekariya uyise wazaliswa ngu-Moya Oyingcwele, waprofita esiti, Mayibongwe i-Nkosi u-Tixo ka-Sirayeli; ngokuba ibavelele yabakúlula abantu bayo. Yasipakamisela upondo losindiso endlwini ka-Davide isicaka sayo; njengoko yatetayo ngomlomo waba-profite bayo abangcwele ababekó kwasepakadeni; Usindiso

*lokusisindisa* ezintshabeni zetu, nasesandleni sabo bonke abasitiyayo; ukubenzela inceba obawo betu, nokukumbula umnqopiso wayo ongewele; isifungo eyasifungela u-Abraham ubawo wetu; sokusinika ukuba siti sihlangukwe esandleni sentshaba zetu, siyikonze singenakoyika, ngobungewele nangobulungisa pambi kwayo, yonke imihla yobomi betu. Nawe, mntwana, uyakubizwa ngokuba ungum-profite w-Osenyangweni; kuba uyakuhamba pambi kobuso be-Nkosi, ulungise indlela zayo; ukuze ubanike abantu bayo ukwaziwa kosindiso, ngoxolelo lwezono zabo, ngenxa yenceba nemfesane yo-Tixo wetu, ote ngaye wasivelela umso wasenyangweni; ukuba ukanye kwabo bahleliyo ebunmyameni nasetunzini lokufa, nokuba izingenise inyawo zetu endleleni yoxolo. Wakula umntwana, waye esomelela ngomoya, waye esentlango kwada kwayimini yokubonakaliswa kwake ku-Sirayeli.

## UMHLA KA-PETROS ONGCWELE.

### UM-TANDAZWANA.

**TIXO** Somandla, ote ngo-Nyana wako u-Yesu Kristu wampá um-Postile wako u-Petros Ongcwele izipó ezininzi ezibalulekileyo, wamya lela ngenyameko ukuba awalúse umhlambi wako; Yenza ukuba bonke o-Bishop naba-Fundisi balishumaye le ngokukúteleyo i-Lizwi lako elingcwele, bati nabantu balitobele, baze bamkeliswe isitsaba sozuko olungapeliyo; ngaye u-Yesu Kristu i-Nkosi yetu. *Amen.*

### EYE-NCWADANA. Izenzo xii. 1.

**KEKALOKU** ngeloxesha u-Herode ukumkani wabesa izandla abatible bayo i-Kerike ukuba abapáte kakubi. Wambulala ke u-Yakobi umzalwana

ka-Yohane ngecele. Wati akubona ukuba oko kuwákólisile ama-Yuda, waqokela ngokubamba no-Petros. (Yaye ke iyimihla yezonka ezingenagwele leyo.) Akuba ke embambile wamfaka en-tolongweni, wamnikela kumaqela amane ama-soldati angamane, ukuba amgcine, enxámele ukuze emveni kwe-Pasika amkúpe amse ebantwini. Wageinwa ngoko okunene u-Petros en-tolongweni; ke kwatandazwa yi-Kerike ngenyameko ku-Tixo ngenxa yake. Xa ke u-Herode wayezakumkúpa, u-Petros ngobobusuku wayelele pakati kwama-soldati amabini, ekonxiwe ngemixokelelwane emibini; baye nabalindi beyigcinile intolongo pambi kwesango. Yati ke i-ngelosi ye-Nkosi yamfikela, kwakánya nokukánya kwelogumbi lentolongo, yambeta ecaleni u-Petros, yamvusa, isiti, Pakama msinya. Yawa imixokelelwane yake ezandleni. Yati kanjalo i-ngelosi kuye, Binqa, ubope izixatula zako. Wenjenjalo ke. Yati kuye, Yambata ingubo yako, undilandele. Wapuma, wayilandela; wayengazi ukuba iyinene lento yenziweyo nge-ngelosi leyo, ebeba ke ubone umbono. Begqitile ke kwelokuqala nakwelesibini iqela labalindi, bafika esangweni lentsimbi elibékisa kuwo umzi, elati lavuleka kubo ngokwalo; bakupuma bahamba isi-trate sasinye; yati kwa oko i-ngelosi leyo yemka kuye. Waza u-Petros akuziqonda wati, Kaloku ndiyazi okwenyaniso, ukuba i-Nkosi itume i-ngelosi yayo, yandihluta esandleni sika-Herode nakuko konke ukulindela kwabantu bama-Yuda.

### I-VANGELI. U-Mateyu Ongcwele xvi. 13.

**A KUFIKA** u-Yesu emacaleni ase-Kesareya yakwa-Filipu, wababuza abafundi bake, esiti, Bati abantu ndingubanina mna Nyana womntu? Bati ke bona, Inxenye ití, Ungu-Yohane um-Báptizi; abanye

XOSA PR.

bati, Ungu-Eliya; bambi bati, Ungu-Yeremiya, mhlumbi ungomnye wakuba-profithe. Ati kubo, Ke nina niti ndingubanina? Wapendula ke u-Simon Petros wati, Wena unguye u-Kristu, u-Nyana ka-Tixo opili-leyo. Wapendula u-Yesu wati kuye, Unenyweba, Simon ka-Yona, ngokuba akukutyilelwanga oku yinyama negazi, ukutyilelwe ngu-Bawo osezulwini. Nam ke nditi kuwe, Ungu-Petros wena, ndiyakuyakela pezu kolulwalwa i-Kerike yam, namasango e-hadesi akayikuyoyisa. Ndiyakukunika izitshixo zobukumkani bezulu; kuti ke ote wakubopa emhlabeni, kubopeke ezulwini; kuti ote wakukulula emhlabeni, kukululeke ezulwini.

### UMHLA KA-YAKOBI ONGCWELE.

#### UM-TANDAZWANA.

**TIXO** Onetafu, om-Postile wako u-Yakobi Ongewele washiya uyise nako konke abenako, wati akubizwa ngu-Nyana wako u-Yesu Kristu wamlandela, akalibala; Masiti nati, sizilahla zonke inkanuko zelizwe nezenyama sihlale silungele ukuyitobela imiteto yako engewele; ngaye u-Yesu Kristu i-Nkosi yetu. *Amen.*

#### EYE-NCWADANA. Izenzo xi. 27—xii. 3.

**KEKALOKU** ngalomihla kwehla aba-profithe besuka e-Yerusalem, beza kwa-Antiyokwe. Kwesuka omnye kubo, ogama lingu-Agabo, waqondisa ngaye u-Moya ukuba bekuzakubako indlala enkulu kulo lonke elimiweyo; eyabako ke ngemihla ka-Klaudiyo Kesare. Bati ke abafundi, njengoko elowo ebenako, bagqiba ngeliti bayakutumela into yokubanceda

abazalwana ababemi e-Yudeya. Abate bakwenza nokukwenza, batumela kuwo amadoda amakulu ngezandla zika-Barnabas no-Saule. Kekaloku nge-loxsha u-Herode ukumkani wabesa izandla abatile bayo i-Kerike ukuba abapate kakubi. Wambulala ke u-Yakobi umzalwana ka-Yohane ngerere. Wati akubona ukuba oko kuwakolisile ama-Yuda, waqokela ngokubamba no-Petros.

#### I-VANGELI. U-Mateyu Ongewele xx. 20.

**NGELOXESHA** kweza kuye unina wonyana baka-Zebedi ononyana bake, equbuda, eecla into kuye. Wati ke yena kuye, Utanda nto-nina? Ati kuye, Yitsho baze onyana bam bobabini bahlale, omnye ngasekunene kwako, omnye ngasekohlo, ebukmkanini bako. Upendule ke u-Yesu wati, Aniyazi into eniyicelayo. Ninako na ukuyisela indebe endizakuyisela mna, nibaptizwe ngo-baptizo endibaptizwa ngalo mna? Bati kuye, Sinako. Ati kubo, Okunene indebe yam niyakuyisela, no-baptizo endibaptizwa ngalo mna niyakubaptizwa kwa ngalo; kodwa kona ukuhlala ngasekunene kum nangasekohlo kum asi-kwam ukupa ngako, kopiwa abo kulungiselwe bona ngu-Bawo. Bekuvile ke oko abalishumi, bacapukela abobazalwana bobabini. Kekaloku u-Yesu ebabizele kuye wati, Niyazi ukuba abapati be-Ntlanga bayazi-pata ngobukosi, nabo bazinkulu benza ngegunya kuzo. Zekungabi njalo ke pakati kwenu nina; osukuba enga angaba mkulu pakati kwenu, makabe ngumlungiseleli wenu; nosukuba enga angaba ngowokuqala pakati kwenu makabe ngumkonzi wenu: kwa njengokuba u-Nyana womntu engezanga kulungiselelwa, weza kulungiselela, nokuncama ubomi bake bube yintlaulelo yokukulula abaninzi.



## UMHLA KA-BARTOLOMEYU ONGCWELE.

## UM-TANDAZWANA.

**T**IXO Somandla Ongunapakade, owamnika um-Postile wako u-Bartolomeyu ufele lokuba akò-lwe ngokwenene li-Lizwi lako alishumaye; Yenza, siyakukunga, ukuba i-Kerike yako ilitande elo-Lizwi wakòlwa lilo, yamkele ishumaye oko wakufundisayo; ngaye u-Yesu Kristu i-Nkosi yetu. *Amen.*

## EYE-NCWADANA. Izenzo v. 12.

**K**EKALOKU ngazo izandla zaba-Postile kwabakò imiqondiso nezimanga ezininzi pakati kwa-bantu; (baye bonke bemxelo mnye entendelezweni ka-Solomon: kekaloku, kwabanye akubangakò namnye waba nobuganga bokuzinamatelisa kubo: baye abantu bebenze bakulu: kwaba kukona ke kongezwayo abakòlwayo kwi-Nkosi, into eninzi yamadoda neyabafazi :) bada bayitwalela pandle imilwelwe ezitrateni, bayibeka emimandlalweni nasezinkukweni, ukuze kuti, akuza u-Petros, kubekò kuyo eti isityeke-lwe situnzi sake. Yaye ke ibutelana e-Yerusalem nenkita yabemizi ejikelezileyo, itwele imilwelwe nabakatazwa ngomoya abancòlileyo, ababesiti bona bapiliswe bonke.

## I-VANGELI. U-Luka Ongewele xxii. 24.

**K**EKALOKU kwabakò nokubangisana pakati kwa-bo, kokuti ngu-wupina kubo ekungatiwa ngomkulu. Uté ke yena kubo, Okumkani be-Ntlanga bayazipáta ngobukosi; kwa nabo benza ngegunya kuzo kutiwa ngabancedi. Ke nina zeningabi njalo: omkulu kuni makabe njengomncinane: nongumpáti makabe njengomlungiseleli. Kuba ngu-wupina

omkulu, ngulowo uhleli e-tafileni, ngulowo ulungisele-layo kusinina? asingulowo uhleli e-tafileni na? ke mna pakati kwenu ndinjengomlungiseleli. Nina ke ningabo basoloko behleli kum ekulingweni kwam. Nam ndinimisele ubukumkani, njengokuba u-Bawo endimisele mna; ukuze nidle nisele e-tafileni yam ebukumkanini bam, nihlale ezi-troneni, nigweba izizwe ezilishumi elinazibini zakwa-Sirayeli.

## UMHLA KA-MATEYU ONGCWELE.

## UM-TANDAZWANA.

**T**IXO Somandla, owati ngaye u-Nyana wako onco-mekayo wambiza u-Mateyu, ehleli endaweni ye-tafu, abe ngum-Postile nom-Vangeli; Sipé amandla okuba silahle yonke iminqweno emibi yobutyebi, sisuke simlandele u-Nyana wako lowo, u-Yesu Kristu, ohleli elaula ndawonye nawe no-Moya Oyingwele, emnye u-Tixo, ngonapakade. *Amen.*

## I-NCWADANA. 2 Kwabase-Korinte iv. 1.

**N**GENXA yoko sinabo nje obubukonzi, siti, nje-ngoko senzelve inceba, singeti-mandla; sisuke sizilahle izinto ezifihlakeleyo ezizintloni, singahambi ngobuqetseba, singalipáti ngenkohliso i-Lizwi lika-Tixo. Ukuba ke zigutyungelwe indaba ezilungileyo zetu, zigutyungelwe kwabo batshabalalayo; ate utixo welipakade wazimfamekisa ngapakati kwabo ingqiqo zabangakòlwayo, ukuze singabengezeli kubo isikányiso sendaba ezilungileyo zobuqaqauli buka-Kristu, ongumfanekiso ka-Tixo. Kuba asizivakalisi tina, sivakalisa u-Kristu Yesu i-Nkosi; sibe ke tina *sizivakalisa* ukuba singabakonzi benu ngenxa ka-Yesu. Ngokuba ngu-Tixo, yena wati ukányiso

malukanye ebumnyameni, okanyisele intliziyo zetu, ukuze kukanye ukwaziwa kobuqaqauli buka-Tixo abusweni buka-Yesu Kristu.

I-VANGELI. U-Mateyu Ongcwele ix. 9.

**K**WATI edlula apo u-Yesu wabona umntu ehlel endaweni ye-fafu, okutiwa ngu-Mateyu: wati kuye, Ndilandele. Wesuka ke, wamlandela. Kwati, akubon' ukuba uhleli ngase-tafileni endlwini, yati into eninzi yababuti be-fafu naboni yeza yahlala ndawonye no-Yesu nabafundi bake. Bakukubona oko abafarisi, bati kubafundi bake, Kunganina ukuba u-Mfundisi wenu adle nababuti be-fafu naboni? Ekuvile ke u-Yesu oko, wati kubo, Akufuneki gqira kwabapilileyo, lifuneka kwabafayo. Kaniye nifunde ukuba kukutl-nina ukutl, Nditanda inceba, anditandi dini; kuba andize kubiza malungisa, ndize kubiza aboni ukuba baguquke.

UMHLA KA-MIKAYELI ONGCWELE NE-NGELOSI ZONKE.

UM-TANDAZWANA.

**T**XO Ongunapakade, owamisela ubukonzi be-Ngelosi nobabantu ngommiselo ongummangaliso; Yiti ngetafu, njengokuba i-Ngelosi zako ezingcwele zihlala zikukonza ezulwini, wenze okokuba zisixase zisikusele apa emhlabeni: ngaye u-Yesu Kristu i-Nkosi yetu. Amen.

EYE-NCWADANA. Isi-Tyilelo xii. 7.

**K**WABAKO imfazwe ezulwini, u-Mikayeli ne-ngelosi zake besenza imfazwe nenamba, inamba ne-ngelosi zayo zisenza imfazwe; azabi nakweyisa,

kanjalo ayabi safunyanwa indawo yazo ezulwini. Yaposwa pantsi inamba enkulu, inyoka yakudala, leyo kutiwa ngumtyoli, u-Satana ke, lowo ulilahlakisayo elimiweyo lipela, yaposwa emhlabeni, ne-ngelosi zayo zaposwa kunye nayo. Ndaza ndeva izwi elikulu ezulwini lisiti, Ngoku lute usindiso, namandla, nobukumkani, lwaba loluka-Tixo wetu, negunya laba leluka-Kristu wake; ngokuba ukahlelwe pantsi ummangaleli wabazalwana betu, lowo ubamangalelayo emehlweni ka-Tixo wetu imini nobusuku. Bameyisile bona ngenxa yegazi le-Mvana, nangenxa yelizwi lobunglana babo; ababutandanga ubomi babo kwada kwasekufeni. Ngenxa yoko yibani nemihlali, nina mazulu, nani nihleli kuwo. Yeha abo bawumiyo umhlaba nolwandle! ngokuba uhlele weza kuni umtyoli enomsindo omkulu, esazi nje ukuba ixesha analo lincinane.

I-VANGELI. U-Mateyu Ongcwele xviii. 1.

**N**GELOLIXA beza abafundi ku-Yesu, besiti, Ngubanina ke omkulu kunabanye ebukumkanini bezulu? U-Yesu wabizela kuye umntwana, wammisa pakati kwabo, wati, Inene nditl kuni, Ukuba anitanga niguquke, nibe njengabantwana aba, aniyikuké ngenene ebukumkanini bezulu. Osukuba ngokote wazitoba njengalomntwana, nguye omkulu kunabanye ebukumkanini bezulu. Kanjalo ote wamkela umntwana onje noko amnye nge-Gama lam, wamkela mna. Ke ote wakubekisa noko amnye wabancinane bakolwayo kum, ebelungelwe kanye kukuba anxietywe ilitye lokusila entanyeni, antywiliselwe enzulwini yolwandle. Yeha umhlaba ngezikubekiso! kuba azinakuba zingezi izikubekiso; kodwa yeha lomntu siza ngaye isikubekiso! Ukuba ke isandla sako nokuba lunyawo lwako luyakukubekisa,

lunqamle, ululahle: kukulungele ukuba ungene ebomini usiqwala mhlaumbi usilima, kunokuba uti unezandla ezibini mhlaumbi unenyawo ezimbini uposwe emlilweni ongunapakade. Nokuba iliso lako liyakukubekisa, lincotule, ulilahle; kukulungele ukuba ungene ebomini unaliso linye, kunokuba uti unamehlo amabini uposwe esihogweni somlilo. Lumkani ningadeli namnye wababancinane; kuba nditi kuni, I-ngelosi zabo ezulwini zihlala zibubona ubuso buka-Bawo osezulwini.

## UMHLA KA-LUKA ONGCWELE.

### UM-TANDAZWANA.

**T**IXO Somandla, owambiza u-Luka obeligqira, odumo luse-Vangelini, abe ngum-Bali we-Vangeli negqira lokupilisa umpfumlo; Zipilise, siyakukungisa, zonke izifo zemipefumlo yetu ngayo imfundiso yake; ngenxa yemfaneleko yo-Nyana wako u-Yesu Kristu i-Nkosi yetu. *Amen.*

### I-NCWADANA 2 Ku-Timoti iv. 5.

**K**E wena yiba yincatu ezintweni zonke, nyamezela ububi, wenze umsebenzi womshumayeli we-Vangeli, buzalise ubukonzi bako. Kuba mna senditlulwa ngokomnikelo; nalo ixesha lokunduluka kwam likufupi. Umzamo omhle ndiwuzamile, ugqatsa ndilufezile, ukolo ndilugecinile. Okokugqibela ndibekelwe isitsaba sobulungisa, eyakundibuyisela ngaso ngalomini i-Nkosi u-Mgwebi olilungisa, ingabi ndim ndedwa ke, ibe ngabo bonke abakutandayo ukubonakala kwayo. Kauleza uze kum kamsinya; kuba u-Demas wandishiya ngokutanda umhlaba lo ukoyo, waya e-Tesalonika; u-Kreske uye kwelase-

Galati; u-Tito uye kwelase-Dalmati. Ngu-Luka yedwa onam. Tabata u-Marko uze naye; kuba unokundinceda kakuhle kumsebenzi wobukonzi. Ke u-Tikiko ndamtuma e-Efeso. Ingubo endayishiya e-Trowa ku-Karpo uz' uyipate ekuzeni kwako, nene wadi ezo, ngokukodwa ezezintsu. U-Alesandire umkandi wobedu wandenza into ezininzi ezimbi; yanga i-Nkosi ingambuyekeza ngokwemisebenzi yake. Mlumkele nawe, kuba wawacasa kunene amazwi etu.

### I-VANGELI. U-Luka Ongcwele x. I.

**E**MVENI kwezizinto i-Nkosi yabalula yamisela abanye kanjalo, bemashumi asixenxe; yabatuma ngababini pambi kobuso bayo kuyo yonke imizi nendawo ebizakuya kuzo yena. Yayisiti ngoko kubo, Uvuno okunene lukulu, kodwa bona abasebenzi bambalwa; kungani ngoko e-Nkosini yokuvuna, ikupe abasebenzi, baye ekuvuneni kwayo. Hambani; niyabona, mna ndinituma njengemvana pakati kwencuka. Musani ukupata nxowa yamali, nanxowa yampako, nazihlangu; ningabulisi mntu endleleni. Nendlu enisukuba ningene kuyo, yitini kuqala, Uxolo malube kulendlu. Ukuba angaba ulapo owoxolo, uxolo lweni lolilala pezu kwake; ukuba ke akunjalo, lobuyela kwa kuni. Hlalani ke kulondlu, nisidla nisela izinto abanazo: kuba osebenzayo uwufanele umvuzo wake.

## UMHLA KA-SIMON ONGCWELE NOKA-YUDA ONGCWELE.

### UM-TANDAZWANA.

**T**IXO Somandla, oyakileyo i-Kerike yako pezu kwesiseko saba-Postile naba-Profithe, u-Yesu Kristu ngokwake elilitye elikulu lembombo; Senze

ukuba simanywe sibe moya mnye ngayo imfundiso yabo, size sakiwe sibe yi-tempile engcwele etandekayo kuwe; ngaye u-Yesu Kristu i-Nkosi yetu. *Amen.*

I-NCWADANA. U-Yuda Ongcwele 1.

**U**-YUDA umkonzi ka-Yesu Kristu, umzalwana ke ka-Yakobi, *ubálela* abangcwalisiweyo beku-Tixo u-Yise, begcinelwe u-Yesu Kristu, bengababiziweyo, *uti*: Makwandiswe kuni inceba, noxolo, notando. Zintanda, ndikukútales ngenyameko yonke nje ukunibálela ngalo usindiso lwetu sonke, kwafuneka ukuba ndinibálele ndinivuselele, ukuba niyizamele inkolo abayinikelwayo kwakanye abangcwele. Kuba bekungene ngasese abantu abatile, abo babebalulelwe ngenx' engapambili kololugwebo, abangahloneli-Tixo, belujikela ebufoletyweni ufele luka-Tixo wetu, bemkányela okupéla ko-Mnini-nto zonke, u-Tixo wetu, i-Nkosi yetu u-Yesu Kristu. Ndinga ke ndingankumbuza, nangona nikwaziyo kakade oku, ukuba i-Nkosi, yakuba ibasindisile abantu emhlabeni wase-Yiputa, yati pezu koko yabatshabalalisa abo bangakólwanga. Kananjalo i-ngelosi, ezo zingalugcinanga ulaulo lwazo, zesuka zalishiya ikáya lazo, izigcinele umgwebo womhla omkulu ngemixokelelwane engunapakade pantsi kwesitokotoko. Njengokuba i-Sodom ne-Gomora, nayo imizi engakuyo, ibisenza umbulo ngohlolo olufana nolwazo ezo, imka ilandela nyama yimbí, ibekwe ekuhleni ukuba ibe ngumqondiso, iviswa ubeto lomlilo ongunapakade. Kwangokunjalo nabo aba bapúpayo badyobe inyama, ke ubukosi babutshitshise, banyelisa amagunya.

I-VANGELI. U-Yohane Ongcwele xv. 17.

**N**DINIWISELA lomteto wokuba nitandane. Ukuba umhlaba unitiyile, yazini ukuba unditiye kuqala kunani. Ukuba beningabomhlaba, umhlaba

ngewutanda okwawo; ke ngokuba ningengabomhlaba, ndaninyulayo mna kuwo umhlaba, ngenxa yoko umhlaba unitiyile. Likúmbuleni ilizwi endalitetayo mna kuni, eliti, Akukó mkonzi umkulu kunenkosi yake. Ukuba banditshutshisa mna, bonitshutshisa nani; ukuba ilizwi lam baligcina, nelenu boligcina. Ke ezizinto zonke bayakuzenza kuni ngenxa ye-Gama lam, ngokuba bengamazi owanditumayo. Ukuba bendingezanga ndateta kubo, ngebengabanga nasono: ngoku abanasikúselo sesono sabo. Lowo utiye mna, utiye no-Bawo. Ukuba bendingenzanga pakati kwabo imisebenzi, engenziwanga mntu wumbí, ngebengabanga nasono: kaloku ke babonile, bati banditiye mna no-Bawo. Kwenzeke ukuze lizaliseke ilizwi elibáliweyo emtetweni wabo, eliti, Banditiya kungekó sizatu. Kodwa xa ate wafika u-Mteteleli, endiyakuntuma mna kuni evela ku-Bawo, u-Moya wenyano ke opuma ku-Bawo, yena wonqina ngam. Nani ke niyanqina, ngokuba beninam kwasekuqaleni.

## UMHLA WA-BANGCWELE BONKE.

UM-TANDAZWANA.

**T**IXO Somandla, obamanyileyo abanyulwa bako ngobudlelane obunye emzimbeni wo-Nyana wako u-Yesu Kristu i-Nkosi yetu; Sipé amandla okuba sibafuze a-Bangcwele bako ngentlalo emsulwa neyokuhlonela wena, side sifike enywebeni leyo ingenakubaliswa owayilungiselela abakutandayo ngokwenyaniso; ngaye u-Yesu Kristu i-Nkosi yetu. *Amen.*

EYE-NCWADANA. Isi-Tyilelo vii. 2.

**N**DABONA enye i-ngelosi inyuka ivela empumalanga, inetywina lika-Tixo opilileyo; yadanduluká ngezwi elikulu kuzo i-ngelosi zozine ezanikwa

igunya lokuwona umhlaba nolwandle, isiti, Musani ukuwona umhlaba, nolwandle, nemiti, side sibatywine abakonzi baka-Tixo wetu emabunzini abo. Ndaliva inani labo batywinweyo; kutywinwe ikulu elinamashumi mane anesine lamawaka kuzo zonke izizwe zonyana baka-Sirayeli.

Esizweni sakwa-Yuda kutywinwe ishumi elinamabini lamawaka.

Esizweni sakwa-Ruben kutywinwe ishumi elinamabini lamawaka.

Esizweni sakwa-Gadi kutywinwe ishumi elinamabini lamawaka.

Esizweni sakwa-Ashere kutywinwe ishumi elinamabini lamawaka.

Esizweni sakwa-Naftali kutywinwe ishumi elinamabini lamawaka.

Esizweni sakwa-Manase kutywinwe ishumi elinamabini lamawaka.

Esizweni sakwa-Simon kutywinwe ishumi elinamabini lamawaka.

Esizweni sakwa-Levi kutywinwe ishumi elinamabini lamawaka.

Esizweni sakwa-Isakare kutywinwe ishumi elinamabini lamawaka.

Esizweni sakwa-Zebulon kutywinwe ishumi elinamabini lamawaka.

Esizweni sakwa-Yosefu kutywinwe ishumi elinamabini lamawaka.

Esizweni sakwa-Benjamin kutywinwe ishumi elinamabini lamawaka.

Emva koko ndabona, nango umkosi omkulu wabantu, ebekungekó namnye unako ukuwubala, upume kuzo zonke intlanga, nezizwe, nentlobo, nelwimi, bemi pambi kwe-trone napambi kwe-Mvana, bezambete ingubo ezinde ezimhlope, benamasundu ezandleni zabo; bedanduluka ngezwi elikulu, besiti, Usindiso

kuye u-Tixo wetu lowo uhleli pezu kwe-trone, nakuyo i-Mvana. Zaye zonke i-ngelosi zimi, zenze isanqa e-troneni nakuwo amadoda amakulu, nakuzo izinto ezipilileyo zozine, zawa pambi kwe-trone ngobuso bazo, zaqubuda kuye u-Tixo, zisiti, Amen; Umbo-ngo, nozuko, nobulumko, nombulelo, nembeko, namandla, nokomelela kuye u-Tixo wetu kuse emapakadeni asemapakadeni. Amen.

#### I-VANGELI. U-Mateyu Ongcwele v. 1.

**U**-YESU ebona abantu bebaninzi kakulu, wenyuka intaba; waza akuhlala pantsi, beza kuye abafundi bake. Wawuvula umlomo wake, wabafundisa, esiti, Banenyweba abangamahlwempu ngomoya: ngokuba ubukumkani bezulu bobabo. Banenyweba abakédamileyo: ngokuba bayakonwatyiswa bona. Banenyweba abanobulali: ngokuba umhlaba bayakuwudla ilifa bona. Banenyweba abalambela banxanele ubulungisa: ngokuba bayakuhlutiswa bona. Banenyweba abanenceba: ngokuba bayakwenzelwa inceba bona. Banenyweba abahlambulukileyo intliziyo: ngokuba bayakumbona u-Tixo bona. Banenyweba abaxolisi: ngokuba bayakubizwa ngokuti bangonyana baka-Tixo bona. Banenyweba abatshutshiswa ngenxa yobulungisa: ngokuba ubukumkani bezulu bobabo. Ninenyweba nina, xa bate abantu bangingikiva, banitshutshisa, bateta zonke izinto ezikohlakeleyo ngani bexoka, ngenxa yam. Vuyani, nigcobe kunene; ngokuba umvuzo wenu mkulu ezulwini; kuba benjenjalo ukubatshutshisa aba-profite ababekó pambi kwenu.